

MG
D693.65
214

記事錄總目

凡例

圖畫

序言

祝詞

緣起

記事類別

軍警員名表

陸海軍大元帥命令

正誤表

軍警聯合公所記事錄總目



3 2285 2424 9

軍營聯合公所記事錄總目

凡例

一公所成立之日在前清宣統三年九月以後斯編則由民國元年四月十號叙起至民國二年十二月底結止共計二年之久其中所辦事務不下數千百起各分各類共分五十六類以期統一而便披閱其民國元年四月以前彼時事屬初創未曾辦有記事錄無從編輯但其中所辦事件及公所地址等等皆在李會議長飛鵬緣起內敘明矣

一所辦事務往來文牘過多斯編從簡約主義除緊要者敘載其內餘不贅敘以爲刪繁之計

一斯編排印錯誤過多只以印出斯編已至三千餘部未易更改故後附正誤表一只以便就正而期權變閱者諒之

一公所人員甚衆對於公所辦事除常住員支領津貼外餘皆係實

事求是純盡名譽義發竭力維持始得聯合之莫大効果欽此
員名表在後以彰懿行而便知曉

圖畫

全體合影

趙秉鈞先生肖像

姜桂題先生肖像

段芝貴先生肖像

馮國璋先生肖像

何宗蓮先生肖像

閻錫山先生肖像

江朝宗先生肖像

烏 珍先生肖像

鶴 春先生肖像

袁得亮先生肖像

王汝賢先生肖像

洪自成先生肖像

殷 貴先生肖像

劉金標先生肖像

吳鼎元先生肖像

徐占鳳先生肖像

衛興武先生肖像

顧鴻恩先生肖像

劉懋政先生肖像

馬玉貴先生肖像

王天縱先生肖像

吳鵬嶽先生肖像

田獻章先生肖像

索崇仁先生肖像

崔承熾先生肖像

湯 綸先生肖像

王善荃先生肖像
治 格先生肖像
李壽金先生肖像
楊紹寅先生肖像
李飛鵬先生肖像
姚捷勳先生肖像
李玉麟先生肖像
錢錫霖先生肖像
劉朝仰先生肖像
黃漢湘先生肖像
申振林先生肖像
陳興亞先生肖像

軍警聯合公所記事錄圖畫




李君曉國因公赴津是日全體合影至此照成留照之

國民元年九月二十一日第一週年紀念軍全體合影



陸軍上將一前位國務總務內務總務長直隸都督趙秉鈞字智菴




陸軍上將毅軍軍統熱河都統姜桂題字翰卿



陸軍上將湖北都督段芝貴字香岩



川伯字山錫陶督都西山將中衛將上軍陸



江春子連宗何統都爾哈察將中衛將上軍陸



陸軍上將一動江蘇都督馮國璋字華甫



前步軍統領烏珍格謹



陸軍中將江朝宗宇澄



步軍統領右門衛總兵袁得亮字俊亭



步軍統領左門衛總兵春鶴字松亭



中將銜陸軍少將
拱軍左路統領自洪成字和



陸軍中將
第八師帥長王汝貴字甫



陸軍中將銜少將拱軍後路統領
劉金標字紫坡



陸軍中將毅軍前路統領
殷貴字錦波



營各補備路二第領統
查稽理總畿京前將少軍陸
庭怡字鳳占翁處務營



將中軍陸長官副級高事軍
章虎文等二章禾嘉等二
鍾子字元鼎吳



處務營查稽理總
將少軍陸
波雲字恩源顧



長官副處官副等高
官交外事軍兼
平燕字武興衛將少軍陸



將少軍陸銜將中
長處處查稽帶一師京
九旭字縱天王



將少銜將中軍陸
官問顧部軍陸任現
宸佑字政懋劉




校少軍陸
官查稽所合聯兵憲查稽
南河初筱嶽鵬吳



將少軍陸
官議諮部軍陸
山青字貴玉馬



陸軍少將參謀本部科長
崔承熾字昌周小照



陸軍少將禁衛軍留守司令
第二旅旅長田獻章字凱庭



外左五區警署署長
湯綸字仲言



陸軍少將禁衛軍步兵
第二團團長崇仁字軒



丞廳廳總警巡城外前
聊鶴字格治



丞廳廳總警巡城內前
長局收徵稅性翼兩
備仲字基善王



長察督務勤廳察警師京
三欽字寅紹場



長察督務勤廳察警師京
三達字金壽李



長事辦所公合聯警軍
將少軍陸長謀參府都徽安
山鳳字麟玉李



長議會所公合聯警軍
校上兵憲銜將少軍陸處務營軍衛禁
林紹字鷗飛李



長議副所公合聯警軍
將少軍陸
農澤字霖錫錢



長議副所公合聯警軍
營各步馬防巡統兼長處處務營天順
池貴徽安枝繼字勳捷譚將少軍陸



長處務總所公台聯警軍
將中軍陸議諮事軍府統總大
籍鄉湘南湖仙俠字湘漢黃



長事辦副所公台聯警軍
將少軍陸
谷少字仰朝劉



長處議評所公台聯警軍
校中兵憲軍陸長營營兵憲帥京
卿介字亞興陳



長處查調所公台聯警軍
隊緝游帶統尉翼左門衛領統軍步
軒靜字林辰申校上兵步衛將少軍陸

叙言

趙秉鈞

姜桂題

馮國璋

江朝宗

王汝賢

劉金標

祝詞

段芝貴

殷貴

成洪自

衛興武

吳鼎元

徐占鳳

顧鴻恩

王天縱

湯綸

李玉麟

緣起

李飛鵬

敘

京師軍警聯合公所何爲而成立乎自武昌起義各省如響斯應全國軍警秩序蕩然而京師一帶爲尤甚焉故軍與警意見衝突常常不斷值此靡亂不堪險象呈露軍警之間尙不能和衷共濟以救地方誠非京師地方之福而亦非軍警兩界之幸長此以往則心愈離而愈遠怨日結而日深仇視爲懷勢必至不可收拾而不止京師爲首善之區軍與警自相矛盾將置國家人民於何地蚤夜以思萬分危險當時鈞任民政職務見此現象擬設法維持而期治理爰集軍警兩界各級長官於東安門內北池子何宅當衆報告軍警兩界各有維持國家保衛地方之責自宜各盡厥職以慰國家人民之望乃竟意見不合時常衝突非所以盡厥職也當此秩序紊亂人心惶恐之時允宜設法維持對於軍警兩界我等當同心協力聯絡感情化

除意見務使敬愛爲心以國家爲前提以人民生命爲懷抱以地方治安爲根本結成團體恢復秩序此後軍警兩界凡百事宜共同討論大家表決然後施行庶紀律統一而治理可待也發表之餘公同認可於是公推鈞爲總司令推李紹林先生爲會議長錢澤農先生爲聯合長李鳳山先生爲辦事長其上中下三級各長官於會議期間均須與議以資取決而於是京師軍警聯合公所成立矣迨後軍警兩界無怨無尤各盡服從之義相親相愛同懷保衛之心秩序井然感情密密各省雖亂如弱絮而京師獨穩如泰山孰爲爲之孰令致之不知者必歸於公所之功也而鈞則曰非各級長官及諸將士之力不致此

國務總理趙秉鈞謹序

叙

京師地大人衆工商所輻輳亦奸究所叢集也其治安擊乎全國而爲隣邦所注視辛丑改革天下洶洶影響首及於都邑大憝巨猾從而潛煽居民惴惴旦夕不自保時則軍隊羸雜不相統攝警兵單弱顧此失彼吁其危矣民國紀年軍警同人有聯合會之設禁暴詰奸民志以定歷壬子癸丑二年之間得會議記事錄若干卷彙而刊之以余曾與首事之役也屬弁言於簡端夫消禍未萌弭患無形者計之上也此會成立以來固無赫赫功績可紀然當國家改革之際四民安業匕鬯不驚隣交亦莫敢予侮則非軍警戢睦不至此願我同人於思患豫防之道時相諄勉而無懈其初志則所以衛國家衛地方者當更有進是編其嚆矢也夫

民國三年四月

熱河都統姜桂題謹序

軍警聯合公所記事錄叙

敘

歲辛亥秋冬革命軍起京師戒嚴智庵趙公長民部與駐京各軍將帥合謀維持地方秩序其時軍警林立感情扞格籌議未協易滋誤會未有溝通而融洽之者事良不便乃設會議公所聯合軍警官長定時集議重要問題李君飛鵬錢君錫霖李君玉麟被公推董其事國璋還京深贊成斯舉列席提倡各盡緩急扶持之責當事變之環生也應付少遲措置偶有失當其危險即不堪設想幸諸君獨成見顧大局公心毅力維持始終去歲值甯贛之亂京師根本本地其防患未然尤有賴於劬瘁職務之軍警兩年來以公所爲聯合關紐既已成效昭著矣國璋近督師江南李君寓書來告公所記事錄將輯訂成帙國璋曾預議席義不可以無言惟望我軍警官長葆守榮譽協力維持聲應氣求團結親愛視捍衛地方爲共同應負之責任是則

國璋 雖遠在三吳於慰幸之餘猶不勝其禱祝之私者也

江蘇都督馮國璋謹序

叙

溯自武漢起義京師戒嚴軍警會議公所實肇始之迨國體改建共和客軍雲集於是諸當道詢謀僉同改會議公所爲軍警聯合公所建設迄今已閱三年矣夫使軍自爲軍則各張旗鼓將有趙幟漢幟之分警自爲警則各守界疆不免越人胡人之視識時務者有隱憂焉爰改爲聯合公所從此軍與警聯荷戈無殊於執梃警與軍合敵愾共詠夫同仇用能匕鬯無驚商安闔闔萑苻早靖民樂耕桑其組織發起於臨時而效果昭著於今日者也自茲以往願我軍人殺敵致果而衆志成城願我警界禦侮捍居而守望相助自京師以及各行省凡軍警駐守處所罔不聯合於無盡焉是則鄙人所深幸也

九門提督步軍統領江朝宗謹序

軍警聯合公所記事錄序

叙

汝賢以壬子春既平晉事率武衛右軍駐京時大局初定人心未安鶴唳風聲愁見烏衣燕子畫牢封域禍幾唐室府兵而虎日譁塵飛不落而京師根本重地於此驚濤駭浪之中幸復無恙多諸大君子熱心國事以高深宏遠之識爲聯合軍警之謀收羣雄共進之効爲之力焉於是因而益充之今已兩閱年所矣此兩年中之情勢變遷萬態畢呈而地方秩序彌復井然有條不紊本根固矣默繫於無窮者庸有旣耶夫天地之生物也百利於人然倚其利而不爲之所則其利不彰人之謀國也亦然軍以捍禦外侮保衛人民者也警亦以保衛人民者也奠國家於苞桑之固登百姓於衽席之安固立法之本心亦當事之所兢業者也但奮發之心人所同具當仁不讓手書移爲美談以愛國之熱忱行其有爲之天職必有專注或

不暇於他計此時更有人焉與之同一懷抱縱殊途同歸且將驚其勝思有以爭其先而相維相屬之需或更毅然而不顧此固非嫉賢妬能也成敗之關念勢有所必至耳其既也妨人娛己兩俱無成績請史册歷數賢豪昧於一時之見以經世之才同歸於盡貽恨無窮者固歷歷可數也而古之所謂君子者猶且不免囿其所習疵人之短坐觀競渡罔念同舟致遺國家之大戚一木難支大厦衆志乃以成城有令人低徊往復不禁唏噓者矣況在國家肇造之初急難者適於撻反尤易蹈其覆轍固非必攘奪權利之能爲患也夫軍警雖各有其職若不相維有如室家兄弟之不翁者有如五官之各奏其能而不互用者且在京師爲全國內外之所瞻屬一髮牽而全身動繫至重也賴有

諸大君子首倡聯合以通聲息而軍警各機關亦復樂爲之所於是

各事其事而並濟其功交相爲用而不紛其軌而賢亦得以厠身其
閒稍効奔走日擊其勝追思既往二年中漢水沸騰江流澎湃南風
不靖塞外揚塵論者或有怪北方獨享閭閻安樂之福者是尙未能
推其本而探其原於烈焰飛騰之時設身處地一念當局者之經心
碩畫也今京師之盛有加曩時四方知所宗仰大局又安絕無危懼
之可言然有備者無患持久者有功後之視今亦猶今之視昔
諸大君子深謀遠慮賢願從而學焉是爲序

陸軍中將勳五位第八師師長王汝賢謹序

軍警聯合公所記事錄叙

敘

兵者刑也刑者政治也古來不得已而用兵所以維持政治也可知政治之良否軍警與有責焉軍與警豈非一而二二而一哉回憶民國肇基亂機四伏除暴安良移風易俗尤當以武裝爲根本解決迄今四海澄清修和有夏若非軍警兩界不分畛域協力匡扶盍克臻此

貴公所成立兩年集合軍警聯絡感情至周且備是大局奠定政治統一之功效實維

諸公之力爲居多也標側身軍旅愧無補救聊弁數語以誌欽仰云爾

拱衛軍後路統領劉金標謹敘

中華民國三年二月

祝詞

翳維軍人 國家所憑 如柱支屋 不堅則崩 亦有警察
遍布域中 苟有內鬪 彈壓惟勤 惟軍與警 支分派別
若論職司 俎不容越 究其精神 宜溝而通 有兩相濟
無互相傾 軍如有挾 不與警交 其弊也狹 其失則驕
警若自阻 不與軍伍 其弊也孤 其失則餒 情以聯之
汝我相資 勢廣力厚 何往不宜 義以合之 泯去猜疑
既禦外侮 亦奠邦基 斯會之設 兩閱寒暑 都所撰記
堆案盈几 應鏤棗梨 用質君子 人鄙不敏 輿發其凡
督師南來 春戀不忘 滔滔江漢 奕奕畿疆 茲編所播
爲國之光

湖北都督合肥段芝貴謹祝

祝詞

茫茫大陸 何岸何邊 誰爲鍼線 造此山川 惟茲軍警聯合
會 實開民國之特先 上下一體 退邇皆連 關塞則貔貅奮
發 閭閻之雞犬安然 環球欽仰 根基延綿 丹心昭著 青
史留傳 於獻盛舉 億萬斯年
恭祝
軍警聯合公所萬歲

陸軍中將毅軍前路統領殷貴謹祝

軍警聯合公所記事錄祝詞

祝詞

周官立政 刑暴詰奸 休養生息 去殺勝殘 國體肇更
磐石未固 曰軍曰警 安茲天步 緊惟軍人 秉性豪邁
緊惟警士 靖共不懈 保國輔民 職司各異 不有綱維
衝突斯至 偉哉斯會 治於一鑪 溝通意見 刊奠首都
匕鬯不驚 雞犬不吠 江湖相忘 戈矛互愛 暑往寒來
裘葛四易 秩秩芸芸 人慶安宅 天造草昧 迤邐建侯
戡亂程功 譬彼同舟 禦患防危 勞伐卓越 積日爲閔
積功爲閔 恭祝貴會 於萬斯年 佑我下民 鑿井耕田
擊壤歌衢 含哺鼓腹 凡百君子 永荷天祿

拱衛軍左路統領洪自成謹祝

軍警聯合公所記事錄祝詞

祝詞

蠻蠲互爭 是謂無織 詐虞胥泯 迺爲大同 服我軍士
保民是急 嗟余警人 勞不矜功 群情和協 萬衆綏豐
載諸斯籍 聊當歌風

高等副官處副官 陸軍少將衛興武謹祝

軍警聯合公所記事錄祝詞

祝詞

於燦中華

淪胥十世

天生哲人

物還故我

赫赫王師

奠寧畿輔

戔戔警士

綏謐神京

成城衆志

鐘鼎銘勳

嗟余小子

與有榮施

軍事高級副官
陸軍中將二等
嘉禾文虎章吳鼎元謹祝

軍勢聯合公所記事錄祝詞

祝詞

民國肇造 百度維艱 內訌外患 危若倒懸 維持經濟
保衛宜先 志士呼號 喚醒睡甦 軍警聯合 宗旨極端
和衷併進 共保治安 博採衆志 補弊救偏 集思廣益
消防未然 審機應變 力挽狂瀾 兩載偉略 書之簡編
賡續無懈 互相勉旃 紹我不基 億萬斯年

統領第二路備補各營陸軍少將前京畿總理稽查營務處徐占鳳謹祝

軍警聯合公所記事錄

祝詞

軍警聯合

歲周二紀

共濟和衷

借籌建議

國資以甯

民賴以輯

偉哉成績

屹然卓立

總
副理
官稽
處查
副營
官務
長處
陸兼
軍軍
少事
將高三等文虎章顧鴻恩謹祝

軍警聯合公所記事錄祝詞

叙言暨祝詞

文以致治武以戡亂自古然矣然已亂易治也未亂易治也惟將亂難治是故治亂之法端在防患於未然壬子歲軍界同人議立公所作會議場著記事錄熱心共抱毅力堅持不旬月而公所成焉其組織者皆軍界中人其記錄者皆軍界中事名之曰軍警聯合公所每一星期會議一次各就見聞自由言論舉凡語中肯綮無不共表贊成一以聯軍界之感情一以記軍界之事實迄今兩易寒暑矣自臨時政府以及正式政府成立中原多故大亂再平大總統主持於上諸同人協贊於下一致進行共和告慶此中之苦心摩畫軍警聯合之力諸多夫聯合所以結團體徵之往古塗山之會玉帛偕來亳邑之會共球遙集登之近今維納公會奧實尸之神聖同盟俄實倡之此猶以數國爲聯合也即如美以聯邦稱盛合衆爭雄雖聯合屬一

國要難並籌於一地取便於一時曷若此濟濟同人其地點則適中而易聯其時期則有定而易合隨事可議隨議隨記隨記隨錄一切亂機倚伏亂黨存亡亂萌消長皆井井焉條分縷晰實隱隱焉杜漸防微兩年來亂事所以旋發而旋收者禍弭於無形乃軍警之有備耳天下事補救於事後者難爲力維持於事先者易爲功同人等悉心會議不厭詳求每遇難因問題曾經次第解決和衷共濟衆志成城撰成左史之文寫貴洛陽之紙因同議付梓以昭來茲縱不文竊亦技忝雕蟲光增附驥旣爲之叙

更祝以詞曰

男兒鐵血	寰海風波	旗揚五色	槍掃羣魔	四方響應
壯士長歌	漢興龍運	清滅虎苛	一人有慶	五族共和
民主國立	軍警功多	兩年記錄	遺稿搜羅	實事求是

校正無訛

刊諸梨棗

供此摩挲

同人偉像

壽永山河

中將
京師
師衛
一陸
帶軍
稽少

查處處長王天縱序並祝

軍警聯合公所記事錄祝詞

祝詞

首善京師 誰奠干羽 惟我軍警 迺文迺武 漢陽義師
閭閻舌吐 力掃欃槍 莫敢予侮 彼南亂生 聲沸如鼓
訛言相承 市中有虎 賴厥驅除 羣氓安堵 念厥功勳
載在盟府 傳之國人 共此甘苦

京師警察廳署長湯綸謹祝

軍警聯合公所記事錄祝詞

祝詞

今吾國黨會中之具有熱心著有成效且負有莫大之希望者其莫我京師軍警聯合會若乎光復之始人心浮動京師尤稱雜糅我同人恐根本動搖舉國將因以不靖也爰結團體協力維持企以保衛京師者保衛全國成立以來同志諸君子類能抱定宗旨竭力進行持以毅力歷終始而不渝運以熱誠合險夷而一致始人猶竊竊然議之嗣見本會之宗旨純正成效卓著也又羣起而贊成之是以名譽日益著範圍日益廣效用亦日益彰京師之化險爲夷安如磐石者我同人與有力焉前衆以玉麟董其事客冬玉麟以簡命來皖同志諸君又皆紛紛他適撫今追昔良用慨然然目前在京諸同志皆熱心愛國具有實力之人玉麟逆料此後必能賡續辦理且逆料後來之成績必遠過於從前也計本公所成立已逾二稔茲將經辦事

件著有成效者撮其大要揭櫫於天下且焚香膜拜爲吾公所祝其

詞曰

巍巍神京 國之本根 鼎革而後 險象環生 維我軍警 責
在保安 用結團體 宏濟艱難 同心斷金 衆志成城 使我
京兆 七閩不警 國步多艱 非異人任 願我同志 猛力前
進 大風泱泱 海水湯湯 謹祝本公所千秋萬歲 與吾民國
以俱長

軍警聯合公所辦事處
長安徽都督府 參謀長李玉麟謹祝

緣起

溯自前清宣統三年九月中旬，由開平秋操憲兵司令職務歸來，值武昌起義，各省響應紛紛獨立，警電頻來，京師人民大爲惶恐，携老扶幼，晝夜紛逃，以至東西各車站無插足之地。各軍分駐都城，軍警衝突時有所聞，秩序爲之大亂，整頓尙無良方。斯時趙智菴先生任民政大臣，覩此險象環生，因而多方籌畫設法維持，以固中央根本之地。遂邀集各軍高級長官姜翰卿先生、馮華甫先生、段香岩先生、陸朗齋先生、馮錦門先生、何春江先生、烏恪謹先生、江雨丞先生、鶴松亭先生、袁俊亭先生、丁少蘭先生、王仲薌先生、吳彭秋先生、治鶴卿先生，各率所屬中級以上軍官，集合於東安門內北池子何宅。舊第名爲軍警聯合會，後改軍警會議公所，又改爲軍警聯合公所。地址亦三遷焉：一遷至南羅鼓巷菊兒胡同榮宅，再遷錫拉胡同袁

宅三遷錫拉胡同鹿宅規定每星期六日上級官會議一次星期三日中級官會議一次公同研究互相討論不外保守秩序維持治安各辦法當卽公推趙智菴先生爲總司令京師所有軍警皆受其指揮又公推 鳴 爲會議長所有議案經衆表決後呈由總司令閱畢然後執行 鳴 擬聯合軍警各機關輪流稽查並於夜間支配馬隊分區游行以弭亂機而期治理經衆贊同實力施行而地方因之以肅斯時也軍警之間尙不免小有衝突稍生意見及至會議期間各長官均到公所當場研究將軍警之關係毅然解釋反生最好感情從此軍警兩界異常親密確實服從雖各省靡亂不堪而獨京師秩序井然推原其故實軍警各長官提倡於前諸將士維持於後同心協力無意見之私有關切之情所得而致也至十二月二十五日當清太后申明大義退讓政柄下詔共和五族一家全國人民歡欣鼓舞於

是中華民國成立矣此時地方人民謠言頗衆羣疑禁衛軍恐有蠢動馮華甫先生集合全軍官佐頭目痛陳方今大局清太后德意該官長頭目等深明大體答以我輩皆國民一分子大局不保同歸於盡只求全國人民對於皇室格外優待我輩毫無異說等情其注重之觀念爲何如耶以後所有經過種種狀況該軍等果能極力維持始終不懈於以見注重之心爲倍切也各省軍警兩界見京師軍警聯合効力頗大紛紛來函索取章程以資模範當經按函分投而仿辦者居多壬子四月招集各機關下級官長在外城鷓兒胡同平介館每月兩次集合一處聯絡感情鴨同辦事長李鳳山先生副議長錢澤農先生當場演說軍警兩界結成團體保衛京師以固根本不第於大局受無窮之維持且於全國人民受極大之利益否則大局不顧何堪設想况國家爲人民身命之保障國家不保身命何依此

尤爲吾人所當極須加意者也說畢即報告公所議案如何表決如何否決請各長官將此意轉告所屬日兵人人均有遵守服從貴重名譽以國家爲身命之依以人民爲根本之據實力奉行方不負各官長維持之苦心也當時京師貧民異常之多且見外人格外乞憐實於國體頗不雅觀遂於會期提及此案應如何辦理以資安置而免流離當經公同表決不以施捨爲是設立貧民教養院軍警兩界隨意資助其每月經常各費由奢侈捐轉辦需用米石由順天府協濟擇定梁家園同善工廠內設立開辦招集老幼貧民八百餘名後將壯年挑入清道夫服役幼年子弟則教以織工農業並授以粗淺文學算術增其學問保其終身其內容手續該院另有詳章以上種種皆民國元年四月以前之事也而記事錄一項尙無端倪至元年四月始有記事錄繼此以後所有提議表決經過各事無論巨細均

經備載矣夫斯編之所以附印也非徒事炫耀以表示於人也聊以見當日聯合之效果及其深心並其成績焉耳我國人民之性質勢如散沙無合結力久爲世界所訕笑而軍警之間爲尤甚而京師之軍警更與他處不同故當前清時代京師軍警常起衝突意見之嫌蓄之久而結之深迨武昌起義秩序紊亂之時遂至漫無約束而兩界之衝突亦遂益增其惡感若無良法美意調停其間勢必釀成大患而終不可治京師之地爲何地乎倘生不測誰職其咎該公所成立以後軍警兩界相遇者轉而相親其愛敬之態度較從前而天淵迥殊化爭競而爲和平撥亂反治何爲而致此耶非聯合之力歟獨是持於暫而不持於久則維持之力不堅治其末而不治其本則施治之力不固夫演說之入人腦筋也最速對於軍警而不常常以演說勸之不足以開其茅塞貧民之生心致亂也最易無法安置而不

人人以教養理之不足以戢其亂源平介館之開會演說所以開其
茅塞也持久之道也貧民院之教養開辦所以戢其亂源也治本之
方也聯合之效果在此聯合之深心亦在此卽聯合之成績亦無不
在此而況內容之煌煌議論卓卓行爲意見之高超研究之精細尤
爲成績所昭著者哉雖然獨斷獨行究難得其效羣策羣力方足成
其功縱三級各長官保衛爲懷提倡於前要亦萬衆兵士深明大義
服從於後所得而然也而斯編之附印烏可緩哉烏可緩哉

軍警聯合公所將銜憲兵上校禁衛軍營務處李飛鵬撰

中華民國三年二月十九號

記事錄類別

- 第一類 關於軍警之本身各案
- 第二類 設立公典及保護當商案
- 第三類 戒嚴時間及門柵啟閉案
- 第四類 禁止乞丐收養貧民案
- 第五類 軍警執照案
- 第六類 冒充軍人案
- 第七類 軍警行禮案
- 第八類 取締各車案
- 第九類 通知走隊案
- 第十類 禁放花炮案
- 第十一類 彈壓廟會案
- 第十二類 撫恤故警案
- 第十三類 預防各事案

第十四類 獎勵軍隊案

第十五類 販賣人口案

第十六類 關於各會維持秩序案

第十七類 頒發共和淺說案

第十八類 八旗餉銀案

第十九類 追悼會案

第二十類 尊重國旗案

第二十一類 嚴防盜賊查辦土匪案

第二十二類 練習軍號案

第二十三類 軍警口號案

第二十四類 關於電話各案

第二十五類 取締戲園案

第二十六類 禁售各書案

第二十七類 注意違警律案

- | | |
|-------|----------------|
| 第二十八類 | 禁種片煙案 |
| 第二十九類 | 注意火警案 |
| 第三十類 | 整頓路燈案 |
| 第三十一類 | 提倡演說案 |
| 第三十二類 | 國民捐案 |
| 第三十三類 | 剪髮案 |
| 第三十四類 | 下級官聯合會案 |
| 第三十五類 | 調遣軍隊案 |
| 第三十六類 | 將校研究所及學生隊成立巡行案 |
| 第三十七類 | 維持軍人名譽案 |
| 第三十八類 | 軍警冶遊聽劇案 |
| 第三十九類 | 軍隊住址服製案 |
| 第四十類 | 減少衛兵及免槍械子彈案 |
| 第四十一類 | 對於巡警各案 |

第四十二類 維持市面案

第四十三類 對於民國商團各案

第四十四類 分送內務通告案

第四十五類 軍警考究射擊案

第四十六類 關於偵探各案

第四十七類 組織軍警日報案

第四十八類 然放子午砲案

第四十九類 關於街道衛生風俗各案

第五十類 辦理軍人各案

第五十一類 偵察謠言案

第五十二類 對於報界各案

第五十三類 對於外人各案

第五十四類 保護參議院及國會案

第五十五類 代辦官車

第五十六類 預防觸電案

軍警聯合公所記事錄類別

軍警聯合公所記事錄類別

軍警聯合公所記事錄彙編

第一類 關於軍警之本身各案

元年四月十號

李領袖紹林云李會員鳳山提議

之第三項云到會各員如於地方及軍警兩界有關係之事皆可提議取決辦理此項經衆表決嗣後會議之期均宜各抒所見以收集思廣益之效

李領袖紹林又云李會員鳳山提議

之第四項云將校研究所及學生隊業已設立可否函知該所取其章程及管理人名以便通知各區遇事保護(此條表決)請錢澤農君先到該研究所調查明白再行通知各區

元年四月十七號

李領袖紹林宣示李會員鳳山提議

本公所近來事務紛紜往來函件甚多若僅用步警傳遞恐多遲誤可否由步軍統領



衙門日派馬巡二名到所傳遞公事（此條經衆表決）

振會員靜軒亦允照派但須定準時間方好排列班次衆議馬巡來所傳達公事每日以早八鐘至晚六鐘爲率

全日

李領袖紹林宣示李會員鳳山提議

嗣後無論執法處稽查處凡有告發事件派兵搜索賊物必須先通知該管區或由本公所轉達該區均無不可但搜索兵士必須攜帶執照以便查驗而重公務

元年四月二十四號

李領袖紹林宣示李會員鳳山提議

記事錄當日印刷不及碍難分送凡到會各員應攜帶手摺鉛筆如經衆表決即刻實行者可請各位詳載手簿以便傳知所屬立即實行而免忘却

又提議到場時刻規定以午後二時爲限往往有過時而尙未到者嗣後準以午後二時到所與議以示限制而免參差

衆謂此條應照辦

元年五月一號

李領袖紹林宣示李會員鳳山提議

嗣後地方遇有緊急事項發生請先電知公所由公所電稟各長官以便籌商辦法
又云提議各件經衆表決者務乞諸公竭力進行萬不可視爲具文

(此一條經衆表決應照議辦理)

元年五月八號

李領袖報告云山東省城現在亦發起軍警聯合會來函調取本公所簡章已由 總長
檢送該省會所矣

元年五月二十二號

李領袖紹林宣示李會員鳳山提議

軍警會議維持大局各省皆欲做辦紛紛索取章程但本公所一切章制尙不完備擬
請諸君安定一詳細章程以便送交各省查照辦理

李領袖紹林謂軍警聯合爲效甚大卽如本公所自去歲成立以來頗著成績惟所定章
程甚爲簡單實不足以利推行而垂久遠擬請諸君重訂一完備章程以便分送各省

龔代表仙丹謂各擬章程一份未免意見岐出難於取決應請領袖先擬草章送交各界籤注俟會議時再行當衆表決印送外省較爲允當

全日

又提議前議決無論何區遇有警急事項必須先電知公所再由公所通告各處以免紛岐

李領袖紹林謂目前我轄之警察隊在外城某茶室見有禁衛軍之兵在內滋事經警察隊前往干涉該兵抗不服從且邀衆軍毆傷警隊隊中二人見勢不敵始鳴笛求助後經右二區巡警及游緝隊往助始拏獲數人帶回罰辦我不勝感激

全日

又提議軍警督察處業已成立請將尊處之章程規則賞給若干份以便分發各處遵守辦理

振會員敬軒謂應卽照送

元年五月二十九號

李領袖宣示李會員鳳山提議

每日口令由公所頒發各處然各部署是否通知鄙意參謀陸軍兩部爲軍隊機關理應通知餘部可免通知（經衆表決）

全日

又提議軍警聯合頗收功效現各省亦在提倡組織中公所之章程不日擬訂但軍警會議公所之名是否可用請討論之

劉代表少谷謂宜更名軍警研究所

董代表祥周謂既名會議公所將軍警兩界研究聯合均包括在內應仍用原名毋庸改（經衆贊成）

元年六月十二號

李領袖宣示李會員鳳山提議

軍警聯合發生於首都前提議修改章程通告各省藉資提倡至今未見表決現天津亦成立軍警團隊實進會本公所雖倡之在先而反落人後殊爲缺點仍請諸君公定章程以便分發各省

錢會員澤農謂此項章程已有擬單容與李會員伯珉商酌後再行修正通告各省

今日

李領袖宣示內城十區提議事件

本公所會議記事錄向係第二次會議始行交閱然關於急行事件當時記錄回歸即辦者有之亦有因事未到者亦有登時未及記下者如再隔一星期之久見此記事錄始行辦理豈不貽誤事機可否由公所趕緊付印提前數日由各區於規定日派警取回按條照辦庶於事實上公務有裨非淺此條經衆表決照議辦理

元年六月二十號

李領袖紹林宣示李會員子裁提議公所應行改良事宜三條

(一)名稱之更定 本公所爲軍警聯合機關成立以來效果卓著近者各省均有倣辦者惟會議公所名稱僅爲討論機關而無協助軍警界之實力然本公所於事實上其有協助之本能兩界亦均公認擬改名曰軍警聯合會庶幾名實相符而其權限於軍務行政警察行政仍無妨碍聞河南省已設有軍警聯合會矣請公決之

李領袖紹林云本公所之名改爲軍警聯合會諸君對於此名有無意見

李會員伯珉謂現在聯合會極多易與相混不若改稱軍警聯合公所爲是（衆會員

均表贊同議遂決）

錢會員澤農謂即請李會員將表決改定公所名稱報知總長核定俟核定後即行通知各處

（一）手續之求備 本公所成立於軍務倥傯之際故辦事手續諸形簡略如每一會期議決事件應知會兩界機關施行者僅送議事錄一本並不另用文牘知會以致各機關常有忽視之處茲擬請將議決事件每會期之次日彙呈

總長畫閱後另行知會各機關施行則手續較完矣

（二）時間之提早 現在天氣炎熱午後會議使會員往來於赤日之中似非體恤之道擬自下會期起提早於清晨八鐘開會十鐘散會較爲合宜

以上二條經衆表決應照議實行並通知各處

張會員潤澤提議

嗣後會議之期應立一畫到簿請到會者自行書名並於會議之次日呈

總長閱看（衆贊成）

元年六月二十六號

李領袖紹林提議

本公所會議現已改爲早八時開議而屆時仍多未到者至於畢會總以所議事項終了爲斷不必限定時刻

(經衆表決)

又提議現在本公所名稱已定所擬簡章請各會員大加改正現有董代表祥周龔代表仙舟二君註改簡章二份範圍雖有廣狹之不同而意思究屬一致應請各會員逐條研究再請

總長核奪

又當場宣佈龔代表仙舟改正之簡章

李會員子裁謂可公推修正員俟修正妥協於下期會議當場通過

李領袖紹林謂將董龔二君簡章刷印分佈各機關改定後再開一臨時會議公決章程

(經衆表決)

元年七月三號

李領袖紹林提議

前經各會員草擬本公所章程今日當場通過如有不甚完善之處請公同研究之其會議草章及辦事規則兩項俟公所章程決定後再另行專訂

張會員潤澤謂軍警聯合公所之記字宜改章字

龔會員仙舟謂本章程第一章第三條內宜去決議二字

黃會員憲廷謂第三條內宜改綱要為各項二字

李會員子裁謂第四條內軍警機關中間宜加聯合二字第六條各項均去屬之二字

張會員潤澤謂第六條第一項改陸軍部所屬及駐京各軍隊第四項改為順天府巡防

隊第九條內應設二字改為公推各部分上加以辦事員四字

董會員祥周謂第十一條內經費改為由總司令籌給之七字

龔會員仙丹謂第十二條內宜加分字

錢會員澤農謂軍警聯合公所之上宜加京師二字

董會員祥周謂第五章第十四條內另有規定改為另行規定

李會員子裁謂第十五條改如有未盡事宜得以會議修正之

錢會員澤農謂公所二字之上均冠以本字此章程公同表決

全日

李領袖提議

軍警聯合收効頗著惟各機關之長官務須將聯合旨宗常集合所屬演說之萬不可將聯合之功效而被所屬及少數之人行其破壞致生意外之惡感或別生枝葉而存意見總以互相保持大局爲要

全日

又提議前議凡表決各件必須呈請 總長閱視方得實行但軍警事項皆關迅速若必請示然後再行恐有貽誤之虞可否凡事關重要卽速實行然後再呈請閱視似較簡便免悞機宜

李會員子裁謂何界卽歸何界辦理

錢會員澤農謂呈 總長核辦及盡閱事件宜實行

全日

又提議軍警聯合會業已久立其聯合不過照例而已另組織軍警將校俱樂部一處每

逢星期日聚樂一次請諸君研究是否可行

全日

京師軍警聯合公所章程

第一章 總綱

第一條 本公所以聯合軍警爲一個團體協議維持治安爲宗旨

第二條 應刻圖記一顆文曰京師軍警聯合公所之章以資鈐用

第三條 本公所依左列各項得實行之

甲關於聯絡感情及調和衝突之事項

乙關於維持現狀平靖地面之事項

丙關於查禁謠言及偵緝藉名招謠之事項

丁關於軍警各機關移動更調之通知事項

戊關於其他應行協商之事項

第四條 本公所爲軍警聯合總機關凡決定事項兩界各執行機關均應照議實行

第五條 軍警之口號每日由本公所發布之以歸畫一

第二章 組織

第六條 本公所以左列各部分組織而成

- (一) 陸軍部所屬及駐京各軍隊
- (二) 內務部內外城巡警廳區隊
- (三) 步軍統領衙門兩翼營游緝隊
- (四) 順天府巡防隊

第七條 本公所爲圖會議之便利得擇內外城適中之地設立之

第八條 上列各部分應各派人員二員輪流住所管理各本部一切事宜

第三章 職權

第九條 本公所安推總司令一員辦事員若干員辦事員以各部分值班人員分充之

第十條 總司令綜核全所事務凡軍警會議贊同事務皆取決之並得支配各辦事員之職務

第四章 經費

第十一條 本公所需用之經費經辦事員核計數目由總司令籌給之

第十二條 本公所辦事員之薪津均由各本部分發給之

第十三條 守衛及書記由游緝隊巡警廳撥用之均不另給薪餉

第五章 附則

第十四條 本公所辦事及會議之規程另行規定

第十五條 本章程如有未盡事宜得以會議修改之

元年七月三十一號

李議長紹林報告總司令支配公所辦事人員公函二件茲附錄于左

七月十四號函現由公所推舉李飛鵬爲會議長李玉麟爲辦事長錢錫霖爲聯合長李鑫爲文牘主任現既各有專責嗣後公所事務卽統由該會議長等妥籌辦理毋得再有疏忽李鑫薪俸較薄應每月由公所公費項下加給二十元以資津貼統希查照辦理此致七月二十號函公所事繁亟應添員佐理以免遺悞劉朝仰爲副辦事長劉兆麟爲交際員恩實爲庶務員

全日

李代表鳳山提議

凡議商議決各件宜保守秘密然時局所在往往所議各件其中難保無激烈之言所議各件能否實行亦未可定若當時議決即行表揚徒招外人之惡感況前議尙未實行而已登載報章亦失軍警兩界保守秘密之專責嗣後仍當保守秘密可也

劉代表少谷謂嗣後記事錄請將秘密事件提出另行編定非重要機關不與閱看

全日

李代表鳳山提議

軍警兩界所辦之事皆貴迅速嗣後無論何項事項凡關軍警兩界事件仍請提前辦理以重要公

又提議明日平介館下級將校會議能否實行請決定轉達各處議長李紹林謂下級官會議明日一定舉行即請各部員轉飭屬下遵行公所不另知會

(本日十點十分散會)

元年八月七號

李鳳山提議

每屆星期二會議之期諸君必視爲重要之件無論有何事項能抽身赴議者必須親

赴與議否則仍另派委員代替以免別生枝葉嗣後凡赴場與議各員一律登載記事錄內以重議案

龔代表仙舟謂應請公所再爲函催

李議長紹林宣布公所會議規則

李代表鳳山謂此辦事規則中尙有缺點二一爲會員不到會之辦法一爲議決之如何表示均應加入以期完善

李代表鳳山提議

按前軍警司令部所定簡章條內凡駐京軍隊之獨立機關及地方衙署均派有專員常川住所以便辦事迅速現禁衛軍毅軍及內外兩廳順天府皆按章辦理惟拱衛軍既爲獨立機關亦應派員到所以便接洽辦事而重章制

又提議前議無論事之大小凡經衆認可閉會後仍由公所函請辦理以期早爲施行而免遺悞伏思軍警兩界所議之案皆關重要又貴迅速若待公所函請反較遲緩不如當日表決卽請施行勿庸再由公所函達以期敏捷而免繁瑣

又提議凡此次表決之件施行與否俟下期會議時必須當衆宣示前案已施行抑未施

行其中有何阻滯以便再行研議免悞要公

元年十月十六號

李議長報告李代表鳳山提議

軍警聯合其目的在意見融洽無論何事皆取用意施行若未經公決之事驟然行之不免發生意見致起煩言嗣後無論事之大小凡關於公共事項必須經大家討論取決之如事關緊急不暇召集會議者必須由公所人員分頭說明原委以免別生意見（衆以爲然）

元年十月二十三號

李代表鳳山提議

公所開辦將屆週年公所同人擬舉辦周年紀念會所用款項由大家公攤未審諸君以爲如何

錢代表澤農謂此事自無不贊成惟平介館下級官亦須擇日舉行周年紀念其會中辦法由公所略備煙茶點心使得從容晤談以盡半日之歡

元年十一月十三號

李議長紹林宣示李代表鳳山提議

軍警兩界所以能意見融洽遇事互相維持者皆此常期會議之功乃近來每屆會議人數寥寥大有退化之勢嗣後務請兩界同人于會議之期撥冗臨會是爲至幸

李議長紹林謂凡辦一事無論大小輕重應有一定之辦法斯有完固之精神本公所自開辦以來對於維持秩序調和感情已收莫大之效果但現在到會人數每每不及從前踴躍以後應請諸君仍踴躍赴會以固團力

董代表祥周謂現在會議警界來者甚多軍界多有不到者應由公所去函請其屆期到會以免廢弛(衆贊成)

又提議前星期提議之案如已經辦理者請即報告其未經辦理者請即從速辦理免致貽悞

李議長紹林謂凡前次所提議之各案無論已否實行均應逐件報告當經公衆查明已經實行者一爲致謝天津軍警團隊聯合會之公函一爲已經議決之貧民補助款其未實行者如野操打靶章程起草員尙未起草至各軍隊服制圖樣則已於今日收有數份其有未送者請其即從速所以便彙印分知

元年十一月二十七號

李議長紹林宣示李代表鳳山提議

會議之期須由兩界會員各提議案俾得共同討論見諸施行若以一人獨提議案實與會議宗旨不合嗣後每屆會議務請在會諸君無論事之大小凡關於維持治安者均可條書所見以作研究資料方于時事有益(衆以爲然)

元年十二月四號

李議長紹林報告憲兵營來函擬加入公所會議

衆謂此事應先函達陸軍部方合手續

又報告司法部來函謂本部現開中央司法會議并送來旁聽券二張請屆期到會旁聽

又宣示李代表鳳山提議

以後公所會議對於議決之事無論已辦未辦均應當場報告俾衆週知(衆以爲然)

二年一月八號

李議長紹林演說軍警聯合至今年餘所議事項頗著成效而各界會員到會者亦異常

踴躍實爲我軍警全體之幸但公所自成立以來諸君舉兄弟爲議長每逢會議均以兄弟一人主持議席一年之中隕越滋多實屬有負諸君屬望之殷與司令長委任之重今逢民國二年開第一次會議又與諸君聚首請問自今以後是否仍以兄弟主持議席如仍照前辦理務請諸君起立表決嗣後關於當衆表決之事是否有效恩會員潤泉謂本會當場表決之案當然有效此在公所成立之初卽已如此不自今日始也

黃會員憲廷謂凡議決之事當然照議進行如實有障礙儘可協議維持萬無推翻之理
二年一月十五號

臨時議長錢澤農君報告公所經費昨奉

總司令面諭從速分別造表呈核以憑確定

又報告昨馮軍督電呈

總統略謂公所開辦已歷一週所有在事人員不無微勞足錄應請獎叙以昭激勸

二年二月十九號

李議長紹林宣示李代表鳳山提議

軍警聯合已達完美成績昭然現值國會召集在邇軍警兩界應行研究之事至爲繁多常期會議務請諸君撥冗賁臨俾得共同研究要事（衆以爲然）

凡會議之期諸君到場務請自行簽名勿爲他人代寫以昭慎重（衆贊成）

日前馮都督提倡獎叙軍警全人履歷表早經錢澤農先生送呈總理但至今未見發表兩界同人應如何進行請諸君討論

錢代表澤農謂此事總理已經承認一俟各軍隊請獎完畢後卽行辦理

李議長紹林謂此事請錢代表再行催問總以早日發表方好

二年二月二十六號

李議長紹林宣示李代表鳳山提議

軍警聯合已及年餘敦睦之情異常親切但各機關之部下甚多若未一律通知恐遇事仍不免衝突之患軍警長官於平日演說時務將軍警聯合之美意及近來之情形善爲開導庶日久意洽不致因少數無知惹起惡感卽偶有衝突亦不致以長官約束之寬嚴別生意見則軍警聯合日有進步（衆贊成）

李議長紹林提議

前次公所呈請獎叙軍警官長暨公所辦事人員一案事經月餘尙未發表據錢代表澤農謂總理對於此事頗爲注意應俟軍警本機關自行請補實官完畢後方可舉行并由兄弟日前偕同李代表鳳山錢代表澤農面見總理呈述意見請將此事提前辦理已蒙總理認可然以愚見而論總以在國會前發表方有效果擬再請錢代表澤農一催諸君以爲如何(衆贊成)

二年三月十二號

李議長紹林報告

日前公所請獎一事兄弟已迭次請求總理早爲發表但總理意旨謂軍警維持治安叙功請獎本爲當然之事惟稽勳局叙官標準係以奔走革命者爲首贊或共和者次之維持秩序者又次之將來正式政府成立自有一定辦法以慰諸君之望總理所囑如此用特報告

二年四月二號

李議長紹林宣示李代表鳳山提議

公所自組織以來每屆會議各機關到會人員異常踴躍乃近來數次與議者頗形減少實與最初聯合之意不符況國會開幕在即應行會議事項較之平日更繁應請各機關長官仍如期到會以便研究一切（衆皆起立贊同）

每屆會議凡到會人員均須日行簽名其未能到場與議者他人不得代書業經屢次表決在案乃近來頗有代人書名者似于前議未符應請諸君仍照前議辦理爲荷（衆以爲然）

近來反對軍警公所者皆因會議事項未能揭示於人故生出種種異議殊不知公所所議事項固無不可告人者擬將會議記事錄於每次會議後送登報紙或內務通告以釋局外之疑

陳會員建侯謂記事錄送登通告固足以釋反對之疑但內務通告篇幅甚狹記事錄甚多烏能全行揭出擬擇要登載以省繁文（衆贊成）

李議長紹林宣示李代表鳳山提議

二年四月九號

公所爲軍警總機關凡各機關有如何舉動總宜先時通知公所以便轉告他人免致

紛紛電詢茫無以應

李議長紹林略謂公所爲軍警兩界聯合之總機關凡遇事件發生之時無論通常特別均應預先通知以便轉達卽如此次國會開院以及鳴放禮砲地點公所均不知悉對於他種機關電詢以致無詞答復以後務請遇事通知免致有所誤會(衆以爲然)

全日

又提議公所會議事項每次備載記事錄殊無不可告人者乃各團體對於公所多生疑慮可否將每次記事錄登之報端以釋羣疑(衆謂可選擇送登以省繁文)

明日平介館下級官聯合是否舉行請諸君表決

(衆謂此項會議已停數次明日應照舊舉行)

二年四月十六號

李議長紹林宣示李代表鳳山提議

軍警兩界之公事向以敏速爲貴萬無因循展緩遲之又久而後行者乃公所近日提議事項常有經五六日而未見答復者實非慎重公事之道應請各機關嗣後對於公所表決要件總以從速辦理爲荷

李議長紹林謂議案通過當然發生効力自應即行辦理以期迅速乃近日以來各機關對於公所議決之事每每故爲擱置殊非設立公所之本旨以後應請諸君注意

全日

又提議獎叙軍警人員一案前由總理批交錢澤農代表辦理但此案早經繕呈至今未見發表兩界同人希望其殷仍請錢代表前往催問務求從速發表以慰衆望

錢代表澤林農謂此事自應即日催問

二年四月二十三號

李議長紹林宣示李代表鳳山提議

近來各報所載有謂軍警會議涉及總統問題者有謂預備干涉國會者種種謠言不一而足究之公所會議除調和軍警維持地面外從來未提及他項事端似此造言生事若不設法解釋則疑竇日增殊於治安有碍擬將每次會議記事錄送往報館登載以釋羣疑諸君是否贊成(衆贊)

二年五月十四號

李議長宣示李代表鳳山提議

公所爲軍警兩界組織而成凡事皆應互相提挈互相扶助方不悖聯合之旨嗣後兩界對於地方有事者務先電知公所以便轉達各處免致別生阻礙

錢代表澤農謂此事前次已經提議應請各機關照議實行以期消息靈通而免貽悞

全日

又提議近來謠言四起公所應議之事愈多每屆會議之時各機關人員到者寥寥以致遇事不能表決實行嗣後仍請各機關應行與議之人屆期偕來免悞事機

錢代表澤農謂公所對於各報之攻擊所以故持冷靜態度者本有一定之作用至於到所會議仍請以踴躍爲是

全日

又提議特別會議最爲重要凡與議人員必須在中級以上可負完全責任者到場與議方能收卽決卽行之妙如派遣不能作主之員則反生遲滯嗣後遇有特別會議應先規定與議人員以昭慎重而利進行

錢代表澤農謂以後如有特別會議請于通電前預先說明理由以便研究
楊會員欽三謂此係公所特權無須討論

二年五月二十一號

李議長紹林宣示李代表鳳山提議

公所成立以來屬于地方治安收効頗巨而軍警之感情亦日見親睦乃近來之軍警又時有衝突發見殊乖聯合之旨應請兩界長官嚴飭所屬萬勿遇事動生意見以致貽笑於人

全日

又提議現在內外城拏獲要案及干涉他項事端有時由於軍隊亦有時出於警察及報章所載往往連類而及是軍警爲現今固定之名詞而軍警公所亦爲現今最重要之機關故地面有事發生每先電詢公所嗣後應請各機關遇有事故早爲通知以便轉告他處(衆贊成)

二年七月二號

李議長紹林請錢代表澤農宣示

前因德勝汎有聲明書一函由公所送達警察廳故今日外左五區又有聲明書之來據弟之見以後地面發現事端無論何衙門承辦遇有彼此衝突之時務請親赴該管

說明理由祇要將案辦結不至廢弛捕務似不必以些小之事動用書牘辯駁致起筆墨之爭且於事實毫無裨益此次外左五區聲明書中已將辦理邢四一案情形分晰明白提署諸君聞之當亦釋然矣

湯會員仲言謂公所前次會議曾有無論何處辦案皆須知會地面之議固表決後未能實行以至有此現像以後各機關辦案務請先行知會地面以免動生衝突至傷感情
二年七月三十號

李議長紹林

報告北京警備處來函略稱奉 北京警備地域司令官令北京警備處業已成立前設之軍警聯合公所當然取銷所有公所原派各員應令回該原處當差如本處需員辦事自可另行調派其原係借用器具等件查明分別送還仍開單詳報等因應即函達查照等語

錢代表澤農謂軍警爲重要機關當此戒嚴之際尤不可輕言取銷公所即如前日剛接取銷公所之信旋有外右三區電告公所云現在彰儀門大街一帶有雷護軍使之隊伍數十名沿街拉僱車輛地面商民異常驚恐巡警又不敢逕行阻擋請公所電告護

軍使調回拉車軍人一面再由公所詢其用車數目分請各區署代僱免致驚擾地面等語維時公所人員以公所既已取銷當然不負責任遂復電卻之該區署長異常着急不知此事究如何了結

張會員潤澤謂前日雷護軍使之隊伍在敝區地面拉車其時人心甚爲驚惶因電請公所設法迨公所值班人告以取銷之情不得已一面電告警察廳一面電請北京警備處設法時該處接電話人爲樂君印孫本會員告以前情並請求維持樂君躊躇良久曰敝處對於此事現實無法維持言已遂去後經敝區巡警多方對付該軍等始僱數輛圍然而去

錢代表澤農謂前日公所接到取銷之信同人都爲駭異當由兄弟面詢司令司令答以並無取銷公所之意亦未有此項命令不知此事究由何人所爲

李議長紹林謂兄弟前日聞知此信亦曾面見副司令副司令亦云未有此事并囑電告公所辦事人員仍照常辦公萬勿因此信遂逕行解散致誤要公當由兄弟電達公所同人對於此事皆莫名其妙按公所之設立原係軍警各上級長官組合而成一面聯合兩界感情一面維持京師現狀所有司令亦係兩界公推用意至美收效亦鉅

奈何兩載勤勞未獲良果而新設之北京警備處意欲以一紙空文裁撤殊覺大違兩界同人結合之初心

當由衆會員決議公所爲軍警兩界同意之組織成效久著將來取銷公所非有司令真實命令與兩界長官之意斷難取銷

張會員潤澤謂取銷公所之函兩司令皆云不知此函是否由警備處發來須當研究陳會員建侯謂既非真司令之命令公所萬不能取銷

申會員靜軒謂此函破壞軍警聯合關係非淺何人所造務必切實追究主名

李議長紹林謂公所同人對於此事已撰有議案將由公決後呈請 司令核辦茲爲報告請諸君表決

軍警聯合公所議案 公所成立於壬子武漢起義之會迄今幾及二載所辦保全大局及維持地面之事不下數千百起今年春間亂黨假宋案借款兩事推翻政府有以十萬金解散公所之運動同人一志同心屹不爲動現在亂黨四伏總統憲法諸問題尙未解決軍警聯合機關實未可輕易搖動迺本月二十七日下午間忽接北京警備處來函稱奉北京警備地域司令官令北京警備處業已成立前設之軍警聯合公所當

然取銷所有公所原派各員應令回該原處當差如本處需員辦事自可另行調派其原係借用器具等件查明分別送還仍開單詳報等因應即函達查照前來公所接函之後不勝詫異當由值班員電詢各長據聯合長錢澤農電稱適間面見趙司令尙有軍警聯合公所萬不裁撤之諭何以該處竟有此函正駭怪間忽接會議長李紹林君由軍政執法處來電云公所並無裁撤消息問之副司令副司令亦云未有此項命令並囑速電公所辦事人員萬勿解散各等語現值戒嚴之際命令至爲重要軍警聯合機關尤非尋常機關可比乃 趙陸兩司令長並無裁撤之意而北京警備處之暫住人員竟敢捏造命令擅裁軍警重要機關其居心險惡似以受亂黨運動隱圖破壞大局者此輩弄權自恣若不從速追究明正典刑小則必惹軍警交訐之變大則將成機關解組之虞同人等函電交詢異常憤憾爲此提出議案即請當衆決議後送呈 司令長追究捏造命令主犯按法懲處以儆儆尤勿令潛跡要津再售奸謀致擾大局民國幸甚同人幸甚

衆謂此案甚妥即請錢李兩先生面呈司令辦理

錢代表澤農謂兄弟今日要見司令此案即可由我帶去

張會員潤澤謂成立公所並非權利思想實爲維持地面辦事便利起見乃該處不知我
兩界同人苦心竟有此函殊爲可恨

陳會員建侯謂警備處之人大約以在軍警公所辦事者皆有莫大權利故有此函不知
同人在此並無權利可言不過聯合一個堅固團體以維持大局保護地面而已若輩
此舉實爲不諳大體一何可笑

劉會員潤泉謂諸君對於取消公所應以何人命令爲有效據本會員之見非經
大總
統命令或
總司令命令不能有效
(衆皆鼓掌贊同)

李議長紹林又宣示各處公函二件(事非緊要並不附錄)

二年八月十二號

首由李議長紹林報告開會之理由略謂今日因重大之問題所以特開臨時會議以憑
公決本月八號接京師警察廳函開敬啓者八月七日奉
內務部第五〇六號訓令
內開軍警聯合公所一切用款雖經列入預算將來兩院難望通過現在警備處成立
該公所應即取銷合亟令行警察廳查照辦理等因不勝駭異當經兄弟面謁總司令
長請示辦法并將本公所之歷史及每月之經費詳細聲明奉諭暫將軍警聯合公所

取銷併入警備處共同辦理以一事權言雖如此究應如何辦法仍爲最費研究之問題此今日不得不招集臨時會議之理由也查公所成立之初係由現警備司令官招集軍警兩界上級長官組合而成兩年以來維持地方秩序調和軍警感情在事出力人員均有微勞足錄且對於大局尤收絕大之效果值此兵寇方興奸邪充斥正宜擴張辦法積極進行何以忽有取銷軍警聯合公所之說推究其故不外以財政支絀經費難籌爲取銷公所之最大原因但查出公所每月用費不過三四百元之譜底冊具在可考而知是區區之數而竟言困難此中不無可疑之處嗣經詳細調查始知他項機關之款亦混入公所預算之內致令公所之名譽受無形之損害此兄弟不得不詳爲報告者也至於公所之取銷與否以兄弟愚見而論於消極積極兩方面均有研究之價值若果軍警聯合公所係無足重輕之機關兼之經費過巨無從支給則取銷之亦未爲不可今司令既示有辦法應否遵行兄弟未便擅專此應請諸君公同討論者也若夫南中叛徒作亂國軍出征首惡宜拿脅從宜解尊重人道之主義勿結惡感於將來此又兄弟區區之愚也卽由陳會員興亞說明原因結果并大局之關係軍警聯合公所實無取銷之理由主張遵司令所諭辦理

江會員朝宗贊成之全場一致起立通過

李議長紹林又提出辭職之說衆謂現值公所籌備之際正賴議長主持萬無可以辭職之理議長此說絕對不能承認

李議長紹林報告公所歸併警備處原係

趙司令之意已於前次臨時會議經衆公決遵照辦理當經呈明司令在案旋奉批飭速送人員名單及用款若干亦經具摺開送奉諭俟與陸副司令商妥後即當實行前日江宇澄先生函邀兄弟至署告以趙司令對於公所之存廢實有爲難情形應請江先生說明以公討論

江會員宇澄略謂日前兄弟面見司令以公所萬不可裁至與警備處合併一層究屬困難問題無法解決俟經往復磋商始有今日開會之事據愚見而論可將公所每月用款詳細開出由兄弟担任呈明 大總統請其撥款辦理

李議長紹林謂公所每月用款不過三百數十元至警廳如何報銷公所絕對不負責任江先生意見兄弟極端贊成若總統允撥此款可否將公所改組以立將來憲兵司令部之基礎應請諸君研究

陳會員介卿謂江先生所說係籌款方法議長所說係改組方法此二個問題均有至當之理由惟應如何決定尙須討論

江先生空澄謂公所改組之說愚見以爲可從緩議做署不日亦在取銷之列將來名稱若何規定此時尙難臆度惟公所之不能取銷已經軍警全體公認應先研究維持方法爲是

湯會員仲言謂現在地面戒嚴大局未定軍警聯合至爲重要推其取銷之理由乃以區區三百餘元經費無著之故不惜摧殘而破壞之主持此事者眼光未免太小今江先生既熱心担任全體當無不欽佩

江會員宇澄謂愚見既經全體通過俟見大總統後卽有函達公所再行開會成立

二年九月六號

李議長紹林報告公所再行成立之情形略謂公所自上次由警備處來函取銷嗣因司令不承認曾開會研究公所存在問題旋又接警察廳來函稱公所款項無處籌撥應行取銷又開會研究始決定兩種辦法(一)公所每月經費由各部分攤任(一)呈請大

總統發款辦理當由江宇澄先生面商司令始將公所存在問題提出軍事會議經蔣午樓處長面呈 總統請其發款已經 大總統允准每月由軍事處核發現公所復行成立擬有改良辦法數條茲當衆宣布應請決議

一 名稱是否仍用軍警聯合公所或改軍警公所江宇澄先生及衆會員均謂仍稱舊名
二 司令是否仍舊推舉從前公所舉有司令此次是否仍舉司令陳介卿謂公所是會議機關非執行機關司令名義實欠妥愜現既另行組織司令之名可另行改定

江宇澄先生謂擬改稱軍警聯合總長即公舉蔣午樓先生担任是否同意是否應請大總統任命請諸君討論衆謂總長甚妥呈請任命一層既由兩界公舉似可不必三 議長副議長之決定

衆謂議長仍請李紹林先生担任副議長請衆公舉

四 總務處及各科之名稱是否同意

五 評議處及調查處之議定

六 錄事之僱用大概須用三員

七 各員之津貼有二十元者有十四元者是否一律

八張劍秋先生向有薪水現既改定擬照公所常住員一律
九議長之選舉

衆謂公所既繼續開辦議長一席仍請李先生紹林退任請勿庸另選李紹林先生決
意用無記名改選投票法是日到會者七十五人李紹林先生計得七十四票係全體
一致鼓掌歡迎公舉爲正會議長

貧民院之設立其始由警界提議軍界贊成隨後一提貧民院警界頗有壓煩之意不知
貧民責任是誰之責同人不過爲地面大局計不能不辦耳

李紹林先生謂今日由警察廳派有景春泉先生到會說明公所歷年用款當經衆說明
江宇澄先生謂日前面見總統總統甚不以取銷公所爲然並言在所諸君總須以大局
爲前題萬不可因小事致起沖突此次公所繼續開辦經費皆由我担任務望在事同
人聯絡以致力謀進行

二年九月十一號

李議長紹林宣示軍事處呈 大總統呈一件并謂此呈已蒙 大總統批准公所經費
接月由軍需局發給惟公所款每月三百六十元比較數月酌中之數實在簡無可簡

此次軍事處僅請發三百元尙不敷應用仍請代表張養田先生及江宇澄先生再求軍事處處長按照前單發給以免管理支應人員辦事爲難

江張兩先生允爲籌商

又謂上次會議僅將聯合總長及議長舉定今日擬用連記投票法選舉副議長及各處處長選舉票現已印就請在場諸君就票中所列諸人每處各舉一人意中欲舉何人請卽作點或作圈以誌之遂挨次散票並停議十分鐘次由議長派出常少甫馬星南兩君檢查票數仍繼續開議

李議長紹林提議公所關於評議調查事項甚多亟應推舉評議員調查員各若干員以資辦理茲擬函請各機關推舉數人擔任此職無須投票選舉（衆以爲然）

又宣示總務各科辦事員名單

機要科 殷煥然 馬春壽

文牘科 李白民 張夔

支應科 常緒 張瑞麟

交際科 劉兆麟 周錄

又提議此次辦事人員係由公所推舉今日各機關長官均在議場請問各機關派在公所人員或照舊派往或從新另派步軍統領衙門江先生謂軍警聯合總以人熟爲妙本衙門仍派常馬兩員常川住所辦事問警察廳代表李子栽先生貴廳是否仍派李段張劉四君常川住所李子栽謂仍派四人以資熟手

又提議將來總長蔭先生出席擬開茶會歡迎諸君是否贊成

江宇澄先生謂蔭先生既爲公所總長將來到會歡迎似不必格外費事據兄弟之見祇預備果點開一簡便茶會最好（衆以爲然）

又提議 大總統壽辰去年曾由兩界同人恭具壽禮今年是否仿照辦理

陳會員介卿謂去年既經辦過今年自應照舊舉行

又提議公所週年紀念不日將到是否仍照去年辦理

江宇澄先生謂此事俟蔭先生到會再行籌議

檢查票員常馬兩君報告票已查清茲將原單開列於後

副議長

錢錫霖 三十二票

李玉麟 二十一票

張士銓 四票

董玉塵 三票

田猷章 一票

總務處長

李玉麟 三十四票

錢錫霖 十一票

李升培 十票

王文豹 三票

劉朝仰 二票

評議處長

陳興亞 四十四票

索崇仁 八票

安吉陞 四票

顧鴻恩 三票

調查處長

申振林 四十一票

王天縱 九票

雷恒成 九票

劉金標 三票

鮑維翰 二票

李議長紹林報告茲已選定

副議長錢錫霖先生

總務處長李玉麟先生

評議處長陳興亞先生

調查處長申振林先生

陳評議長介卿謂今日投票結果舉出兄弟爲評議處長自揣學問見識實不勝其任請當衆辭退

江宇澄李紹林兩先生謂今日舉出陳先生爲評議處長公所實有得人之慶請勿庸推辭

二年九月十七號

李議長紹林宣示李鳳山先生來函略謂日前接奉大札知公所改組舉玉麟爲總務處長既蒙不棄菲材何敢推辭惟玉麟此次隨師南行經手未完事件清理尙需時日且自顧材薄能鮮彼此實難兼顧務懇另舉賢能以免貽誤等語

李議長紹林謂公所成立以來李鳳山先生對於公所甚爲出力人所共知此次函辭總務處長職任據兄弟之意仍宜去函挽留以資熟手諸君是否同意(衆稱同意)

又謂張劍秋先生在公所辦事已及一年對於同人頗爲相得此次寄函兄弟請代爲辭職仍擬去函挽留諸君是否贊同

(衆稱贊同)

錢副議長澤農宣言前數次會議兄弟所以未能出席者實因事務吃緊不能分身赴會外間頗有爲兄弟對於公所同人似有意見不知兄弟對於公所始終一致維持並非別有意見請諸君諒之

李議長紹林謂公所此次改組所有一切章程規則應另行訂定以期完備擬請在會諸君今日先舉起草員數人以便即日起草(衆一致贊同)當舉定

警察廳李子栽先生

總務處長李鳳山先生

評議處長陳介卿先生

文牘主任李白民先生

又提議 大總統誕期在邇上次會議已經當場表決仍照前年舉辦今日應研究如何辦法

錢副議長澤農謂此事江宇澄先生已擬有辦法俟問明江先生再爲定奪
李議長紹林提議

公所此次繼續開辦全體大會與周年紀念會均應次第舉行惟刻下經濟困難若分期舉辦費用未免太多擬合兩起爲一次舉行於經濟時間均不大費諸君是否同意
(衆稱同意)

二年九月二十四號

錢副議長澤農謂李議長紹林先生日前回津留有議案一件囑爲提議其案卽催問公所同人請獎之事但此事聞軍事處已具呈催問想不日卽見明文似勿庸更事催促
二年十月一號

李議長紹林提議

公所前次投票選舉辦事職員已選定李鳳山先生爲總務處長現在鳳山又奉派南行歸期難以預定改組伊始此職未便久懸應請再舉一人代理其事今日可否投票選舉衆謂今日出席人數太少應俟下期會議再爲選舉

錢副議長澤農報告公所人員獎案今年三月卽已由趙前總理轉呈大總統請其核辦所以遲遲未見發表者其中大有原因蓋公所辦理此事其等次純以在所出力之多寡與到會與議之久暫按冊而定並未嘗稍參私見底冊俱在本可覆按乃此冊一

入內務部秘書之手竟蹈襲前清開保故智舉其故舊姻好與公所毫無干涉者幾冒開至二百餘名之多所以大總統批交國務院核給國務院不知此中底蘊無從查核故延擱至今始由馮軍長復交公所核減也今日已將原辦底冊查出擬與濫開原單一同送交會議軍事處請查核轉呈期得早日發表以了此案特爲諸君報告

二年十月十五號

李議長紹林宣示公所值班人員提議

公所總務處長前雖選定李鳳山先生担任其事嗣因渠以軍事未完來函辭職雖由公所致書挽留恐仍不能就且聞渠近又有南行消息此職未便久懸擬請即日當場選舉並請於舉定後與議長副議長同議車馬費少許使無賠累方可持久

李議長紹林謂鳳山已決計南行今日選舉總務處長自是必要之舉議給車馬費一層將來對於總務處長或可斟酌議給至於議長副議長亦同給車馬費兄弟實不贊成今日且請先將總務處長選定再爲商議

前日推定之各科人員現在祇四五人到所辦事其餘之人或已經辭職或一次未到公所辦事機關駸駸有停滯之虞應請再調數員常川住所以資辦公

李議長紹林謂此事可由公所去函順天府警察廳拱衛軍諸處請各再派一員常川到所值班辦事

又提議總務處長兄弟今日提出五人請諸人當場選舉

茲將提出五人姓名列左

張祖佑

董玉磨

李升培

劉玉琦

索崇仁

錢副議長澤農提議

公所總務處長須擇一職務較輕之人充當方無滯碍兄弟意中想有一人不知諸君是否同意現有陸軍中將總統府軍事顧問黃漢湘先生既熱心職務又輕以此人選充總務處長似較相宜

李會員白民謂副議長既提出黃漢湘先生可將其名填入票內當衆投票選舉遂散票

停議十分鐘

茲將檢票名單列左

黃漢湘 十九票

索崇仁 六票

李升培 六票

張祖佑 五票

李議長紹林謂此次得票最多者惟黃漢湘先生應具函知會即請文牘科執事撰擬公

函送副議長錢先生轉交並訂於下星期三會議日請黃先生出席(衆贊成)

二年十月二十二號

李議長紹林報告公所總務處長黃漢湘先生今日到會

又報告順天府派來之評議員姚捷勳先生到會

又報告參謀部楊承溥先生到會

附錄黃俠仙先生演說詞略謂兄弟前年在南邊時即聞北方軍警聯合地面異常安靜可知北方人民雖經變亂而猶得享平安幸福者皆此軍警聯合之效兄弟當日逃聽

風聲已不勝欣慕今因備員政府顧問寄寓京師又蒙諸君子不棄推舉爲公所總務處長自維菲材實難勝此鉅任但廁身軍界誼屬同胞又未便過拂雅意是以勉承斯職惟望在事諸君子隨時指導俾兄弟得附驥尾則幸甚矣

附錄議長李紹林副議長錢錫霖先生答詞略謂俠仙先生鴻材碩畫久爲同人所欽佩今以衆望所歸肯就斯職實爲我軍警團體之幸惟望自茲以後得先生提倡之力俾全國軍警聯絡一氣邦基由此益鞏固人民由此日益安全同人不能勝祈禱之至

同日

又提議應行商辦事項六條

- (一)公所改定章程前已舉定三人起草嗣因總統就任有事耽延未能辦理現在總統就任之事已經完竣務請起草諸君於本星期內將公所章程擬定以便按步進行
- (二)公所獎案送呈 大總統已久至今尙未發表應請去函催問請早爲發表以爲頻年宣力者勸

錢副議長澤農謂此案前赴軍事處催問數次皆未得確消息昨日始察知此案業由

大總統交阮斗瞻先生核對大約核對明晰即可發表

李議長紹林謂可由公所去函秘書處請阮先生從速辦理免致寢擱（衆以爲然）

（三）公所各科辦事人員有因事辭職者有久未到所者亟應添調人員以資公擬去函致警察廳順天府步軍統領衙門拱衛軍請各加派一二員到所值宿諸君子以爲何如

（四）公所各科人員應分定班次輪班值宿以免貽誤

衆謂俟各處人員派到自應照議辦理

（五）公所成立已屆二週紀念大會是否仍照上年辦理開會款項應如何籌辦請同人公決

錢副議長澤農謂紀念會款項兄弟已籌有的款惟公所周年正期已過今日可商定會期以便備辦一切

經衆議定準於十一月五號在公所舉行

二年十月二十九號

公所值班員提出籌辦第二周年紀念議案二件

一舉行紀念會應先派定執事人員尅日分頭籌備方免貽誤

茲擬定執事人員草單一紙請在會諸公一決

公所代表錢澤農先生 李紹林先生

總務兼代表黃俠仙先生

招待員 申靜軒先生

陳建侯先生

陳介卿先生

湯仲言先生

鄧宇安先生

惠經士先生

張潤澤先生

劉潤泉先生

鮑墨林先生

姚繼枝先生

文牘員

楊華軍先生

李白民先生

會計員

陳樹藩先生

馬星南先生

奚子畚先生

庶務員

張芷帆先生

常少甫先生

殷煥然先生

衆謂如此甚好即請單列諸先生分神籌備

二開會用款除酒食一項已由錢先生担任外其他一切雜款可否由公所經費項下開支

錢副議長澤農謂雜用各款爲數無多可即由公所經費項下開銷(衆以爲然)

二年十一月十二號

李議長紹林提議

日前本公所舉行第二周年紀念會並歡迎廕總長本已預備拍照以作永久紀念後因天雨未能舉行可否定期補行拍照以彌其闕(衆謂可以補行)

又提議關於歡迎軍警偉人之事須有一種特別規定方足以祛流弊而合衆情日前在將校聯歡社歡迎閣都督事後兄弟接有一函函中之意略謂歡迎會攤派份子爲數過多且其中用款若干與作東人數若干均未揭示殊於辦事手續不備應請公所去函質問主辦之人以昭核實等語諸君對於此事是否贊成質問主辦

申處長靜軒謂可不必質問

李議長紹林謂兄弟意思亦與相同唯將來對於軍警歡迎之事總須籌一不費事不招議之辦法方可行之久遠不然恐大家視歡迎會爲畏途反致有失體面也(衆謂日後應商一簡省辦法)

李議長紹林提議

公所成立迄今兩載所辦之事不下數千百起擬將兩年成績編定成書分送各處以

備觀事摩兼資攷查惟公所之事知之最詳者惟李白民先生應請其偏勞以完其事李會員曰民謂公所連年所辦之事至今皆成陳迹似無需編定乘之久遠者如欲編印則原始要終分類選詞實非一人所能担任應再推數人分任其事方易成功

李議長紹林謂日後辦理此事應再推幾人以分其勞

又提議公所去年一年會議到場者既衆商辦之事亦多所以頗著精神乃自今年三月以後公所精神似覺消滅然察其原因皆以獎案未能發布之故現聞軍警獎案已交軍事處核辦擬去函請其速爲辦理俾得早日頒布以慰衆望諸君是否同意（衆稱同意）

又謂軍事處處長蔭先生現爲公所總長想亦樂爲贊成卽請李白民先生卽日辦理又提議公所之評議員調查員早經推定擬每月集合一次以便籌商一切諸君是否贊成（衆謂贊成）

又提議日前總務處長黃俠仙先生宣布政見曾有請各省設立分所以擴範圍招待軍警長官以厚感情派員分赴各省實行聯絡三事兄弟之意亦與相同惟辦理以上三事須另籌經費方能實行請諸君研究籌款之法

李會員白民謂茲事體大請俟黃先生到會再爲籌議

熊會員仲瑜謂第一款謂各省設立分公所尙屬易辦至招待與派赴各省實非大注經費不能辦理

李議長紹林謂此事關於全國統一前途甚大擬呈明 大總統請其籌撥的款想或不
至批駁容與俠仙面商之

又提議現在北京商團成立頗願加入軍警團體近由袁俊亭先生代致其意惟是否許
其加入亦是一個問題請諸君研究之

齊會員耘濤云保商隊亦具有軍警資格似可許其加入

鄧會員宇安謂保商隊雖具有保衛性質而管轄歸于商首究與軍警之屬於行政長官
者有別可否加入尙須研究

姚會員繼枝謂維持商隊有時仰賴軍警軍警不必仰賴商隊但該隊既願與我聯絡似
宜另定專章許其附入有請求補助之權不必加入會議

李會員白民謂可否令該隊隊長加入下級會議俾得與軍警下級官長互相認識以免
杆格似尙可行

鄧會員宇安謂商隊是商家所辦若常令加入公所會議遇有機密事項勢必令其退席反爲不好不若先加限制以免嗣後爲難

熊會員仲瑜謂請該隊管理紳士臨時加入如何

李議長紹林謂熊君之論大家有無異議（衆無異議）

二年十一月十九號

主席陳介卿先生報告公所改訂章程各起草員現已脫稿今特別印多份分散諸君請逐條審查有無改正及加入之處以便當場表決當將章程條文逐條朗讀請衆研究

自第一章第一條起至第三條皆無異議惟對於第四條條文

申處長靜軒謂公所之印有或由官發或歸自刊之研究其時各會員有謂應用圖章字

樣者有謂應呈請 大總統發給關防者主席陳介卿先生謂若呈請 大總統發給

關防此又另一問題尙須研究但本公所雖不是法定機關亦係由法定機關集合而

成所用印字係取廣義意思如私人鑄刊圖章用某某之印之義維時衆會員互有討

論嗣由黃處長俠仙評議謂此事無須過爲研究致耗時刻兄弟之意擬於京師軍警

聯合公所之印下加增呈請 政府立案六字如是則印維自刊一經立案即無異頒

發似較妥當（衆以爲然）於是續讀條文均大致通過其中惟第六條第三項及第七條第五六項略有修改餘均一一通過茲將修改後之章程附錄於左

修訂京師軍警聯合公所章程

第一章 總綱

第一條 公所以京師軍警兩界聯合組織而成關於軍警發生一切事件由公所主持之故定名曰京師軍警聯合公所

第二條 公所以聯絡感情交換知識保衛國家鞏固共和爲宗旨

第三條 公所擇適中之官公房舍設立之

第四條 公所刻印章一顆文曰京師軍警聯合公所之印須呈請 政府立案

第五條 軍警之口號每日由公所擬發之俾歸畫一

第六條 左列事項皆由公所主辦之

甲 兩界之聯絡調和事項

乙 兩界之共同維持秩序保衛治安事項

丙 兩界之互相提倡改良迫促進行事項

- 丁 兩界之調查通信事項
- 戊 兩界之歡迎招待事項
- 己 兩界之殞公死義者遺族撫卹事項
- 庚 其他兩界相互之一切事項

第二章 組織

第七條 出公所以左列各機關聯合組成之

- 一 會議軍事處
- 二 參謀部
- 三 陸軍部
- 四 海軍部
- 五 駐京各軍隊憲兵營
- 六 駐京軍政執法處總理稽查營務處及稽查各處局
- 七 內務部及京師警察廳暨各署隊
- 八 步軍統領衙門及各營翼

九 順天府及巡防隊

第八條 前條所列各機關之官長皆得爲公所所員

第九條 公所設聯合總長一員議長一員副議長一員

第十條 公所分總務調查評議三處各設處長一員

第十一條 總務處設機要文牘支應交際四科每科二員調查評議不分科各設調查

員評議若干員

第十二條 公所職員由所員推舉之但調查員評議員由第七條各機關選派之

第十三條 科員常住公所輪流值班

第三章 職權

第十四條 聯合總長總理全所事務有指揮職員召集所員之權

第十五條 議長副議長主管會議事務并商承總長襄理全所事務分配職員

第十六條 處長總理本處一切事宜

第十七條 各科科員分任各科事務

第十八條 調查員評議員分任所司之事務

第十九條 所員之權利如左

- 一 提議發言權
- 二 請願報告權
- 三 陳述意見權

第二十條 所員之義務如左

- 一 維持整頓公所之義務
- 二 籌款之義務
- 三 互相勸勉之義務
- 四 出席會議之義務
- 五 執行議決事件之義務

第四章 經費

第二十一 公所之經費議長及總務處長預計數目由總長呈請 大總統核發之有特別用款時由總長臨時籌給之

第二十二條 公所職員均不支薪水惟各科輪值常住人員得酌給車馬費

第二十三條 收支各款均按月承領核實報銷

第五章 附則

第二十四條 本章程自會議公決後實行從前之章規應即取銷

第二十五條 本章程規定後印刷多份分寄各省俾得於軍警會集地方仿照設立之

第二十六條 各省仿照設立名曰某省軍警聯合公所與本公所互相聯絡每月須通

信二次以上以期貫徹第二條之宗旨

第二十七條 各省公所章程參酌地方情形自定之

第二十八條 本公所各處辦事細則以另章規定之

第二十九條 本章程有不適用時得隨時以會議修改之

主席陳介卿先生又報告副議長錢澤農先生來函一件附錄原函敬啓者霖現奉 大

總統命令考查江浙一帶軍警事宜行期在邇所有會中一切即希 費神照拂俟差

竣回京再行追隨 諸公之後相應函達即請查照是荷此頌公安

又宣示處長黃俠仙先生爲公所上 大總統條陳一篇經全體起立表決並謂條陳

頗好惟須寫出三份先呈趙司令江統領蔭處長閱後再行呈遞（呈稿略）

又提出議長李紹林先生電告議件

(一)公所銀質章記有應行繳還者(如出京及不在公所者是)有應行補發者(如新派到及加入之員是)請諸君公決(衆謂是事可從緩議)

(二)公所獎案業已呈請軍事處從速辦理此事是否有效應請張養田先生答復 張養田先生謂此事兄弟尙不接頭俟回處問明再爲答復

(三)姚繼枝先生日前捐助貧民院白米十石應當衆報告

處長黃俠仙先生報告日前楊華軍先生對於歡迎軍警長官途有意見茲當衆宣佈請爲公決華軍之意謂公所應設置招待所一處將來兩界偉人來京由公所招待歡迎卽不住公所亦必先以公所名義備宴歡迎以聯感情諸君是否贊成(衆贊成)

二年十一月二十六號

李議長紹林報告總理稽查營務處來函請更改章程第七條第六項機關名稱事附錄
原件敬啓者敝處熊副官有元報告本月十八日星期三軍警聯合公所會議章程經代表議長陳先生宣佈新訂章程逐條通過並經黃俠仙先生宣告如有遺漏或未妥協者隨時函請更正加入以期完善等因茲將章程一份呈閱等情據此敝處查章程

第二章組織第七條第六項軍政執法處及稽查各處局一項語意仍未明晰做處本奉大總統暨陸軍部命令立有稽查駐京各路軍隊之責僅稱稽查處局實覺與王旭九先生京師一帶稽查處機關混淆相應函請貴處將章程組織第七條第六項軍政執法處下添總理稽查營務處七字實懇公誼無任盼禱此頌公祺

又報告副議長錢澤農先生因奉命令調查浙江軍警事宜須兩三月後方能回京臨行之日曾致函兄弟囑將公所副議長職務暫請姚繼枝先生代理諸君是否同意（衆稱同意）

又謂修正公所章程上會期已由黃俠仙先生代表提議逐條討論通過列入記事錄中但其中有無仍須增加修改之處應請諸君研究（衆謂無修改處）

又報告日前同黃俠仙姚繼枝兩先生謁見廕總長商議公所要事三件第一件是各省軍警偉人到京由公所請款歡迎第二件是派員往各省提倡聯合第三件是公所獎案請從速辦理呈請發表廕先生均表同情一一允爲承辦惟獎案一層屢加太多致生阻力應俟總長查明辦理後再行報告

又提議公所會員俱由法定機關集合而來凡討論議案時請大家特別注意庶表決之

案易於發生效力若提出一案不詳細研究驟然表決將來必窒礙難行應請諸君隨時注意(衆以爲然)

又提議川邊經略使尹碩權先生聞於念七日一準到京擬請各機關各派代表二人前赴車站迎迓並由公所招待一切至開茶會歡迎日期俟另函通知

黃處長俠仙謂尹經略功在民國同人無不歡迎此次來京擬由公所實行招待所用款項暫由公所墊辦俟請款發下再行撥還

李議長紹林謂若照陸軍部歡迎辦法用款甚鉅實在難乎爲繼據兄弟之見由公所開茶話會後另備酒席一二棹以款待之似較省事(衆無異議)

又提議現在每逢會期會員常有無故不到者亦有到會不俟散會而退席者殊於議場秩序有碍兄弟爲慎重會議起見擬舉檢查員四人專任檢查前項事端以振會議之精神諸君是否贊成(衆稱贊成)

黃處長俠仙謂嗣後有秘密會議時須屏退茶役以免漏洩(衆以爲然)

二年十二月十七號

李議長紹林謂公所自成立以來凡所經過之事皆出羣策羣力所以同人皆一致進行

未常稍有廢墜邇來公所因內部辦事手續偶有未慎遂惹起他部分之反對幸急烈補救尙未釀成笑柄然受創雖微感覺宜早自茲以後凡公所一切動作應倍加謹慎務令他人無瑕可蹈方不負同人成立公所之意兄弟素抱聯合宗旨不願公所同人稍生意見茲擬本星期五日下午二時在公所開一職員會議籌商內部辦事手續俾得實行整頓其對於外部之一切辦法俟尹都督去後再爲研究

又報告告李鳳山先生由粵來函函中大意多係勉勵同人之語茲摘其要三條錄左

一盼望同人辦事有始有終

二盼望同人設法維持附屬之貧民院

三盼望同人此後益加親密

二年十二月二十四號

李議長紹林報告陳處長介卿提議

嗣後公所再有歡迎軍界偉人之事宜先商同陸軍部辦理免致有誤

陳處長介卿謂兄弟所以提出此案者以軍界之人何人宜歡迎何人不宜歡迎陸軍部知之最詳臨時與之商酌較爲妥當

李議長紹林謂此事於上次會議已定有辦法俟後每遇有歡迎事項先由公所請示
總長然後辦理

又提議翟饒氏家被劫之案亟應研究諸君對於此案有何意見請函知公所於下次會
議時再表決之

第一類設立公典及保護當商案

元年四月十號

李領袖紹林提議上次會議李會員鳳山提議之件尙有與商會相關之事未經提議者今日商會陶君來場正可逐條提商其第六條之公典可否從速成立應由兩廳提議以濟民困

總商會代表陶君榮洲謂設立公典自是現今要務但有謂由公家籌資開設者有謂由當商集資開設者據本商會意見官辦不如商辦

李領袖謂開設公典應以各當商集資開設爲最妥辦法遂表決由商會與當行商議籌辦

李領袖又謂李會員提議

條件第七條云地面經搶劫之後搜查甚嚴兼之各與商亦未開市人民之艱於生計者往往欲將自有衣物變錢過活苦於無門應由商會稟告警廳及內務總長准其將所有衣物隨時典賣使不致艱於生計

商會代表陶榮洲謂應由敝商會稟明警廳令其照舊擺攤售賣物品

元年四月十七號

金會員月川提議

各當商目前將次開市保護彈壓自屬警察職務惟查各當被搶未盡開市取贖者爲數不少如有軍人持票到當取贖而質物適在損失之列發生事端自在意中若僅由巡警爲之調護深恐周折既多且亦未必有效相持不下未必不釀成警擾市面之結果似應於各當開市之日起各路軍隊派出警察輔助與巡警會同彈壓遇有軍人因事爭持卽由警察隊出而對待庶可相安無事並免彼此衝突裨益市面良非淺鮮

劉會員少谷謂是宜由稽查局派人方好令各軍隊派人殊不易辦

金會員月川謂軍人贖當可不必直接嗣後各軍有當物需贖者擬請携帶當票及本利銀債該當管區專人代問代贖較爲省事

郭會員明卿謂做軍若有兵丁贖當擬由官長帶往自免生事

元年五月八號

李領袖紹林宣示李會員鳳山提議

典舖原爲緩急相通至經此次變亂均停止交易現各典雖係開市典物者尙有種種

碍難而貧民大有日不聊生之勢若不設法處置將來難民日多意外之變恐有不免務請商會及有地方之責者早爲設法維持

商會陶代表榮舟謂昨據當行商會報告云現在已有四家呈報開市餘皆以資本難籌未能選開容再與商議

李領袖紹林謂弟對於此事前次會議時已述有意見請採取可行者辦之

全日

又提議止當聽贖各當舖遇有軍人贖當時而將該號損失者應如何辦法

李會員鳳山謂此條係本會員提議

此等事項昨在公所又經辦過嗣後若有軍人取當舖請地面區署派人同往該舖察其原物是否尙在如原物現在者則令取之如其物已失卽令將當票持回聽候辦法免致滋事

元年六月二十號

錢會員澤農質問前日方家胡同禁衛軍人在當舖滋事經巡警帶區又復在區嚷鬧毀損器物此案究係如何辦理

李會員鳳山謂此案已帶回本隊嚴辦矣嗣後各警區遇有本軍在外滋事之案請先電知公所籌商辦法以免再有前項情形

元年七月十號

李領袖紹林宣布外城巡警總廳提出各當舖懇請軍警協力保護商業議案七月三日本廳據當行商會稟稱各當舖自經被搶暫閉後蒙各官廳暨市政維持會再三勸導令其暫行復業以資接濟貧民現據暫行復業之各當舖到會聲稱自遵照暫行小做章程免力復業後實因資本過短每號不過三五錢每日尙有七八百號甚至有千號之多各處軍隊到當交易極其文明者固多惟時有強橫之兵到當強當硬取各當舖告以本短不能多當情形不惟不聽反肆蠻鬧一經吵嚷門口卽圍聚多人誠恐土匪乘間滋事爲此懇請憲廳會同軍界長官協力保護以維商業而便貧民復據當行各商董在市政維持會屢次懇請設法維持倘不籌一善策恐現在暫行復業各當舖不久又將相繼關閉各等語該商董所稱各節與貧民生計頗有關係應請在會諸君妥商辦法施行

劉會員紫坡謂此議案我輩當極力維持以保商業應由各部分傳知各部分兵士以後

不准再有此種情形倘有因此滋事者即請地面官廳拘問係何部分之兵士即交該管長官嚴行辦理

元年十二月十八號

臨時議長錢澤農宣示內城總廳來函一件茲附錄於左敬啓者據商務總會呈據當行商會牒稱據東四牌樓九條胡同同興當執事人張緝軒報稱陽歷十二月四號早十點鐘有營兵持刺刀二把來櫃要當經櫃夥告伊此是軍械官廳有諭禁止收當好言再三奈該兵一味蠻橫強行要當巡警勸之不服鄰佑人等勸之不聽正在難解之際適值段司令部稽查官帶兵巡查至此問明該兵係左路第四營左哨正兵姚樹堂該兵見稽查盤詰乘間走避其刺刀二把經稽查官帶回司令部交案除報左四區外理合呈懇轉請內廳設法維持等情前來相應函請貴公所轉知拱衛軍嚴加約束以安商業至紉公誼衆謂此事應函知拱衛軍嚴加約束

二年七月九號

李議長紹林宣示外右三區公函一件附錄原函敬啓者茲據署境宣武門外大街恆德當商人王詠三函稱軍人典質物品五成羣值少當多肆口蠻罵請妥籌善策而安

營業等情到署相應抄原函即請貴所查照提議辦法以肅戎政而維治安此致軍警聯合公所附鈔恒德當舖掌王詠致敵區原函潤澤署長先生大人閣下鈞鑒敬訴者自經去歲正月兵匪之變京城內外商業受損失者頗不鮮見惟小號彼時蒙貴區長警事先竭力維持臨時加意保護得使小號未遭此慘劇已是貴區保護商民之熱誠至極矣但小號自受此影響之後元氣已竟大虧至今尙無補救之方法只好以架貨損本變價暫爲小作以濟一時小民之急亦是商人等糊口之計此是變通兩益也不意邇來各路軍隊分駐內外各城惟每與質物品時必要三五成羣或七八一夥入門強橫值少當多甚至質價過於購價者不知凡幾爲此尙有不滿意以至肆口蠻罵至有無故越入欄櫃者強取財物凶惡已極不堪入目惟每見有後路四營之肩章者尤不堪入目似此每日數起商人只好忍氣吞聲終以和平對待然小號夥友有性懦口滯者至有棄職另謀生計亦不乏人及至少有喧嘩必經守望警士排解然終必小號受苦似此刁風日長若不設法實與商業前途大有窒礙惟有懇求署長大人閣下格外分神在軍界方面妥籌善策使其自畏由野蠻化爲和平是商民之大幸福也俯乞閣下速爲施行以保地方而安營業實爲德便謹此叩請大安

外右三區恒德當王詠三鞠躬

張會員潤澤謂此當順治門大街西邊前日有軍人拿舊軍衣一件不值四元強當四元甚有以磚頭等物當錢者當行商人不堪其擾來署求爲保護者實不止此一次今因收有商人之稟故特爲提出請諸公設法維持以安商業

許會員源浦謂當商原稟請抄出一分交兄弟帶回以備隨時訪查

二年七月十六號

李議長紹林宣示京畿憲兵營公函一件敬啓者前准貴公所提議順治門外恒德當軍人時常滋擾一案當經敝營按日派兵前往彈壓現據第二連報告於本月十四日查有軍政執法處第六營聽差兵李九成携有對襟紗馬褂一件布舊大褂一件非當四元不可因與該兵口角經憲兵彈壓當銀一兩了結同時又有總統府衛士段學周携舊黃呢外套二件強索九元經憲兵維持該衛士聲言至少亦須八元該當恐生是非卽給該衛士八元了結該衛士卽時復持有兩元之票強要贖出再當八元憲兵卽問該衛士婉言說明贖出不能再當之理始行勉強而去現據該當聲稱時常有軍人持段學周名片來本當當物三元之物強索八元此等情形無日無之又於十五日查有

總統府衛士正目孔昭林手持馬刺十一付要當洋八元經憲兵極力維持勸說該衛士不聽該當無法暫行借與洋五元不寫當票始作罷論等情報告前來除報告陸軍部外相應據情函請貴公所查照轉知該機關查明辦理可也此致

當謂此事亦係執法處之事李代表鳳山擬上書 大總統下令禁止諸君是否同意
(衆贊成)

又宣示拱衛軍司令部公函一件附錄原函逕啓者各路營隊兵士近有將原領軍衣持向當舖強使典錢之事軍衣爲官發之物何得任便私典各該管官長等平日在營職司何事漫無考察咎實難辭除分飭認真考察不得再有前項事情致干查究外相應函達希卽查照轉知各當商等如再遇有前項情事准其詢明稟究以肅軍規而保商業此致

許會員源浦謂此事前已報告本管上官以後再有此事可由該商號報告管區再由區知會本管自有辦法現已於各當商門首添派稽查矣

錢代表澤農謂此事正應如此辦法

李議長紹林謂以後軍人滋事總以卽知會本管爲安

二年七月二十三號

張會員潤澤謂前次會議李鳳山君曾有禁止軍人當當之事未能決議實行近來軍人屢在當舖滋事此案是否繼續決議

衆謂此事可由公所將決議之案請司令出示曉諭當商俟後得收當軍裝官物違者由該管警署按法懲辦

鄧會員宇安謂仍可一面去函警察廳請轉知當行商會轉知各當商嗣後不得收當軍裝官物方爲周密(衆以爲然)

二年十二月十二號

李議長紹林宣示京畿憲兵營函一件略謂前因軍人常有在順治門外恒德當舖勒索訛詐情事請求派人彈壓經敝營每日派人前往如有軍人在該舖當當者悉以公平定價幸未釀有事故該舖長異常感繳擬送贈物品敝營不受近改贈名譽牌十五個曾遣排長前往致謝云

第二編 設法公典及保護管商業

第二類戒嚴時間及門柵啓閉案

元年四月十號

李領袖紹林云今日公所值班員馬劉恩李四君有提議條件其第一條云現在地面漸已安靖各商業開市頗多可否將戒嚴時間展至十二鐘以定人心而維市面

董代表祥周謂戒嚴時間已將出示展至十二鐘

李領袖紹林又謂條件第二條云前門大街舊有夜市可否仍按原定日期擺設使小本經營各安其業藉復舊觀此條（經衆表決）前門外夜市三六九改爲二五八由警廳出示曉諭令其照舊開市夜市時間以戒嚴令爲準

元年四月十七號

李領袖紹林宣示李會員鳳山提議

戒嚴令現已解除前門關閉時刻可否展至十二鐘以便往來

陳會員公寬謂地面已經安定前門似可以不關且可釋外人之疑

振會員靜軒謂前門展至十二鐘關閉我可以作主若徹夜不關則須請示長官方可遵辦於是衆議卽以十二鐘爲限

元年四月二十四號

李領袖紹林宣示李會員鳳山提議

前門啟閉時間業已表決而東西安門及地安門可否原照前門啟閉時刻辦理以便交通

振會員靜軒謂東安西安地安等門做衙門早欲展期關閉因各處自治會羣起阻撓是以不果現軍警兩界既力擔保護自應照議展至十二鐘(議遂決)

大柵欄附近各處之木柵可否照常開放或延至十二鐘爲限

龔代表仙舟謂此敝區已屢與商團提議而大柵欄一帶商家均同有戒心不肯聽從容日後再與商之(此條未決)

元年五月一號

李領袖紹林宣示崇會員蔭軒報告云四月二十四號晚十鐘本會員欲進東安門守衛此門者竟不放入當出執照相示伊仍不放入按此門之啟閉前星期三已由本公所議決展至十二鐘關閉今乃未至十二鐘遽行阻止行人雖出執照相示仍不肯放入是顯背前次議決之案故與我軍界爲難矣此門之啓閉有謂屬民團者有謂屬保

衛隊者現在究係何部管理前議展至十二鐘關閉是否照議實行請再爲決議
德會員澤川謂此門向歸步軍統領衙門管領前因兵變遂暫由民團守衛至關閉之早
遲實與本區無涉故前日電函責問當即據情函覆聞近日因有一律展至十二鐘之
議決已由提署收回管領照限啟閉矣

振會員靜軒謂此門現已收歸本衙門管領照前日議決案一律展至十二鐘未到十二
鐘通行此處不致再有前次之爲難

全日

李領袖紹林宣示李會員鳳山提議

之件地方安甯如常城門柵欄能否一律開放以利營業而便交通

錢會員澤農謂前門歸提署管領其關閉仍當以十二鐘爲限

龔代表仙舟謂胡同柵欄以敵區爲最多關閉之展限須俟定日與商團協議爲定奪

全日

恩會員潤泉提議

定府大街有拱衛軍在該處守衛晚間仍禁阻交通應請一律開放

拱衛軍胡副官謂應卽傳諭令其開放

元年五月八號

李領袖紹林宣示李會員鳳山提議

各件前次決議各條實行者寥寥仍請諸君竭力進行庶不負討論之意茲將決議而未實行各條開列於左

地方安甯如常柵欄能否一律開放以利營業而便交通(未見實行)

元年五月十五號

錢會員澤農宣示李會員鳳山提議

地方安甯如常各處門戶一律開放以利交通屢經提議在案請卽爲表決

龔代表仙舟謂前議開放各柵欄之事經本區及殷統領再三勸諭僅允展至十二鐘至竟夜不關各商家尙未允許應請公所函致總商會令其再爲開導

元年五月二十二號

李領袖紹林宣示李會員鳳山提議

戒嚴令解除已久正陽門可否開放以利交通請振會員稟請長官辦理

振會員靜軒謂事須得本署長官允許方能開放

全日

王會員少甫提議

本軍現住朝陽門外太平倉每因夜間總統府傳見出入城門甚不方便應請設法振會員答稱此事前所發之三聯門照祇能每次一張王會員少甫謂可否做定專式之對牌交用振會員靜軒答稱此件應呈請內務總長規定函知做衙即可照辦

元年五月二十九號

李領袖紹林宣示李會員鳳山提議

戒嚴令已解除人民往來即無阻隔惟前門每至十二鐘關閉阻碍交通仍與戒嚴無異前議請振代表陳明烏堂至今未見回覆究竟是否可行

振代表靜軒謂前已回明步軍統領據云十二鐘關閉前門仍是 大總統之意
錢代表澤農謂俟拱衛專隊組織成立時再行撤銷

元年六月十二號

李領袖紹林宣示李會員鳳山提議

正陽門業已開放而各處之柵欄能否一律開放以利交通

龔會員仙舟謂柵欄最多者不過外城一二兩區擬會同張會員蕙閣赴商務總會商酌妥協再爲辦理

元年七月三號

李領袖紹林宣示李會員鳳山提議

廊房頭條及大柵欄之柵欄前已表決准於十二點關閉現不到時刻卽行閉鎖實於交通有碍未審有何原因

李會員子裁謂現在商團均由各小部分組織而成並無統一機關商務總會並不能指揮命令可否由外廳將各商團住址開送公所由公所函達各處似乎易易

春會員小山謂此事須商之各商團非十二鐘以後不得關閉柵欄卽關閉之後如說出口號亦當放行

李領袖紹林謂請由外廳一面函達該辦事人一面函達商務總會似爲妥洽

元年八月二十一號

連芝軒報告正陽門開放之事已稟明 敝堂官云正陽門未便開放至於棋盤街鐵柵門

今日即已開放通行矣

李領袖紹林宣示李會員鳳山提議

軍隊林立互於猜疑以致謠言紛起市民不安軍隊即行戒嚴待至謠言稍熄軍隊之戒嚴亦隨之解除此種辦法似未妥叶據本代表之見現在之軍隊仍以不解除戒嚴爲是

黃會員憲廷謂戒嚴令據臨時約法惟大總統可以下此命令餘則各部分之戒嚴不過一種約束令耳不得謂爲戒嚴

春會員小山謂如非緊急之事即可謂爲預備似不必稱爲戒嚴致亂人心

又提議夜間成隊駐紮要口原爲防範意外法非不善但此事實易起市民之驚怖不如按段配佈獨立弁哨交換校巡較爲周密但此項獨立弁哨應情步軍統領衙門及警察廳擔負之

元年十一月六號

李領袖紹林宣示李會員鳳山提議

地方秩序早經恢復而各處柵欄尙未一律開放實爲缺點應請內外警察廳與各該處

柵欄之主管人協議開放以利交通

黃會員憲亭謂外城柵欄祇有廊房頭條協資廟兩三處此事最不易辦緣主持此事者無一定機關大抵各商舖之意見也

衆謂應請樂君印孫向其交涉

樂會員印孫謂本會員自可與之交涉至能否允認開放則不敢必

元年十二月十一號

李領袖紹林宣示李會員鳳山提議

前門以西之各處柵欄門夜間關閉太早實與交通不便可否令其到十二鐘關閉以利行人

李議長紹林謂此事實有妨害交通應請外廳干涉與之嚴定時間不得聽其任意啓閉有碍行人當由黃會員獻廷擔任辦理

元年十二月十八號

臨時議長錢澤農報告外城各胡同柵欄每夜關閉時間均以十二鐘爲斷

元年十二月二十五號

董代表祥周提議

崇文門向例關閉甚早但當舉行元旦慶典之時似應變通辦理以利行人可否於慶典期間內延長鐘點至晚十二鐘再行關閉

衆謂此事當先函知內部請其預先登載內務通告俾衆週知

二年三月二十六號

李議長紹林宣示李代表鳳山提議

各處之柵欄前已規定十二鐘關閉乃近日前門西出有火警而一遠近柵欄同時緊閉實于交通消防兩有不便可否再與商團交涉以免發現火警時再蹈前日之弊

李議長紹林謂此事緣各商團無統一機關故屢經提議皆無效果然各柵欄皆在繁盛之區其關閉早晚實與前門一帶交通大有防碍應設法再與規定一準時間方好
陳會員建侯謂此種商團正式政府成立後自然取銷即各處柵欄亦將一律撤去據本會員之見現可勿容與之交涉(衆以爲然)

元年五月二十一號

李代表鳳山提議

前門一帶柵欄每夜關閉太早有碍交通前雖屢經提議皆以無一定機關不便交涉而止現在商隊已成各柵欄責有所歸可否實行交涉以利交通

李會員子裁謂各柵欄之管理現在仍無統一機關俟明日將各柵欄之管理人開送公所以便公所與之直接交涉

李議長紹林提議

城內地方自皇城開闢便門於交通頗稱便利惟皇城南北兩方仍有應開便門之處可否再開四門使交通益加便利諸君是否贊成

袁俊亭先生謂是宜先將開門之處勘定果無窒碍再請內務部土木司核交警察廳辦理

王少荃先生謂先與土木司將地勢相度妥帖做廳自應督飭工程隊前往開闢

二年十二月二十四號

李議長紹林提議

上會期提議于皇城多開便門以利交通之事未經決定今日又爲提出請諸君斟酌辦法其應當開門之處東邊宜在東華門迤南中間北邊宜在南鑼鼓巷口對過西邊

宜在西華門迤南中間其西南一門尙待斟酌總共擬開四門諸君是否贊成
申處長靜軒謂此事關於便利交通兄弟亦頗贊成但據兄弟愚見現在京師地面闊大
宵小潛伏不少若皇城門道過多遇有竊案發生跡緝更屬費事惟此不過兄弟一人
私見至於應行開門之事仍應商同警察廳轉呈內務部辦理

第三類戒嚴時間及相啓閉案

第四類禁止乞丐收養貧民案

元年四月十號

李領袖紹林謂李會員鳳山提議

條件第三條云現在內外城各街巷多有乞丐沿途向人討錢對於外國人乞憐尤甚殊於國體有礙應請各區飭警認真禁止妥爲安插庶窮民不至失所
(此條經衆表決)各區一體禁止

元年五月一號

李領袖紹林宣示李會員鳳山提議

街市乞丐甚多應請各區設法驅逐

鄧會員逸安謂乞丐不難驅逐而難於安置須籌有安置之地方可辦理

董代表祥周謂安置乞丐之地如貧民院及貧民工廠皆是但其中皆係經費不足不能廣爲收養應先籌有的款乃不致爲難

李領袖紹林謂現在公私交困籌款頗覺不易據弟之見惟有於衆人行樂之地如戲園娼寮等處籌之較易集事

龔代表仙舟謂此法甚善我外城各警區將商辦之

元年五月八號

李領袖紹林宣示李會員鳳山提議

前議安置乞丐辦法請速爲籌畫

李領袖紹林謂安插貧民雖行政官廳之事與軍隊無關然此茲善事人人可行總須亟籌辦法方好

全日

又宣示德會員澤川意見三條

現在地方自治尙在萌芽窮黎滿目胡堪久待不如就本城貧民教養院再加擴充至需用經費擬請軍警兩界長官會同自治團體各予解囊仗助以成美舉
戲園樂戶爲富於資財者行樂之地亦可令其籌捐

捐款集成需用米石即可稟請總長由倉關領

以上三條本會員意見諸君如肯贊成卽由公所撰擬捐啟以全體會員出名舉辦

全日

又宣示恩會員潤泉籌款安置貧民辦法六條

內外城宜設貧民院四處其房屋借空閑廟宇如款項不足可先設一處次第推廣
開辦經費擬由軍警營翼官長擔任捐助其常捐應由各領袖勸募

請求順天府酌撥米石以濟民食

各戲園擬仿孤兒院籌款辦法每戲座抽捐銅元半枚或一文以繼經費
妓館分別小班茶室勸納月捐或日捐
組織一切及管理貧民均歸本會選任

全日

又宣示陳會員次陶收養貧民籌款意見

各區隣設之捐局其性質原應統于自治範圍內此項捐款爲數亦不在少提出作貧
民院經費即可擴充兩處以自治捐款作慈善事業似無不可刻下市面已見平靖免
捐期限將滿若按照舊收數目比較當不致不足此外如奢侈稅等項目下尙不能舉
行故除捐局一項外實無另外善法

鄧會員逸安謂此項收養貧民米石可由順天府籌撥

董代表祥周謂順天府養濟院名目尙在此項米石恐該府不肯籌撥

衆謂將來由公所函請順天府籌撥議遂決

全日

李領袖紹林提議

前云收養貧民擬撥順天府米石以爲口食此事應請高會員轉達府尹

高會員侍楓謂俟稟明長官後再爲答復

元年五月十五號

李領袖紹林宣示李會員鳳山提議

前議決設法安置貧民一項捐啓業已撰就應請贊成諸君各署大名以便列入捐

啓作爲倡捐發起人

各會員均挨次署名

全日

又提議設法安置貧民一節我軍警人雖允倡捐尙恐經費不足可否再由地方設法捐助俾得廣爲收養

衆謂俟辦有頭緒再爲勸募

元年五月二十二號

李領袖紹林宣示李會員鳳山提議

爲貧民設法已由公所擬訂捐啓但其中之種種手續仍請諸位規定以便實行
李領袖紹林謂此事爲我軍警兩界最有名譽之事總望在會諸君力爲提倡以成此舉
但將來主辦此事以富於慈善心者主任方爲妥洽現已想有一人此人名臧佑臣平
日辦事最爲熱心諸君可調查此人是否勝任

錢會員澤農謂今日宜舉定二人以爲辦理收捐之人方可即日進行衆以爲然當時推
舉李伯珉恒樂峰爲收捐經理

黃會員運興報告本區魏家胡同現有戲園一處已經批准貧民所若定即可代爲籌捐
元年五月二十九號

董代表祥周提議

前兩次諸君提倡募捐收養游民誠爲維持地面要務不料未成之貧民院尙待組織
而已有之貧民院先不克保守尙須請在會諸君設法維持俾已有者先勿廢墮茲將

情形大略列後內城石碑胡同貧民教養院係前廳丞榮竹農及內廳同人募捐建設定額收養二百名後經奏請由倉場月撥米六十石民政部捐二百兩工巡捐局月捐二百兩提署月捐五十兩其他零碎捐款月尙有三數十兩內設有男女兩等蒙學堂及織布鞋襪各料工藝自前年收養人數日多每月不下六百名費用遂大虧絀上年冬始獲續請月加米六十石稍稱敷用該院內有瘋人院常川不下百名老弱殘廢人亦不下百十名婦女院亦百十名兒童百十名中年能作工者百十名已成之規模頗爲可觀自上年冬季捐局停收捐款本年正月以後該院月費卽已停給由廳不時挪湊支持至今恐向後有難以支持之日是續籌者尙未成而已成者又將撥弛矣誠爲可惜請李會長提議公同維持之法俟市面恢復捐局開捐後能接濟該院之欸便可無慮矣

錢代表澤農謂以原有之貧民院作爲基礎此時宜先將公所發起人員之捐項決定張會員翕亭云外城原設有惠濟工廠一處惟恐後來米石無著難以接濟現既開辦貧民工廠擬請合併（經衆贊成）

元年六月五號

李領袖紹林報告貧民教養院辦法

謂現在貧民教養院之章程業已粗定諸位發起人捐助經費頗爲踴躍本代表對於此事擬有四條辦法請諸會員斟酌公推總辦一人總理該院事務

公推財政管理員一人監督該院財政

關於該院擴張改良應行舉辦各事件凡本會會員均可各抒意見凡發起人均負有募捐之義務

李領袖紹林謂現調查有臧君守義此人對於公益事項頗具熱誠且實心任事擬請臧君爲該院總理請衆會員調查此人可否勝任衆會員皆贊成謂此人極妥

又公推李領袖紹林爲該所財政管理員

李領袖紹林宣佈捐款數目

王會員少甫謂宜將發起人所捐數目附入捐啟之內分佈各處以爲勸捐之具

全日

李會員子裁謂貧民所規定章程頗稱完善但名稱似覺範圍狹窄宜規定一相當名稱李領袖紹林謂俟下期再行決定惟現在該所集款甚多卽宜請出經理人接任辦事

衆贊成謂宜請舉定經理人來會一晤以便商酌一切

元年六月十二號

李領袖紹林報告前次推舉貧民所經理人臧君佑臣刻因事赴滬已由弟處電促來京頃接臧君覆電不日即當北上俟其來京立即介紹與諸君晤面共同商定一切辦法

全日

又宣示李會員鳳山提議

教養院早經成立其內容尙能獨立否現市面乞討無處不有而本公所所籌之貧民所尙未成立請各區設法收入舊設之教養院是否能行

李領袖紹林謂前提議

內城貧民教養院外城惠濟工廠擬合併辦理現今籌設之貧民院尙無相當地址請
共同商議一合併辦法

錢會員澤農謂此事總以籌捐爲先務至合併舊有之教養院與擴充未成之貧民工廠
須視其捐款多寡再爲酌量辦理

董代表祥周謂上星期三提議

樂戶貧民捐一項宜向外聽切實商量每月究能擔任多少方爲的款

錢會員澤農謂各戲園貧民捐辦法開外廳向有規定惟宜再與商酌以便尅期實行

李領袖紹林謂貧民院組織內容不能不多設部分用款甚爲浩煩宜俟公益發達進款加多時再行公同決定至此次所籌設之貧民所名稱尙未妥協擬將民所改稱貧民教養院並於其上冠以慈善二字使他處教養貧民者皆以此爲法未審諸君以爲何如

劉代表少谷謂貧民教養院之上加以首善二字似較爲妥善

錢會員澤農謂首善二字甚好應卽定名爲首善貧民教養院（衆均贊成）

仝上

李領袖紹林宣示內城十區提議

京師收養貧民所章程辦法捐啓業經擬定亦有指捐款交納者不久必實行開辦然經濟爲辦事根據可否將已捐款人之姓名及捐數登入內務通告以資提倡而便勸募

元年六月二十號

李領袖紹林提議

關於首善教養院之地址及籌款方法查外城給孤寺遺址新建有教養工廠建築合法房舍至百間之多費用至二萬餘千之鉅徒以開辦費無著尙未舉辦現在兵燹之後民不聊生外城市廛所聚尤爲無業游民所麇集茲諸君子宏力大願提倡教養貧民則規模宏大事半功倍誠莫如就新建之局而舉辦之允足爲首善模範之大工廠且外城各戲園等亦可就近酌抽捐項以爲常年經費是否有當應請諸公決議辦理

衆謂俟此次捐款收齊再商辦法

元年七月三號

李領袖紹林謂貧民事務所不日成立請各會員將捐款交齊以便開辦

元年八月十四號

黃會員憲廷提議

上期會議因議案較多時間已屆本會員對於貧民院辦法之意見未能畢其詞今請補述以盡其意

李會員鳳山提議

將此次募捐之款擇其辦理之有成效者量爲補助原係暫時辦法我軍警全體抱此宏願外界聞之靡不嘖嘖稱道若無一完全之計畫殊不足以副發起人之初心查內外兩廳附屬之收養貧民各局所或含有監獄性質者或含有慈善事業之性質者約在十處上下所有部發之款捐助之款爲數頗爲不少而各部分之門分類別興辦亦煞費苦心願曠觀各處終不見其發達者以無專員董理其事故也莫如將兩廳附設之收養貧民各局所無論含有監獄之性質者及含有茲善事業之性質者全行劃出歸專員辦理公同推舉一富於道德心而於此道又確有經驗之人聲請兩廳委任俾得通盤籌畫實事求是各局所應分者分之應併者併之應擴充者擴充之應改革者改革之所有一切理財權用人權悉以付之絕無絲毫之牽掣至募捐籌款之事由我軍警兩界盡力擔任財源充足庶可力圖振興此種辦法雖非十分完美苟能得人當不患無成效之足觀也惟此事關於兩廳之權限須由兩廳協商耳

李子裁謂應請公所將黃會員所提議案函送兩廳請其籌議函復

元年八月二十一號

李領袖紹林報告昨日在西城蒙養院會議臨時收養貧民事宜其條件如左收養日期定於本月二十二號

收送貧民須按表內年齡處所分送

各處額滿即送入內外廳預備收養所

小女孩送西什庫仁慈堂(須有王子真先生介紹)

各處所收養貧民均按所送人數酌予補助金

暫行收養後即應續籌永久辦法

收送貧民不限定時間

此事當衆決議收送貧民即請各警區由明日實行

元年九月十八號

李領袖紹林宣示李會員鳳山提議

收送乞丐業已按表規定早日實行但近來之乞討者又復隨處多有仍請各區飭守望警士一體認其收送以靖市面

陳會員建侯張會員薌閣同謂前次指定收捐貧民之處現在均已滿額各區所收乞丐

實無處安置應另行組織一臨時收養所爲便

全日

李議長紹林提議

現在貧民收養甚多各軍隊若有舊衣飯皮請卽施入貧民院以濟貧民服食之不足
(衆以爲然)

元年十月十六號

李議長紹林宣示李代表鳳山提議

同人借辦之貧民院各樂戶均已繳有月捐其意不過幫助貧民院成立免致乞丐登門乞討查現在各樂戶門首乞討者仍日益加多似不足勵其捐助之意貧民院刻已辦有頭緒不日卽當覓地收養請區傳飭守望警兵暫行驅逐以免各樂戶藉爲口實
鄧會員宇安提議

現在本區常有竊盜發現公所倡辦之貧民院應早日成立以清盜源而惠窮黎
現屆冬令乞討者日益加多其中實在寒苦者固多而以沿街丐錢爲生財之道者亦復不少取締之法莫若責成提署城門衛兵如見進城行乞之人卽隨時阻止不令進

城不聽者卽送貧民院收養如此辦法不特市面乞丐減少于冬防大有裨益
曾會員槐亭謂此事已傳知各門衛兵一律禁阻矣

李議長紹林謂日前同孫中山先生遊覽三海見其中貧苦太監甚多亦應設法安置
振會員敬軒謂前年因太監放出甚多無法安置曾在西山撥有地畝令其自爲生活現
在該處房屋已將蓋齊此項太監卽送入此處安置

全日

又提議貧民院總事務所已經成立一切人員均已舉定擬於內外巡警區及軍隊各舉
評議調查員二十員請諸君當場舉定卽時舉定警區二十員軍界二十員

李代表鳳山謂評議調查員現已舉定明日再由貧民院總事務所備函敦請會議籌商
一切進行方法

元年十月二十三號

李代表鳳山報告內務部秘書處函略謂頃接來呈擬請仍照去冬辦法收納壯年貧民
組織清道隊并整飭各貧民教養所藉以維持冬防化除宵小各節當已代呈總司令
業奉批交內外總廳核辦矣相應布知貴公所查照可也

全日

又提議貧民院總事務所已報告成立現由內外城總廳借妥同善工廠一所不日即當開辦但開辦經費需用甚多擬請伶界名角演唱夜戲兩日以作開辦之資今日到會諸君有舉充籌辦義務戲理事員者請散會後稍留一小時以便商酌一切

又報告龍泉寺孤兒院現因經費不足來求貧民院事務所補助諸君應決定補助之法李代表鳳山報告日前龍泉寺孤兒院院長道興和尚請貧民院事務所補助經費已撥給二百元去矣

劉會員冠亭謂孤兒院既行幫助內城貧民院現在亦異常窘急可否援例幫助李代表鳳山謂同一慈善事業有何不可

元年十一月十三號

李議長紹林宣示李代表鳳山提議

軍警兩界提倡之貧民院開辦費尚可敷衍而常年經費一項非另行設法實不足以支持久遠現有正樂育化會會員欲籌款協助貧民院同人想無不贊成但該會要求兩界同人隨時保護現正磋商辦法惟或由該會指定軍人坐位或由公所規定優待

軍人辦法令其遵行請諸君表決

張會員薌閣謂保護戲園本爲警察責任但對於軍隊應如何注意之處宜預先討論以免衝突

吳會玉璞謂陸軍取締規則原有軍人不應看戲之條件今既未能實行應由公所函商該會特設優待軍人一席一面函請各上級軍官發布命令使軍人有所遵守庶不至擾亂秩序而與巡警衝突

錢代表澤農謂該會請求軍警兩界保護應視其捐款之多少以定特別普通之標準吳會員玉璞謂此層應由該會自行說明意見然後再爲研究李議長紹林謂此事究應如何表決

錢代表澤農謂應合各軍長官開特別會議(衆贊成)

全日

又提議前軍警兩界捐助貧民院之款上星期三會議已經報告補助孤兒院洋貳百元當時有內廳劉冠亭先生要求照樣補助內城貧民院(經衆贊成)惟內城貧民教養院係屬官立似不必更用此款補助請諸君再爲討論

錢代表澤農謂補助內城貧民院之款前次既已當衆允許即可照議給予不宜再行提議致失信用

又提議同善工廠坍塌之房業已修理完竣現正置辦一切擬於星期六日實行收養請各區挪有貧民卽屆期送往再首善貧民教養院各樂戶均按月捐有款項此次開始收養宜先從各樂戶所在之胡同入手以爲助贊者勸

衆謂貧民教養院既定於星期六實行收養各區收有貧民卽當送往

崇會員蔭軒謂京城貧民經費在順天府者甚多此項經費不應稍有虛糜總宜使貧民實受其惠爲是應請順天府治中每會出席以資商辦一切

衆謂應由公所致函順天府請治中於每次會議出席

元年十一月二十號

李議長紹林宣示李代表鳳山提議

現在貧民院所收貧民已屬不少而市面貧民仍到處皆有應請各區專派巡警辦理此事方好

衆謂收送甚易惟視該院容積何如若祇容五百人則數日後卽滿矣

元年十二月四號

李議長紹林報告游緝第一中隊函稱現在朝陽門一帶發見一種乞婦沿門強討任人嘲笑種種腐敗情形實於地方大有妨害應否照違警律懲辦請諸君研究
鮑會員墨林謂此事即由敝營通知禁止

全日

又宣示李代表鳳山提議

軍警兩界倡辦之貧民院業經開辦但所需之經費不敷尙鉅非設法維持難期久遠同人於上次會議時提倡軍警兩界官長兵警均按月提捐其辦法究應如何規定請諸君再行討論以便實行

李議長紹林謂前次會議袁竣亭先生因貧民院籌款提倡由游緝隊及巡警餉下每月每人捐出銅子壹枚此意頗好但據我之見總以從官長辦起爲是官長捐款辦法擬以月薪每伍元抽銅元壹枚由此遞推以爲貧民院經費諸君是否贊成請起立表決
(衆皆起立)

元年十二月十一號

李議長紹林宣示李代表鳳山提議

現在貧民院所收貧民已達七百餘人之多款項支絀若不亟圖消納不獨內容踴擠有碍衛生且無米爲煩亦非所以持久之道前次提議兩廳組織之特別清道隊應請提前趕辦以期消納貧民而維永久

董代表祥周謂一俟部款領到卽行組織

全日

又提議前次提議軍警兩界長官担任捐助貧民院月捐一事業經全體認可現在該院需款正急亟應實行以資接濟所有簡章已由李代表鳳山擬出應請諸君斟酌

錢代表澤農謂此項捐款甚屬細微凡在長官自無不全體贊成之理但日兵月捐愚見頗不謂然因按餉抽捐究與樂捐主義不免違背應請暫從緩辦詳爲研究（衆以爲然）

元年十二月十八號

臨時議長錢澤農提議

各區增設之清道隊聞不日卽將定行前經迭次議決應先儘貧民院壯年貧民充選

以符前議當經兩廳代表認可

元年十二月二十五號

臨時議長錢澤農報告禁衛軍由稽廷君日昨來函擬籌辦游惰奢侈等捐以作收養貧民之費是否可行請衆公決
衆以徵收游惰奢侈兩捐實爲改良社會之必要但其中多有窒碍之處應從緩辦理方免操切之患

二年一月八號

振會員敬軒謂年前提議

由各機關官長捐助貧民院事本屬全體贊成現在敝衙門已經辦理有緒當然繼續有效惟宜轉知首善貧民教養院安商一收錢之法而已

二年一月十五號

臨時議長錢澤農宣示李白民提議

前由公所發出之貧兒院捐冊數十本係該院請託代募已蒙諸君當場領去現該院屢電催收請代募諸君無論募款多寡務于下星期三一同繳出以便轉交該院（衆

贊同)

二年三月二十六號

李議長紹林宣示李代表鳳山提議

去歲各樂戶捐助貧民院款項其意原欲減少門前乞丐乃近來外城地方乞討者又見加增殊不足爲捐款者勸應請各區署飭各段巡警見有乞丐卽收送貧民院以清市面 (衆謂此事應卽照辦)

二年五月七號

李議長紹林宣示李代表鳳山提議

日前善進化會報告現各娼寮所在之胡同乞丐日亦加多且常有惡討情事應請各管區署派警驅逐或拉送貧民院以保營業

李會員子裁謂此事警廳已擬定辦法不日卽當實行

二年五月十四號

錢代表澤農宣示申查二君來函一件(原函附錄)

逕啓者鄙人前與故督蔡長烏公恪謹發起振華小學校一處於成立後曾與烏公合

等巨款置做操服四十份以備學生練操暨旅行時之用不意該學校當前年武漢起義之際因經費匱乏支持無術遂致輟課迄亦未能重續辦理現鄙人商諸烏公之弟申敬軒君所有前置操服日久存儲霉損可虞與其棄之無用之鄉何若濟助公益之用由君熱心爲懷極表同意當經公決擬將藍色操衣四十身青操靴四十雙儘數撥歸貧民院籍以贍資貧兒而裨公益除將操服操靴等件檢齊備領外特此函達貴公所請煩轉致該院查照可也

當由貧民院總幹事李君鳳山起立致謝

二年五月二十一號

李代表鳳山報告首貧民院不日開設織布工廠所需工徒院中合格者甚少仍請各署將市面少年乞丐飭警隨時拉送貧民院俾得早習工業以免流離

二年十月一號

李議長紹林提議

首善貧民教養院原係兩界同人提倡而設現在工廠成立所織布疋已擬定照本出售俟清路稍暢再議擴充惟現屆冬令貧民衣褲無着亟應早爲籌備可否由各機關

以舊軍衣補助（衆謂可由公所去函詢問各機關請其將換下舊軍裝捐入該院以惠窮民）

二年十一月二十六號

李議長紹林提議

貧民院經費存蓄無多前請財政部撥發米石至今尙無消息現在貧民日見增多若照去冬收養七八百人則萬難支持同人若能設法籌撥公產以充永遠經費不特貧民受賜卽兄弟亦莫銘感激矣（衆謂若有公產應爲設法撥充）

第五類軍警執照案

元年四月十號

李領袖紹林謂李會員鳳山提議

條件第四條云現在步軍統領衙門內外廳盤查游勇禁止謠言之偵探隊業經組織完竣以後各軍隊兵丁請假出營須將請假簽假牌佩於人所易見之處以便偵查而免驚疑

徐會員(稽查營務處)謂此事將稟段總長核定執照發交各軍以便稽查

李領袖紹林又謂錢代表澤農報告昨將應議之件開呈段總長核定茲逐條開列於後
南北苑所駐各軍入城辦事應定少數多數之執照如人數可集至一排以上即應派排長一人帶領

總長批傳

全日

錢會員澤農報告前奉 滄總長面諭各廳所派偵察員已發有執照其執照即由該員持赴總長宅銜蓋圖章嗣凡有報告不必署名即用執照號數名義報告以示秘密

元年四十七號

李領袖紹林宣示李會員鳳山提議

兵士外出禁止攜帶器械已經決議實行在案現聞兵士出外仍有攜帶器械者可否與各軍隊長官規定特別執照給與外出軍人以便查照放行

崇會員蔭軒謂軍人持械游行流弊滋多昨有口稱毅軍數人荷槍欲進東安門經衛兵多方阻攔方往北而行

李領袖紹林謂此事前已議及軍人持械遊行須驗照方可放行否則不放

崇會員蔭軒謂軍人無照不放行易於滋事亟宜會商妥善辦法

李領袖紹林謂軍人無照時各警區可一面將該軍人拘留一面電告公所轉該管令其自行帶回如不確即拘送稽查營務處

崇會員蔭軒謂有官長同行時尙可不問若無官長同行必須另有辦法

李領袖紹林謂是宜由各軍製一特別執照凡持械軍人須有照無照即不放行此條已決議由公所製軍人通行照發送各軍應用

元年五月一號

陳會員(第一軍參謀學生隊隊長)宣布條件

學生隊共有一千餘人分駐帥府園譯學館兩處平時則研究兵學有變則補助軍警協力維持治安

我國軍人由專制而驟進共和法律政治都不聞知何以成爲完全軍人學生隊於兵學之外兼設普通法律以富知識

學生除常與各衙門有文書往來應請發給門照一便緊急通行

振會員敬軒謂此項門照應由內務總長處請領

錢會員澤農徵問前日見軍人青衣金邊肩牌上有金盤戈什二字請問各軍代表此係何處之兵

曹會員鳳池謂此係大總統左右翼衛兵

元年七月三十一號

黃憲廷謂右軍隊中人便服携槍似亦應由本軍發給執照以便稽核

董祥周謂發照之事軍人一方面應函告各軍從速辦理民人一方面應由兩廳出示曉諭令速報官給照

元年十一月六號

李議長紹林宣示李代表鳳山提議

軍警執照前已發出自正月兵變之後軍隊更移執據多有攜帶出京者稽查頗屬不易現擬另製執據諸君是否贊成如贊成即規定樣式請錢澤農先生担任辦理衆決定另製執據仍照前定式樣改用銀質

元年十一月十三號

李議長紹林宣示李代表鳳山提議

本營有探訪隊二棚該兵所携執照係屬軍警司令部發給通行執據外擬各兵胸前添白漂布一方書寫該兵姓名以備查門並蓋本營關防以上報告各件務請函知各處各照爲要

元年十一月二十號

李議長紹林宣示李代表鳳山提議

公所改鑄執照錢澤農君已擔任辦理應請從速辦妥以便分發

錢代表澤農謂昨已函託天津造幣廠照樣定鑄貳百枚其號數係從壹千零壹號起至

壹千貳百號止大約一星期後即可送來俟送來時再由公所核定分佈之法

元年十二月十一號

李議長紹林宣示李代表鳳山提議

前次決議函請參謀部規定偵探公用執照昨該部已將式樣送來能否通用請諸君研究

錢代表澤農謂偵探執照既經參謀部規定自當一律通用况偵探本屬該部之範圍此項執照亦應由該部簽印頒發以昭慎重(衆以爲然)

元年十二月十八號

臨時議長錢澤農報告新鑄銀質執照現已製妥應請各機關應領執照員名開送公所
以憑照發

二年一月二十九號

李議長紹林宣示李代表鳳山提議

軍警執照上中級官長均已佩帶惟兵警見此執照並無彼此敬禮之意殊與軍警聯合不符擬請各機關官長曉諭兵警嗣後遇有佩帶此項執照者一律互相致敬以敦

軍警親睦之誼

衆謂此事應與之說明令其注意以重禮節

全日

又提議軍警銀執照均已領用諸君前領銅執照應一律交還以昭慎重並由通告聲明軍警銅執照以後無効

衆謂應由公所函知各機關並登內務通告聲明作廢

二年二月二十六號

李議長紹林宣示參謀部規定軍警通用執照並謂嗣後各軍需用稽查執照若干可函知公所以便轉領頒發

二年三月十二號

李議長紹林宣示李代表鳳山提議

日前參謀處規定偵探執照應請各機關將偵探人員名數開送公所轉請更換以照劃一近聞各機關尙有未經開送者應請從速開送爲要（衆允照辦）

全日

又提議佩帶軍警執照理應格外慎重惟此項執照佩帶章程向無規定以致非軍警團體人員亦有取而佩之者殊與原定執照之意不符應請諸君規定佩帶執照章程以便領有執照者遵章辦理

李議長紹林謂此項執照原爲軍警之標識非軍警兩界人員當然不能佩帶應規定辦法以社冒濫

楊會員欽三謂此事可規定辦法張貼議廳以便各會員注意

二年十一月二十六號

李議長紹林報告總理稽查營務處來函三件

請領銀質執照事(原函附錄)

敬啓者據敝處熊副官有元報告本月十八日星期三軍警聯合公所會議章程經代表議長陳先生宣告本所新到所員未經領過公所執照者卽行補領等因查敝處新派評議員熊有元調查員王鳳翼洪占奎三員均未領過執照應請貴處照發可也再敝處常須蒞會並添發一份爲禱計請軍警聯合公所執照四份此頌公祺

(附錄原件)

聲明更換憑照事敬啟者案查自民國元年以來凡敝處人員當因往來公幹便利起見發給敝處憑照一紙以備驗放而防阻碍但前奉 警備司令處下令戒嚴發給劃一執照等因奉此所有敝處前發之憑照自應一律作廢全歸無効除傳知敝處各員遵照繳銷外特將前項憑照式樣附呈一紙希即查照俟開會之期敬祈 宣佈周知爲荷此頌公祺 計附敝處憑照式樣一紙

爲給照事本處人等往
來公幹卡兵驗照放行
須至憑照者

右給 准此

中華民國元年 月 日

第六類冒充軍人案

元年四月十號

李領袖謂錢代表澤農報告昨將應議之件開呈段總長核定

一近日各部分搜捕土匪逃兵起賊等事在各處派出之時長官必依前議令其到地段通知地面巡警等官其中間有不奉行者須嚴申約法於派出時即先電告公所立即按照應告之區營通告以免驚擾其有身穿便服口稱奉某處令派者必將其所搜贓物點清派兵偕同送至其所稱之官長處一面報告本管官以免冒充 總長批 搜捕宜加慎重更須防其冒充

一近來土匪冒充軍人者甚多警營應准隨時拿捕惟須指定送交何處裁判

總長批交執法總長

元年五月十五號

錢會員澤農宣示內務部來函云頃接總統府秘書廳函開奉

大總統令傳聞京津一帶有害冒充總統府偵探藉端滋擾情事此等匪徒假冒本府人員招搖生事殊堪痛惡應由內務部出示懸賞嚴密查拏究辦至本府人員奉差在外

均有公文爲憑如無真正印文卽係假冒應准告知就近巡警廳區拏訊懲辦並由部咨行直隸都督一律辦理等因函知前來查此項冒充總統府人員在外招搖之人實屬擾害地方應請到會諸君各飭所屬實行查拏庶免滋釀意外

元年七月十號

李代表鳳山提議

近來各處所派之偵探甚多而嚴查事項以爲消息靈通惟近來不法之徒籍名騷擾而地方警察亦無從查覺嗣後無論何項機關派出偵探一律發給執照並將執照式樣送交公所由公所通知地方警察以辦真僞

二年一月二十九號

京師憲兵營吳會員博裁報告現在外面往往有冒充軍人在外滋事查其所着軍衣皆由營借去者本連已經辦過數起應請各軍隊特別注意以保軍人名譽
衆謂應特別查禁


二年二月十九號

李議長紹林宣示京師憲兵營公函一件附錄原函逕啓者本營專管軍事警察維持治

安并掌司法行政兩警察除平常勤務士兵着憲兵制服帶有勤務手摺外有時派便服士兵赴各處密查使無一定證據將何以取信於人且一旦有人冒充亦無從查究茲特製定密查證正面蓋用本營關防凡本營密查皆以此證爲憑無此證或有此證而未蓋用關防者卽係假冒相應將密查證樣式函送貴公所查照此致

二年十月九號

吳會員玉樸報告前日陸軍所製部員章記現聞有人僞造並借此在外招搖請各機關轉飭稽查員隨時注意以杜假冒(衆皆應諾)



第六類 習充軍人案

第七類軍警言行禮案

元年六月五號

龔代表仙舟謂軍警兩界往往相遇不講禮節殊讓外人恥笑

崇會員蔭軒謂各軍隊上講堂時宜首先講演此事

元年八月二十一號

劉冠亭提議

軍警見長官行禮原以表尊敬親愛之意乃近來軍警往往見長官不肯行禮殊覺不

合應請設法整頓

李議長紹林謂此事應由自身提倡如自己遇見軍警卽向其行禮彼亦不能不卽行禮
龔仙舟謂凡有整隊出行者無論軍警相遇俱應行禮惟軍警禮節至煩各隊下頗不易

記擬請由公所製一禮式簡明表發交各部分以便實行

曹鳳池謂此事須由上官從嚴約束有不遵者卽實行處罰隊下自然遵守

李議長紹林謂此事應各部分一致進行方好(衆贊成)

並擬辦法三條

列簡單禮式表

下級會議講演此意

不行禮者之懲罰

元年九月四號

李代表鳳山提議

陸軍巡警游緝隊互相敬禮一節業已經衆表決各當認真實行（但著便衣時辨認頗難如不行禮尙可原諒）惟著軍服時行禮者尙不乏人未行者亦頗不少仍請諸君竭力開導認真稽核以敦親睦

段司令謂此事甚爲重要但教其行禮有兩種辦法

一共和演習 如擇隊中行禮最合程式者數人相與共同演習日久演熟自然有相遇行禮之習慣

二以外國兵之行禮相愧勵 外國兵見中國軍官且猶行禮我中國兵見各長官竟有漠然不行禮者可恥實甚以此語相愧勵久則知其互相敬禮之意矣

查會員富華謂軍警行禮如遇有道路護衛之事沿途皆兵則長官不勝其勞應設法規

定一簡單之法

段司令謂道路護衛之事對於所護衛者宜行舉槍禮其餘官長則行立正禮至官長答禮則行注目禮而已

二年七月十六號

李代表鳳山提議

軍警兩界之睦誼全由聯合而生而彼此行禮亦爲聯絡感情之一道迭經公所提議表決乃近來對於行禮一事又見廢弛似與聯合之旨相背仍請各機關互相提倡認真履行以維軍紀而表親睦

李議長紹林謂軍人互相行禮之事於教育紀律均有關係若不能實行則平日之教育紀律不問可知故行禮一事不可忽視

二年十一月二十六號

李議長紹林提議

軍警互相敬禮久經表決乃近來軍士警士見兩界長官往往不爲行禮殊於親愛之義有碍仍請與議諸君隨指導而肅風紀兄弟不勝盼禱之至（衆以爲然）

二年十二月二十四號

李議長紹林報告陳介卿處長提議

軍人遇警官亦宜行禮以表示互相敬愛之意

申處長靜軒謂此事實宜整頓據兄弟之見不若仍將下級官長會議繼續開辦使軍警下級官長常常晤面不特兩界感情日益親厚而將來遇有事件亦容易協商辦理

李議長紹林謂此事頗好兄弟極端贊成然近來下級會議之所以久未舉行者以此中但有義務毫無權利故日久卽有精神渙散之象也使當日倡辦此事之人既盡義務卽享有權利何至如此申先生今日既提出此事以後自應照舊辦理但開會之日公所正副議長及各處處長均應一律輪流到會方足以資提倡至於行禮一層現在警廳吳總監已有訓令飭警界對於軍界行致敬禮設我軍界各長官更爲提倡則自然有效矣

第八類取締各車案

元年六月五號

鄧會員逸安提議

爲遇警士在街禁止赤臂或夜間不點燈火之車坐車者如係軍人請不必干涉
崇會員蔭軒謂外國取締洋車均有一定辦法我國警察似宜竭力倣行
李會員子裁云現兩廳規定有實行取締人力車章程不日即當實行

元年七月三號

李領袖紹林提議

洋車爲數不少其捐款亦頗巨可否由兩廳規定號數以便遇事查之常有遺失車中之件難以查尋此事由內外兩廳會商一辦法或規定號數發給號坎或草帽載號以便查知而杜拐匿等弊兩廳早有規定

元年八月七號

李代表鳳山提議

管理人力車爲地方警區之專責現查京門人力車極形復雜若不嚴重取締實不足

以壯觀瞻並拉人力車之老少多有不合於人道大相背謬服色叢雜查察上亦不利便停放車處亦無規則然此事關係緊要仍請警廳提前辦理以重人道而清街規則免貽笑他人

龔代表仙舟謂此事外廳現正設法整頓其整頓方法大約不外限制車夫年齡查驗車體良否等事將來辦有頭緒即當會同內廳實行辦理

全日

李議長紹林謂即請內外兩廳將此事提前趕辦

李代表鳳山提議

管理來往車輛爲警察專責每遇晚間其管理情形不同如車不點燈一項而論有則見而不問有則認爲必要之件此二者以何爲是嗣後仍請各區崗警總期一律爲是再請出示諭曉每晚以何時後必須一律掌燈否則一律受罰以重路政

鄧會員宇安謂此事久已出示所以未盡實行者其原因多係軍人或附於軍隊之人傾坐洋車通不願巡警干涉點燈以致車夫恃勢希圖倖免應請各軍對於部下宣諭所以行車夜必點燈之理以免橫生阻力

李議長紹林謂各軍自應告其部下各區巡警亦應認真干涉

元年八月十四號

崇會員蔭軒提議

近日內外城洋車常有拐竊坐客財物之事事後頗難清查此皆洋車號牌釘於車後坐客未能檢查之故請將號數移釘於洋車兩旁之遮塵板上以便識記卽有前項事端亦可按號查緝

李會員子裁謂取締人力車之事前由兩廳已擬有完密規則現交議事會協議俟該會議決卽可實行

崇會員蔭軒提議

前因秩序未復暫免各捐以示寬大現在人心已定原狀漸復而馬路待修無款可籌車捐一項似可卽日舉行無論誰人之車均應上捐（雖大總統之車亦應上捐以示大公）謹擬各項車輛分類列左以備辦理捐者採擇

甲自動車（卽火油汽機）

乙自用馬車自用轎車

丙營業馬車營業轎車營業大車

丁膠皮洋車

戊新洋車

己舊洋車

元年十一月十三號

李議長紹林宣示李代表鳳山提議

近來人類進化不特尊重人道卽牲畜亦有不許虐待之

條我國漸進文明亦宜仿行此制乃北京挪運大車之人多攬重載不管騾馬之力量如何甚致牲畜之精已竭而車夫之鞭捶未休非嚴定章程實行取締實不足化其殘忍請諸君決議

李議長紹林謂此事應注意之處有兩個方面因載重大車一方面妨害馬路一方面殘害騾馬似應規定條件嚴格取締

董代表祥周謂兩廳對於此事從前本有規則但此時不大適用亟應及時改良然非從根本上著手不能有效

張會員蕙閣謂重載大車向來原不准在馬路上行走乃近來軍人往往不遵此制似應由公所函商各高級軍官決定辦法一面趕緊改良車制並由兩廳寔行干涉（衆贊成）

元年十一月二十號

李議長紹林宣示李代表鳳山提議

現在京城人力車到處皆是停車場所雖已有規定往往車夫不能遵守以致蜂擁道路阻碍交通而守望警亦多有不遍問者應請各區區長再申前令並飭各處守望警隨時指揮庶免擁擠之患

衆謂此事應與改良車制之事一同趕辦方好

又提議保護道路首重取締車輛現在重載大車雖不能遽行禁止可否對於大車特別加損使之自行消滅

董代表祥周謂車捐停止規定尙且不易加捐一層恐難辦到不如從緩商議

元年十二月十一號

李議長紹林宣示李代表鳳山提議

車輛應行必須點燈原爲防範危險起見亟應規定一準時間令其一律遵守以免籍口

鄧會員宇安謂點燈總以日落爲限惟車夫程度不齊每有已到日落而仍抗不點燈者以故時有衝突然洋車之燈總以早點爲是

二年一月二十九號

李議長紹林宣示李代表鳳山提議

重載大車不准經行馬路久已載在警章乃近來軍隊之大車仍直行馬路上滯碍交通警士因其屬於軍隊亦不肯向其干涉實乖尊重警章之道擬請軍隊長官傳諭押車兵丁務遵章通行免致衝突

李議長紹林謂軍用大車以後不宜再在馬路上行走以符車制(衆贊成)

二年三月十二號

李議長紹林宣示李代表鳳山提議

內外城拉人廠車往往一車載至十餘人之多不惟男女雜坐有關風化而拉車之馬每以載重力徵喘氣之聲聞於百步以外情形尤覺可憫應請各警署從嚴取締既可

維持風化兼以惠及牲畜

鄧會員宇安謂改良車制警廳迭經提議可由公所去函促其速行規定辦法以祛前項之弊

二年三月二十六號

李議長紹林宣示李代表鳳山提議

管理洋車規則不准空車在大街盤旋於交通至爲便利但洋車既不准在街遊行仍須指定停車地點俾車夫有所遵循方免退有煩言

陳會員自珍謂現在內外城停車場已經擬定不日即揭示此條可毋庸議

全日

陳會員自珍報告本區檢驗車輛頗有拱衛軍軍人冒稱車主妄行干涉請拱衛軍設法維持

周會員硯農謂此事祇有派人彈壓一法可行請內左四區署長說定檢車日期以便屆時派人彈壓

當由陳會員自珍指定檢車日期周會員硯農已允派人矣

二年四月二號

李議長紹林宣示李代表鳳山提議

現在人力車各警察署已規定取締方法惟京師各種人力車究有若干各部分均應周知請各區署於調查明確後開送公所以便分知各軍稽查衆謂應照議辦理

二年四月九號

李議長紹林宣示李代表鳳山提議

人力車夫頒發號坎以杜乘車種種弊端用意至爲美善但近來車夫常有將號坎藏于衣內者有號坎幾與無號坎同應請各警察署長官嚴飭守望警善爲諭告俾收實益

李會員子裁謂車夫號坎本未發齊現已定於本月十一號一律發給俟實行後自當隨時注意

全日

又提議人力車取締方法已經規定擬請各警察署於人力車夫掛號時一律勸令剪髮以除累碍且所發號衣亦不至污毀一舉兩得莫便於此將來若能辦到則勞勩辦髮減

少地面之氣象一新矣（衆皆贊成）

二年四月十六號

李議長紹林宣示李代表鳳山提議

凡屬大車不准逕行馬路業經兩次表決在案乃近來軍隊之大車仍然不遵前議巡警亦不敢出而干涉以致公決議案全無効力殊與會議之宗旨不合應請各軍長官重申命令務飭夫役遵行則衝突可免而公所議案亦不至失効

李議長紹林謂此事迭經公所提議表決原爲維持車制尊重警章起見迺各軍大車每每不遵有時故在馬路行走巡警干涉卽起衝突我軍界官長宜愷切勸導以保軍人名譽方好（衆以爲然）

全日

又提議警察爲和平軍人對於一般人民無論遇何事項總須持善言婉勸之態度但近來對於人力車夫仍不免有刀鞘敲擊之行動應請各區署善爲諭導以重人權而維警政（衆以爲然）

二年五月七號

李議長紹林宣示李代表鳳山提議

軍隊運物大車各豎官旗取其易于辨認也乃近日大車用完不將官旗收回又用以運載他物者私物官旗殊屬不合嗣後應請各機關確實嚴查以免濫用官旗致淆觀廳

李代表鳳山謂日前見有拉馬糞之車豎有官旗故有此議

李會員子裁謂應請各軍於用車之後收回官旗自免此弊

二年六月二十五號

臨時主席錢澤農提出議案

洋車號坎之設原以利於識別而免乘車人有遺失財物之虞迺近日車夫每每抗不遵守以致乘車人時有遺失財物之事應請各區署飭令崗警從嚴干涉以昭覈實

第九類通知走隊案

元年六月十二號

李領袖紹林宣示李會員鳳山提議

駐京各軍隊如在內外城走隊時須先將經過區域時刻通知公所以便轉知經過區域曉諭平民以免驚疑

錢會員澤農謂此事久經提議各軍隊已遵辦有日矣

李會員鳳山謂學生隊尙未知曉

錢會員澤農謂可用公所名義函知該隊

元年十一月六號

李議長紹林宣示李代表鳳山提議

現屆冬令農事盡收正是軍隊練習野外之時嗣後凡遇多數軍隊演習野戰各警區接到知會卽請傳知守望警隨時告知人民以免驚擾

劉會員冠亭謂各軍若有繼續野操之事亦須早爲知會以便轉告

二年四月二十三號

李議長紹林宣示李代表鳳山提議

各機關近來走隊地面人民頗滋驚疑謠言即由此而生擬請各軍隊於將欲走隊之先通知地方官署以便明發佈告曉諭地方人民免滋驚擾（衆謂應卽照辦）

第十類禁放花炮案

元年六月十二號

李領袖紹林宣示李會員鳳山提議

崇統帶報告於十一號即昨日十二鐘後西華門外有放爆竹加大麻雷子者此事應請禁止以免驚擾

經衆表決應照議辦理

世會員夢蘭謂此事因有一家住戶作喜事燃放爆竹當經該處巡長上前攔阻即行停止

李領袖紹林謂以後再有燃放爆竹情事應請各管區從嚴罰辦（衆謂應請照辦）

二年一月二十九號

李議長紹林宣示李代表鳳山提議

現屆陰歷年首恐不免有燃放花爆竹情事應請各區早爲出示禁止以防危險而免驚擾

李會員子栽謂燃放花炮陽新年既經禁止此次自應仍前辦理

二年二月二十六號

李議長紹林宣示李代表鳳山提議

燃放花炮久懸厲禁然偏僻街巷仍應有燃放者務請各署長飭警嚴查免滋驚擾
張會員潤澤謂前夜炮聲出於城外中警署實無干涉若城中各胡同有燃放花炮者自
應嚴行禁止

第十一類彈壓廟會案

元年六月十二號

金會員子珍報告內城右二區界內都城隍廟每年照例由五月初一起開廟半個月屆時請由公所知照各軍隊派人彈壓本區在廟內及附近分駐所均設有招待所派人接待以備各軍隊官長休息之處

二年六月十一號

臨時主席錢澤農報告永定門外南頂廟會提署已設有茶棚各機關派員往查可至該棚休息

二年七月二號

張會員潤澤提議

舊曆六月初五初六兩日境內善果寺開會應請各機關派兵彈壓以維秩序
衆謂應請禁衛京畿京師三處憲兵營派人前往三處會員均允許照辦

第十一類彈壓廟會案

第十二類撫恤故警案

元年八月二十八號

李議長紹林宣示已死書記續昌之母玉全氏上稟求恤事略謂氏子續昌彼巡警林勝仇殺隕命全家六口度日維艱爲此哀懇設法救濟以恤孤寡云

又宣示已死巡警恩俊之堂弟恩茂上稟求恤事略謂堂兄恩俊前在公所被同事巡警扎傷身死其父慟子情切身染重病所遺妻子無路生活惟已故恩俊原食正藍旗槍甲錢糧懇請行文圓明園八旗印房將已故恩俊之缺移與其子英祿如蒙宏施恩同再造云

又提議已死巡警書記恩俊等四人在所當差將及一年此次猝遭慘殺孽雖自作情實可矜擬由公所同人隨意助捐分給其家俾得稍紓困苦諸君是否贊成

董代表祥周謂此次公所巡警因賭仇殺之事誠如議長所謂孽由自作情實可矜內城廳區已籌捐分贍其家矣公所同人如有此美意則已死者之家沾感無暨矣

李代表鳳山謂我同人既有此等美意早捐一日則死者之家屬早沾一日恩惠請將樂捐款數登記於冊以便異日計數分給

元年九月四號

李議長紹林宣布參謀部捐助做警恤金洋百元公函

敬啟者據本部派赴貴所與議崔科長承熾報告貴所守衛警士恩俊等四人因傷致斃身後艱難議由軍警各官長捐助義金等語茲本部敬助洋百元以示矜恤由崔科長面奉察收此頌公安

元年十一月十三號

李議長紹林提議

公所故警恤金請已經署捐諸先生即日將捐款交下以便分給故警家屬衆謂未繳者應即送至

元年十二月二十五號

臨時議長錢澤農報告外城左五區區長湯仲言君交來巡警王殿元受傷病故募捐啓册略謂該故警現在家徒壁立喪葬無資請諸軍警兩界諸先生酌量捐助以慰死者而勵生存當經公衆贊成同時書捐亦異常踴躍旋由湯區長代爲致謝

二年一月十五號

臨時議長錢澤農宣示李會員白民提議

公所故警續昌等四名前蒙諸先生允捐卹款現屆陰歷年底擬收禁此款分給該故警家屬俾沾實惠請署捐諸先生速爲賜下以便早日分給

二年九月二十四號

臨時議長錢澤農君謂應查捐冊催收

錢副議長澤農報告前日有江西都督公文一角云本年七月軍警聯合會會長派有任炳一員前赴江西調合南北意見該員到贛之日正李逆起事之時比投遞公文李逆卽指爲北方奸細遂遭槍斃事平之後鄉人以該員遺眷在贛請求撫卹特該員赴贛是否確爲貴會長所派希卽見覆以憑撫卹等語連日兄弟在各處探問均云此人雖係高等警校畢業趙總理號簿亦有其名特何人所派去尙未查悉惟此人旣係因公死難似應覆函贛督請其撫卹(衆以爲然)

第十二類無懂故整考

第十二類預防各事案

元年八月二十八號

崔會員昌周提議

現在各處軍隊常有潰變之虞我軍界同人總宜籌商一弭平之法方可維持地面擬將內外城劃出區段分配軍隊如何區有變即以主管該區軍隊前往鎮壓平時籌劃既定庶臨時不致忙亂

龔代表仙舟謂如辦理須要設一總機關

李代表鳳山提議

此次通州兵變實受三鎮傳染若再無正當辦法將來轉相效尤後患何堪設想請諸君亟籌一弭變辦法

李議長紹林謂此事總須先問毅軍如何辦法

董會員玉齋謂若質問毅軍毅軍必無辭以對

龔代表仙舟謂不必問毅軍可條陳陸軍部請速籌辦法

董代表祥周謂此事以上條陳於陸軍部爲當

黃會員憲廷謂上條陳於陸軍部總須有一定主義據我之見先問該部處譁變搶劫之後何以置而不問將勵之歟抑另有辦法歟

李議長紹林謂此項條陳即用公所名義須舉定起草員即時舉定六員計

警界三員李子裁 潘燕生 龔仙舟

軍界三員李鳳山 崔昌周 周硯農

元年九月四號

李議長紹林提議

通州之事陸軍部不早爲設法已經提議上書今該處已派代表到京力責姜軍門之過欲其受罰五十萬兩爲撫卹政府正可借此機會移換他軍駐紮通州以杜後患而整軍紀

李議長紹林宣示各起草員撰定軍警全體條陳陸軍部書請大衆研究（條陳書已另行寫印當衆協議表決茲不贅錄）

全日

李代表鳳山報告昨聞通州殺軍已解散二百餘人查該軍原擬將遣散之兵用火車運

回原籍不意當晚已逃走二百餘名現皆星散各處難免不到處勾串仍請各機關竭力防範以杜隱患

殷會員錦波謂此後倘有毅軍逃兵到京無論何機關拿獲即可問明情由送執法處以軍法從事

曾會員槐亭謂聞此次通州遣散之兵祇隨身帶有衣服被褥洋銀六元若遇此項兵丁似宜促其速行不必拿辦

段司令謂有贓可以拿辦無贓則以從其速行爲是

李代表鳳山提議

各營額缺宜停止募補以防傳染蓋因各處兵變除潛逃外各軍對於未逃者亦無相當之處置不過任其請假或裁汰而已其裁汰請假及潛逃者皆係無家可歸欲謀生活勢必投補各營日久則人數積多則野心復生雖有良好之兵亦將被其引誘意外之事勢將不免嗣後應請各軍一律停止臨時就地募補兵額以杜後患（如遺額較多可定期另地募補於教練上亦頗有益）

段司令謂此事誠宜嚴防凡帶軍隊者均宜特別注意

李代表鳳山提議

巡警之額缺亦有募補者雖不能仿此辦理但募補時必須有確實保結方可收錄（蓋因警士各有職守額缺不能久懸招募時必格外注意以杜游兵混入）

湯會員仲言謂現在兩廳招募巡警異常嚴密游勇攔入一層似可無虞

元年九月十八號

劉代表少谷報告毅軍兵變善後辦法略謂本軍駐紮通州各營日前譁變商民受害者頗多敝軍統甚爲震怒近已按法懲辦計槍斃幫帶一名哨官十名哨長四名變兵三十餘名撤去管帶四名（馬松圃陳占魁馬鴻恩劉學年）遣散四營其被害商民並由敝軍統籌銀二萬兩分別撫恤矣

元年十一月二十號

李議長紹林宣示李代表鳳山提議

清河預備學校學生反抗部令全體退學現在來京分住各省會館誠恐少年繳躁釀成別故應請各派偵探嚴爲防範

江會員兩承謂陸軍學生應以服從命令爲天職該學生等反抗部令實屬恃衆妄爲此

風若不早爲革除將來胡有底止擬會議後卽向段總長商量辦法

元年十一月二十七號

李議長紹林宣示李代表鳳山提議

清河陸軍預備學校自解散以後全體學生現均散居京師不獨日著軍衣在外治遊且聞有秘密開會之舉若不設法安置難免滋生事端應請兩廳特別注意以維治安張會員潤澤謂此事之責任專屬於陸軍部該部若無相當之辦法兩廳實難予爲力錢代表澤農謂此項學生成羣開會日有所聞且多數帶有手槍若不早爲設法必至釀

成事端

楊會員欽三謂宜由公所上書陸軍部及總理請速籌辦法免貽地方之累

李代表鳳山謂查該學生等之意頗爲崛強一時似難強其出京

李議長紹林謂上書陸軍部自是正辦堆總理及參謀部亦宜各上一分方好(衆贊成)

元年十二月四號

李會員白民報告上次議決已辦事件函請國務總理段總司令陸軍部設法安置清河陸軍學校解散來京之學生

全日

李議長紹林報告陸軍部現派軍學司司長魏海樓君來所說明清河第一預備學校風潮始末情形

魏君海樓謂此事風潮寔因收容前清貴胄學生而起先是貴胄學生以民國成立貴胄學堂當然取消該貴胄生已無畢業之希望前後到部要求數次嗣又由潤貝勒上書大總統請求安插當由大總統交部核辦部議擬將此項學生加入第一預備學校因恐該校反對而又不得不收於是變通辦理擬將此項學生作為該校附課生并取消貴胄字樣以期消納于無形迺該校學生群起反對當將該貴胄生打出其所持之理由有三

一謂貴胄學生皆前清三品以上大員之子弟除花天酒地之外別無知識程度卑劣不堪與我等受同等之教育

二謂貴胄學生之父兄均前清三品以上之大員平素只知吸取民膏以致釀成革命我等人格高尚豈可與此等貪官污吏之子弟為伍

三謂現在應收之學生甚多陸軍部何以不收而必欲收此等無程度無人格之學生

且與原定學校條例不合旋經派員逐條解釋其時不贊成者僅止少數殊該學生等抱定陽奉陰違之宗旨前後三次將貴胄學生打出不得已始將爲首之學生十五人革除此令一發該校學生羣起反抗當時全體出校秩序大亂現已決定辦法日昨業經頒布嚴重命令該生等如能自行呈遞悔過書仍准一律入校否則通電各省全體開除限至十二月十三號止此清河第一預備學校風潮之實在情形也昨因接到貴公所來函有過於壓抑之語不免誤會是以兄弟特來說明

錢代表澤農謂公所函中不可過於壓抑之語不過與學生囂張之氣不可長相對而言其中並無別項用意至貴部此次對付學生之苦衷同人俱已深知但此項無人管束之學生散布城中終不免爲地方之累總須速籌辦法方好

魏君海樓謂十三日以後如該生等仍不悔過回校部中自有一定辦法通知地面衙門

全日

李議長紹林宣示李代表鳳山提議

之件現在三鎮兵士駐紮南苑者不時猶往來京城人民見之異常驚恐應請稽查營務處隨時稽查並函請陸軍部飭該鎮之兵不得隨便入城致滋驚擾（衆贊成）

全日

周會員硯農報告本軍在太平倉演操城中人民及外國人多登城觀看更有雜以喧笑者軍人倘有誤會不免別生事端應請設法禁止維時提署警廳代表均允認禁止

元年十二月十八號

臨時議長錢澤農報告今早哈爾濱來電一件略謂該地山西商人七百餘名現經俄人送出恐有宵小匿跡其中我軍警兩界似應格外注意以防俄人偵探并請嚴守秘密

元年十二月二十五號

臨時議長錢澤農報告李會員子栽提議

擬請妥籌軍隊放假辦法及加班稽查以重治安

附言 陽歷新正伊邇各軍隊例須放假查外城娼寮戲園林立最易滋生事端則限制放假及加密稽查二端似爲預防之法應請 公決

李代表鳳山謂應仍照共和紀念會稽查辦法以昭妥慎(衆贊成)

二年一月八號

錢代表澤農報告日前總統密囑近聞軍警兩界常有暗賭之事且聞輸贏甚巨我兩界

同人總須秘爲察查以免釀生事端（衆以爲然）

二年三月十二號

李議長紹林宣示李代表鳳山提議

事件現在國會召集在邇議員紛紛至京恐有奸宄之徒藉端煽惑實於大局有礙可否由各機關選擇偵探暗中梭巡以消隱患俟正式政府成立後再行取消是否可行請公決施行

楊會員欽三謂黨會搗亂將來難保不發生危險應先研究預防方法以免臨時忙亂
錢代表澤農謂對於預防危險業已籌有辦法

二年四月九號

李議長紹林宣示錢代表澤農來函一件 略謂呈上報載亳州遣散軍隊記一則公所對於此事已三次提議惜姜軍統寢攔其事以致成此現象然我公所先事預防之旨昭然在人耳目也即請于會議時報告同人以爲條陳議案者勸

又謂此事因去歲安徽渦陽人士來函請求轉呈陸軍部姜軍統撤去毅軍馬子卿一營以除地方之害嗣經公所去函而姜軍統與陸軍部並無如何之舉動以致今年該軍

果在亳州潰變可見此事非公所知而不言所致實姜軍統優柔寡斷所致也

二年五月二十一號

李代表鳳山提議

各處稽查原爲密查造謠生事及擾害地方之不法行爲而設職務最爲簡單乃近來部分稍多範圍漸廣往往有稽查人員侵及地方警察權限者殊爲不合若不早爲分割則衝突之事必層出不窮請諸君詳細研究指明權限免生阻害

又提議衆謂以上兩案應請各機關嚴飭稽查謹守範圍自免此弊近來報紙登載荒謬離奇之言不一而足實屬擾亂人心且更有一種最易挑動南北惡感者如捏造南北軍備種種情形皆是務請各機關嚴飭部下官長勿爲浮言所惑且禁止兵士閱報以固軍心諸君如以爲然請卽表決實行

衆謂現在軍人程度能閱報者甚少此層尙可勿慮

二年五月二十八號

李議長紹林宣示外右三區警察署公函一件附錄原函逕啟者本月二十六號夜內十一二時據巡官李玉楷報告宣武門大街善化會館門前忽來軍人及便服者三四十人

持槍奔入該館門首留有兵士紮門不准出入詢係何兵拿辦何案均不肯明言亦不准入門查探等語當即添派巡官斌全率長警馳至該處調查該軍人仍復拒絕詢問理由概不肯答婉言向該軍人索要名片亦不肯給至該軍人事畢見其携去箱支包裹等件不知內係何物該館門前仍留兵士四人看守該巡官等設法向該看守兵士偵察始悉所來軍人係京畿執法總營務處哨官姜占魁率兵至該館拿人至所拿何人所辦何案不肯明告只云大約帶去一二人等語巡官等復思不准入門調查內容真像無從懸揣乃向該兵士婉言代將該館長班喚出據該館長班聲稱該軍人搜檢係在住館之劉炳榮李德輝屋內該軍人入館時彼二人尚在及該軍人走後彼二人已不知去向或被逮捕亦未可知等情報告到署查搜檢逮捕無論何種機關向章係持具票據知會該管區署屢有明文歷經提署京縣營汛各衙門辦理在案卷查民國元年五月三十號本署曾奉前外城巡警總廳扎文一道內開奉

內務部函稱向來各處稽查偵探人員緝獲案件應向各該警區聲明協同辦理現在京師地面各項稽查偵探人員繁雜間有冒充訛擾情事於治安頗有妨碍應再聲明向章嗣後各處派人緝獲案件均報告警區倘有獲不報暗行扭獲者一經該警區查

知即可將辦案之人及所獲案犯一併扣留除登載通告外專函奉布飭知各區一律照行等因奉此爲此扎知該區查照辦理等因奉此乃該營夤夜辦案並不知會本署恐於部令似欠斟酌况警察負有保獲治安之責區署直接地方人民關係似不爲不重以持槍上刺之軍人三四十名之多乘夜蜂入會館影響治安駭人聽聞姑不具論然既不知隸何部分又不知辦何案件警察爲防假冒計爲維持治安計似均不能稍緩調查及至派巡官等前往接洽乃言語吞吐不准入該館照料殊出意料之外倘本署派出人員對待稍有不善諒難免彼此衝突彼時何堪設想本署爲化除意見遵重部令起見不得陳明貴所應如何預防流弊以善其後而衛地方之處統希垂鑒除將此件詳呈警察廳總監外相應函請貴所查照此致

李議長紹林謂此事大率因辦事手續不清故有此病惟來函甚長場中多有未聽明白者請張潤澤先生再爲說明以便憑衆解決

張會員潤澤復說明函中情形並請籌議善法

李議長紹林謂據兄弟意見以後無論何處辦案總以先知會管區爲便

錢代表澤農謂此事今日另有會議可將此函由公所代表帶往會所以便籌商統一逮

捕辦法

衆議即請紹林先生一律

全日

又宣示劉代表少谷提議

事件略謂近聞某旅長派有多人來京意圖暗殺同鄉某某請各機關偵探特別注意以維治安

陳會員建侯謂應一律偵查

二年六月二十五號

臨時主席錢澤農提出議案

據吳會員玉璞報告已經革退之軍人大豐聚居前門外一帶憲兵稽查頗難周密特此提出應請各區署調查明晰隨時通知兩憲兵營以便取締而免滋擾

主席錢澤農謂現在各偵探機關所派探員在外稽查往往與地面衙門時鬧意見即於前日東直門日人秘運軍火案而論其事原係憲兵專責乃游緝隊巡警竟與爭持幾致衝突以後對於此項事端應請各機關告諭探隊總以和衷辦理爲是

吳會員玉璞謂主席頃言有一種假兵非兵者時常在外滋擾此輩多係革兵往往携有手鎗刺刀等危險之物憲兵責任所關斷不能不認真偵察但該兵大半居于民間住戶之內稽查頗難且凡娼寮戲館滋事之徒亦以此輩爲最多擬請各區署長飭令各守望警時時注意以維治安

二年七月十六號

李議長紹林宣示李代表鳳山提議

第一師之兵遣散頗衆近聞皆抵北京雖無滋擾情形究不可嚴加防範况此項軍人籍住京師此次全行回京其中難保不有別情尤應認真稽查以防意外應請各機關對於此項軍人特別注意並傳知部下不得與之交際以免發生他故

李議長紹林報告陳介卿處長提議

年關在邇軍警兩界須加班巡查以防意外

二年十二月二十四號

李議長紹林謂此事係兩界職分內應辦之事諸君想無不贊成者惟如何加班宜各自籌辦耳

第十四類獎勵軍隊案

元年九月四日

錢代表澤農報告此次步營游緝隊保衛孫中山先生甚爲出力前星期一日孫中山赴西城貧兒院該隊沿途保護及孫已返轡兩下如注該隊尤必俟隊官令到始行撤隊其守令之誠甚爲可愛可敬昨已將此情形面告江先生請其獎勵此次接待孫先生事後似應與步營保衛隊巡警偵探隊同請獎叙以策勵勤拳服務之心

江會員兩丞謂事竣後自應一律獎勵

二年二月十九號

錢代表澤農提議

大局粗定內外兩廳改組其用人固有該管者佈置而兩翼軍士自去歲夏季後人人鼓舞實具真誠從公之心於地面大有關係我軍警兩界會員應實力護持鼓勵之以維地面此議案因近日兩廳改組劃出權限行政之權不歸步軍衙門近日私娼私賭幾於遍地故提議及請諸君籌議保護之法

李議長紹林謂此事現在行政權限既已劃歸警廳警廳應卽認真進行以免廢弛

錢代表澤農謂此事權限現雖歸於警廳而執行實務當然仍在游緝隊應如何設法維持方無貽誤請諸君討論

李議長紹林謂此事最好宜即呈請大總統下令著步軍衙門游緝隊仍舊供職不得以劃歸警廳即生懈惰

李代表鳳山謂此事權限既分其寔際不無滯碍所有職務自與從前不同應請各勤務督察長與步軍衙門再行籌議辦法至大總統下令一層實無呈請之必要

錢代表澤農謂兄弟提議

此事欲原研究一妥善之辦法今日議案過多可俟下期再議

第十五類販賣人口案

元年九月十八號

李議長紹林宣示李代表鳳山提議

現在誘拐婦女這項買賣日見發達大半兒都送往東三省及河南山西等處爲娼東西兩站巡警每日都盤獲九起東車站尤多無奈盤詰之時該人販子等見勢不佳卽行脫逃所以真正慣販人口的要犯始終漏網未獲其根本上之毛病就是本管地面不抄坑子之過聽說專營此項生業著名土棍劉俊亭孟永春孟永清等數十人久在煤市街小馬神廟春樹胡同等處盤踞雖經總廳嚴拿仍是大拐大賣並聞孟永春等常說有他本家孟五在探訪隊充當偵探所以地面上別說不敢辦他門大概總該不好意思的等語

王會員雨亭謂安定門大屯地方係本營轄境報紙所登匪徒橫行之事自應卽日查辦春會員曉山謂報載販賣人口之事既屬外城地面且牽涉探訪隊探訪隊卽偵探隊應會同李達三君協議辦理

第十五類販賣人口案

第十六類開于各會維持秩序案

元年十月二號

李議長紹林報告革命紀念會之事王勤齋廳丞已與該會發起人接洽頃接有覆公所一函略謂革命紀念會係黃克強捐洋五千元與辦嗣經該會發起人要求政府助款萬元總理以該會係私人團體政府不能合辦已允由己名下捐款數百元以補助之非另辦一處也若於此會之外又另辦一處實無處籌款云

又謂勤齋此函殊有錯會意處前日公所議將紀念會改移萬牲園蓋以該園地方寬大移至彼處便於維持秩序耳非由軍警界另辦一處也現既由總理助款交該會承辦軍事處人另籌有軍界辦法我警界同人亦維有安定路線維持秩序而已諸君識之

全日

洪會員和卿謂段司令今日不能到會囑本會員代陳議案兩件應當衆提出

一革命紀念會日有倡辦提燈會之說游人太多恐亂秩序請諸君籌商維持之法

黃會員憲廷謂前日議院決定紀念會事件並無辦提燈會之事兩廳似可據以阻止以免紊亂秩序(衆以爲然)

一紀念會陳列品物應作永久紀念品事後應當存置一處以備紀念日陳列勿令散失
衆謂此事應請兩廳與該會商議設法存置

元年十月九號

李議長紹林報告李代表鳳山提議之件

一本月初十至十三日爲國慶紀念日軍學各界皆一體放假應請內外城各區傳飭偵探分佈嚴查以防隱患

錢代表澤農謂此事已派人辦理矣

二國慶日各軍隊皆派兵彈壓其派出之數目換班時間攜帶軍械均應預爲商定會場彈壓處所亦應預爲籌備

春會員小山謂外廳已在廠甸搭有蓆棚以備軍警兩界彈壓人員休憩

李代表鳳山謂各軍彈壓人員現已商定每軍各派官長一員隊兵四名均各携子彈統歸徐稽查長怡廷指揮內城沿途護衛總統大閱之兵統歸段司令香岩節制

此條當衆表決應由公所函知各隊

三紀念會場倡辦提燈會至今尙無一定辦法恐臨時不免紊亂秩序應以設法解散爲

是

董代表祥周謂現未聞有此舉設有人倡辦此事能解散固好若實在不能解散總須預先定出路線方不致擁擠生事

張會員潤澤謂上次提燈會係國風日報主筆白玉環提倡至此次提燈如何辦理可向其詢問

春會員小山謂日前聞有人到廳聲明提燈會之事若令其停止須與此人商議陳會員公寬謂此事由本會員與該會商議自有一準辦法

四紀念會所發之入場券漫無界限徒增煩擾應與該會商議作爲無効以免驗票時與人衝突(衆以爲然)

春會員小山謂如此辦法亦好但須電知該會毋庸派人驗票

五國慶之日軍學商工各界皆一律放假人數必然增多紀念會場如何能容應請開放天壇及萬牲園陳列所處任人游覽概不售票庶遊人分散免致擁擠

春會員小山謂天壇萬牲園已決定開放三日陳列所一處尙須電知請其照此兩處辦理

元年十二月二十五號

臨時議長錢澤農報告李會員子裁提議

新闢天橋會場並開放天壇先農壇十日請各軍隊預告軍士派往彈壓以維秩序

附言 刻警廳提倡新歷於前項場所布置點綴便民觀遊藉新耳目應請各軍隊查

照彈壓香廠成例派駐稽查除另由廳函請公所轉送路線圖外特此報告

李代表鳳山謂此事宜由公所議出辦法再呈司令長核定施行

畫代表祥周謂稽查彈壓宜由各軍長官會商辦法

李代表鳳山謂卽照共和紀念日彈壓辦法如何(衆贊同)

並議定由外廳設立彈壓公所以爲各機關人員坐落之處

全日

臨時議長錢澤農報告勸善進化會來函報告該會於二十七號開成立大會并請公所

人員到場彈壓聞已由右二區派警保護矣

二年八月一號

李議長紹林報告共和紀念會來函云本月九號夜內該會將燃放花炮舉辦提燈請求

公所轉知各機關派人彈壓諸君是否贊成

恒會員樂峰謂此事易生危險恐於治安有碍已由兄弟與錢君澤農向該會交涉將花炮提燈之事已一律取消矣

二年一月二十九號

李議長紹林宣示李代表鳳山提議

南北統一紀念日爲期不遠將來舉行此會我軍警兩界應如何籌備亟應早爲規定以免臨時忙亂

李會員子裁謂此次慶典本廳現已決定仍在先農壇舉行并開放四日以便遊覽俟佈置妥貼後即當知會公所

二年二月十九號

李議長紹林報告現值京西白雲觀開會之期應請軍警各機關派人前往彈壓以免滋事(衆許諾)

第十六類關於各會維持秩序案

第十七類頒發共和淺說案

元年十一月十三號

李議長紹林宣示李代表鳳山提議

共和淺說其中可採之處甚多前下級將校在平介館會議時業經發出二十餘份而索取者甚衆擬再爲續發請各隊各區詳開需用數目以資核發

李議長紹林謂共和淺說一書原爲開通民智見對於各警區各軍隊究應如何分送衆議決定以七百餘份爲限度

元年十一月二十七號

李議長紹林宣示李代表鳳山提議

共和淺說一書以俗語發明真理定爲開通社會必不可少之物應請上級官長對於部下隨時演說以期日進文明并擬函請該社續印數十册以便分送講演(衆贊成)

元年十二月四號

李會員白民報告上次議決已辦事件函請國羣鑄一通俗講演社再印共和淺說百部分送下級官長

二年三月十一號

李議長紹林宣示李代表鳳山提議

前由平介館發交共和淺說現各官長俱已領齊仍請各長官竭力提倡以增知識但日前該社來函有謂軍警兩界之贊成本社淺說者請開送姓名一體作為本社社員是否可行請諸君研究以便答復

第十八類八旗餉銀案

元年十一月二十號

錢代表澤農質問八旗發餉弊竇滋多近有人上書總統請改發銀條諸君研究是否可行

江會員兩丞謂此事應與各銀號商議嗣後凡關旗餉一律改發銀條以免各旗受虧折之苦

董代表祥周謂宜請財政部一律發給現洋則從前所有弊端均可蠲除

第十八類八旗餉銀案

第十九類追悼會案

二年二月二十六號

李議長紹林宣示李代表鳳山提議事件

一前清隆裕皇太后於南北相持之會慨然下詔允認共和不使人民塗炭我四萬萬同胞戴德甚深現值仙馭升遐軍警兩界應開追悼大會以表哀思謹擬辦法數條以供研究

1 地點

決定天壇

2 日期

決定三月十一號

3 會內一切辦法及布置

請舉定諸位先生籌辦

4 通知各界

不必通知

5 服制

制服

6 祭文及演說

請江雨臣先生撰文

李紹林先生報告

7 推定辦事人員

總理徐怡亭先生

辦事員 董祥周先生

李子栽先生

袁俊亭先生

樂印孫先生

申靜軒先生

李鳳山先生

鮑墨林先生

安蘭亭先生

崇蔭農先生

崇蔭軒先生

楊欽三先生

錢澤農先生

劉星若先生

周硯農先生

李紹林先生

一 隆裕皇太后現已升遐市井謠言又見叢生實于國家前途有關我軍警兩界更當竭力維持請各機關多派便衣偵探四路梭巡以靖浮言而定人心(衆贊成)

全日

錢代表澤農報告前清隆裕太后功在民國人所共欽一旦升遐亦人所同悲茲有共和紀念會會員劉君壽公關君天生段君江岷提倡籌捐爲清太后鑄銅像事擬請邀其到場說明意見諸君是否贊成(衆贊成)

當由關天生君說明太后捐讓美德應鑄銅像以昭後世邀求軍警團體贊成並東說死難各烈士銅像亦擬一同籌辦(衆均起立贊成)

計議定各件

一 鑄銅像地點 (中華門內)

二 款項之募集 (不拘多寡由辦事人設局經收并給予收條登報宣布其款存儲蓄銀行)

三 辦事人之舉定 (除本所三長外每一部分各舉一人)

四 開茶會之日期 (緩期再定)

二年三月五號

李議長紹林報告鑄像報功會廣告一件并發起人名單

附錄原件 飲水思源者固人情之所聞崇德報功者正民意之所嚮是以有功於民

則祀與夫礪石造像永矢弗諠載在吾國傳籍者昭昭矣乃今五族共和南北統一自時厥後吾儕何期而竟獲爲中華民國之新民豈非僥天之倖哉在曷芸羣衆身被福利者泊焉視之熟習无睹罔所奇異而不知當時擲頭顱拋財產犧牲幾許愛國之男女英雄購得此單簡純潔之共和二字又不知費幾許慘淡經營比當軸者委曲宛轉千波萬折之旋幹始促成清隆裕太后宣布共和之詔旨於是南北統一之局以定脫非我佛化身又烏能毅然決然捐謝一姓一家之私利公天下重器於我四萬萬五大族之人民也耶以慈悲拯衆生化競爭爲捐讓方祝此宣布共和之清太后壽命永康長享優禮胡意昊天不吊一旦升遐五族同胞同聲哀悼願念捐讓之美德強彌思死事之先賢今特糾合同志發起鑄像報功會擬在北京中華門內範千鈞大冶之銅爲清隆裕太后及南北殉身國難諸大先烈之肖像以次範鑄昭茲來許崇彼豐功兄弟邦人諒表同意惟茲事體大斷非一朝朝一手足所克將事爰爲披露所望海內外志士仁人共襄斯舉無任屏營禱切之至至此項集款主旨誓不用纖忽強迫所有一切詳章及進行手續辦事地點儲款機關應先由發起人共同籌備訂定後再當布告先此奉啟

發起人列後

李鳳山	章廉甫	陳宗普	張博航	劉秀卿	任知方
商震	李子栽	烏世超	張鱸銘	曹百善	陳六洲
程克	段宇清	王法勤	方知白	孫壯	夏志權
貢桑諾爾布	王浩然	王廷楨	沈君遲	明警吾	侯松泉
錢錫霖	史寶安	賈厚鏞	紀子綱	檀秉文	劉陟堂
劉鈞	熊承樸	李達三	鄭繼先	郭芝田	徐棣初
關當世	黎天才	馬瑞祿	曹百遂	陸鳳初	張星譽
王天縱	陸建章	陳周膺	廣鐵生	劉炳榮	段培源
江朝宗	沈鈞	楊欽三	龔子彬	范振華	馬愉忱
張秋白	張鶴第	馮天樹	存履信	吳審知	宋策成
彭佛公	李飛鵬	李熺三	李樹毅	慕元甫	李仲悌
烏澤聲	丁季蘅	徐占鳳	張建秋	史鳳儒	楊孟剛
文希	史仲甫	劉奇錚	劉蘭亭	李賡新	李延康

王仲猷	唐問陶	廖星魂	宋丕顯	穆子光	許幼初
吳慶澤	李裕儒	楊飛俠	王少塵	孟慶福	郝占一
戚蘭堂	博愚	胡斌峰	李公彥	孫溫儒	馬少恒
王子爽	蔣惟一	安靜宣	汪德林	邵陽	馬少泉
張子文	玉左舟	楊全甫	萬秉鑑	何濬川	張樹椿

張會員健秋謂已由公所函知名機關矣

又報告哀悼會來函一件并推事職員名表及一功議決條件惟開會地點現已變更因

太和殿爲民國禮堂是以改在太和門

二年三月十二號

李議長紹林謂日前我軍警兩界同人發起哀悼清隆裕太后大會已經全體公決茲既由各界共同組織其事甚盛不過此中尙少一層手續即我軍警兩界對於此舉未能重加討論殊失全體起立之效力以後凡屬公同表決之議案應請諸君維持以免放棄

申會員靜軒謂做軍人數已經派定五百人其標誌昨已由江先生交下

全日

又宣示李代表鳳山提議

國民哀悼會已擬定十八九兩日舉行我軍警兩界既加入該會一同辦理應請各機關將前往致祭人員名數開送該會事務所以便領取標識屆期前往致祭（衆以爲然）

二年五月二十八號

李議長紹林宣示錢代表澤農議案一件略謂日前徐師長寶山在揚州本營被人暗害其軍已由大總統令寶山之弟管轄揚州商界又恐徐之部下有變已籌款給雙餉軍心自可無虞惟寶山前年光復南京實屬有功民國近因擁護中央猝遭此慘同袍之人靡不痛恨我軍警同人擬一面電慰徐君之弟一面電請程都督嚴緝兇犯以正國法諸君是否贊成 同場一致贊成

李議長紹林謂即請李白民君撰擬電文照議辦理

錢代表澤農報告開會追悼徐寶山軍長改期緣由略謂此會先是由

二年六月十一號

洪會員自成發起原定於本月八號在公所舉行旋奉軍事處函開此會已由陸軍部通電各省請派代表蒞會一時不能到京現已改於本月二十號上午十時會場則假先農壇慶成宮所有各項職員亦經公同舉定各機關如送挽聯請於十八號以前送至公所附設追悼會通訊處以便先期懸挂

二年六月十八號

臨時主席錢澤農宣示陸軍部來函一件并電稿一紙(原件附錄)

逕啟者本月二十日軍警兩界開會追悼徐前軍長寶山業經辦電由部拍寄各省在案現在籌備一切事務在在需人自應由部派員襄助茲派龔副官維疆前赴貴公所希予接洽爲荷順頌公安(電稿附錄)

武昌黎副總統各省都督並轉各師長旅長統領幫統承德熊都統兗州張都統穎州倪督辦開封雷護軍使吉林孟護軍使鑒揚州徐前軍長寶山慘遭意外悼憤同深軍警同人擬於本月二十日在北京先農壇特開追悼大會特以奉聞請酌派代表屆期蒞會爲盼事務所暫設北京錫拉胡同軍警聯合公所段芝貴姜桂題馮國璋江朝宗王治馨同叩陽

又報告追悼會會場現已布置就緒各省所派致祭代表均已電到京茲將各代表銜

名開列於左

計開

武昌黎副總統

派劉一清

兗州張軍統

派李恩慶

成都胡都督

派胡忠亮

蘇州程都督

派張一爵

安徽柏都督

派馬至駿

龔才朗

福州孫都督

派杜持

杭州朱都督

派曾宗魯

穎州倪督辦

派倪道燭

雲南蔡都督

派雷颯

打箭爐尹督辦

派王佑虞

太原閻都督

派黃國樑

黑龍江宋都督 派許蘭洲

河南張都督 派岳屹

濟南周都督 派張樹元

南甯陸都督 派林炳華

陝西張都督 派王恒晉 劉紀堂

甘肅張都督 派秦望瀾

吉林陳都督 派李恩榮

熱河熊都督 派馬鎮藩

湖南譚都督 派王隆中

直隸馮都督 派熊炳琦

又提議二十號追悼會會場應請各區署各派巡警十名到場彈壓以維秩序是否荷鎗
尙祈各署長斟酌但愚見以不荷鎗爲是（衆以爲然）

又宣示陸軍部來函一件并公所覆函（原件附錄）

逕啓者據憲兵營開送貴公所記事錄有關會追悼徐寶山中將經 大總統改於本

月二十日等語查此事係 段總司令姜馮兩軍統江步軍統領王巡警總監列名通電各省電由本部代發與 大總統無涉所記未免失寔倘外省傳聞引爲前例則後此軍官喪亡勢必有要求 大總統爲開追悼會者許之則體例不妥不許則失待人之平不比私人交誼可以己意爲之也死者之哀榮生者之觀感一字出入關係較重故不敢憚煩而爲是瑣瑣乞諒察更正以免悞會此致
逕啓者昨接

貴部函開詢問敝公所本月十一號記事錄登載失實等情祇誦之餘莫名欽服惟查是日記事錄尙在編輯期中所有各員速記均須比附叅觀刪訛存寔方能付印其有關緊要事件更應詳加斟酌或載或不載以昭慎重斷無據各會員口頭言論直書之理茲已遵照來函將速記草底內會員言論中之大總統三字更正矣相應函覆 貴部卽希查照可也

又提議追悼會不日舉行所需款項亟須籌備愚見以爲此會旣屬軍警全體自應先由各機關共同担認如有不敷之處再行設法(衆以爲然)

第十九類追悼會案

第二十類尊重國旗案

二年十二月十七號

黃處長陝仙提議

尊重國旗事略謂國之有旗所以代表國家體制異常尊貴以故環球諸先進國之一般人民無不尊重本國國旗若對於其國旗有污辱及毀損者均于法律定有明條犯者必按法而懲創之我國法律雖亦有其文而按律寔行者蓋寡請以兄弟之所見論之兄弟前日偶遊街市常見有洋車之坐墊婦人之鞋幫以及娼妓之標牌無不綴有國旗於其上前清之龍旂亦未見有敢於如此者何對於吾國五族共和之國旂竟敢於如斯污辱乎請警界諸君對於此事務持寔行干涉主義以爲濫用國旂者戒不特自尊國體亦免貽笑外人鄙見如是未審諸君以爲如何

王少荃先生謂黃君之論甚是但凡兄弟對於此事尙有答復從非前敝廳對於濫用國旗之事已經發有佈告所以未卽實行干涉者以所見點綴國旂之物不過瓷器及車靠尙未如黃君所論之甚也現既發現有此種種污辱國旂情形自應再發佈告先去其太甚者然後逐漸禁止之庶免煩擾之弊

李議長紹林亦謂社會一般人民程度至不齊一其下等社會未受教育者每以凡物著有國旗卽是愛國之表識殊不知用之不當非愛國實辱國也俠仙先生之提議少荃先生之辦法均極爲允當應請卽日實行之

黃處長俠仙復申前議謂兄弟今日所以提出此案者因近來外國人常以吾國不尊重國旗資爲笑柄兄弟聞之異常羞愧若長此相沿不加禁止則外人之騰笑將更勝於前而國體亦不堪問矣故特爲提出以冀一洗吾國之污點

王少荃先生復申前議謂此事兄弟亦極端贊同所謂逐漸進行者以一般人民知識甚淺若驟然禁止勢必興怨且已成之物又未便令其過受損失惟先去太甚較爲相宜
(衆以爲然)

第二十一類嚴防盜賊查辦土匪案

元年八月十四號

第一鎮軍官提議

安定門及德勝門之交常有路劫情事應請外營諸君設法嚴防以靖地面

元年九月十八號

李議長紹林宣示李代表鳳山提議

昨閱報章內登載重要事項二則均屬地方官廳應辦之件

一則關乎地方治安一則關乎乖背人道無論事之確否應請步軍統領衙門及外城總廳派員調查以除暴徒而安良民茲將原報抄錄於左匪徒橫行 安定門外大屯有個宵四人都稱他北霸天子同夥周和尚倚仗某守備並伊兄捕役宵忠勢力無惡不作近有聚集匪徒二十餘人在該村附近一帶大搶鄉糧居民異常畏懼日夜不安等情

元年十月二號

李議長紹林宣示李代表鳳山提議

前提報紙登載大屯地方土匪肖四等搶掠橫行一節現閱報章該土匪經北營將官拏獲等語按北營辦理此事同人實深欽佩嗣後凡經決議應行者果皆如此辦理則公所同人之名譽未可限量也

胡會員鑑堂謂大屯土匪肖四等前經本營拏獲方出示招告冀得有實據以便懲辦不意第一鎮朱統領旋來函担保要求釋放現因懸示多日無人首告已允其保釋矣

楊會員欽三謂地方土匪應由官廳嚴拏如果情有可原必地方紳士出保方可釋放以軍隊長官保釋匪人似非正辦

黃會員憲廷謂軍警兩界皆無保人之資格如地方土匪實在情有可原應以地方紳士出保爲是

元年十月十六號

李議長紹林宣示李代表鳳山提議

現屆冬防各處竊盜層見疊出有地方之責者應如何設法查緝各軍隊應如何補助請諸君研究辦法以維治安

元年十月二十三號

李代表鳳山提議

各軍隊夜間均派有馬隊在外巡查以防土匪其法甚善但冬防在邇各軍所派之巡查馬隊于僻靜處所尤宜格外注意

又提議京城地面遼闊居民複雜各處小店恐不免有容留匪類之弊應請各區認真調查

黃會員憲廷謂各區旅店向分甲乙丙三種其甲乙兩種旅店住客均有簿册可稽惟小店店主不識字者居多故調查頗有爲難情形然時時派人稽查容匪之弊亦自可免又提議軍隊容留閑人流弊甚多他處潛逃之兵恐不免混雜其中擬請各軍隊長官轉飭營隊無論何項閑人總以不准逗留營中爲是

衆謂應從嚴稽查

元年十一月二十號

錢代表澤農質問查竊盜惟巡邏最有實用近來每夜出查何以不見巡邏踪跡此事應請各區認真爲是

湯會員仲言各區巡邏均有一定路線一定時間稽查勤惰者若不循其路線時間則彼

已往而此方來實難與之相遇

江會員兩丞謂時屆冬防巡邏之事本宜認真地面官長總須從一勤字著手方能有效
衆謂現在各區已經加派特別巡邏隊矣此後竊案當可減少

二年二月十九號

李議長紹林宣示李代表鳳山提議

現繁盛街巷絡竊甚多遺失物件之案層見疊出若不嚴行查拏則行道之人動遭損
失大爲文明之累請地方官署從嚴查緝以除地方之害

楊會員欽三謂現在小絡日多實因新刑律太輕非用特別法律斷不足以制其弊

李議長紹林謂天津現對於小絡辦法最好當拿獲時卽拍一照片四處張掛以便衆人
注意本京可否照此辦理

李會員子裁謂此法極好將來定當照辦

楊會員欽三謂小絡之多其原因實由無業而出應請警廳設法安置以清盜源
李會員子裁謂安置無業實爲弭盜之無上妙法俟回廳後應與總監籌議此事

二年十二月十七號

李議長紹林提議

現屆冬令四郊之貧民流爲盜賊者頗多以故各村人民之受損失者亦衆應請地面衙門嚴爲防範萬勿令城內受此影響斯爲至幸（衆謂應極力維持）

第二十一類嚴防盜賊查辦土匪案

第二十二類練習軍號案

元年八月二十一號

李議長紹林提議

軍隊設置號令專爲遇警一鳴容易集合不致有誤事機及行軍走隊振刷士卒精神有此關係鳴號時必須格外審慎爲宜以號令而言又宜常常練習否則日久生疎不得不變通辦理但刻下市面人心異常恐怖各軍隊使號令白晝演習亦未爲不可現在夜間亦有演習者殊與維持地方相謬仍請各軍隊長官除應用號令外夜間一律禁止演習號令以重號令而維治安

二年四月二十三號

李議長紹林宣示李代表鳳山提議

各軍早晚演習號音有害公安前已提議禁止乃近來之演號者於黎明之際又復號音大作以致附近人家嘖有煩言擬請各機關於演號一事或規出一準時間或劃出一定地點以免擾及公安（衆謂此事可從緩商辦）

第二十二類練習軍號案

第二十三類軍警口號案

元年八月二十一號

李議長紹林提議

軍警口號原係統一乃近聞駐紮外右三區之補充營口號未能一致應由公所函問執法營務處並請於會議之期派員到會以便遇事接洽(衆均贊成)

二年一月十五號

臨時議長錢澤農宣示李會員白民提議

軍警口號向由警廳擬出函送公所再由公所轉送各機關層折太多往往十二鐘後領口號者已紛紛走取而送口號者尙遲未到殊爲不便擬自本月二十號起軍警口號卽由公所值班員擬發兩界各機關於每日早十鐘前同赴公所領取較爲便利是否可行請諸君研究

李會員子栽謂今日內廳代表董祥周君未能到會俟下期會議與內廳商妥再行酌辦
二年一月二十九號

李議長紹林宣示李代表鳳山提議

軍警口號向由兩廳互擬發送公所其駐京各軍隊皆向公所領取惟近來往往取口號者已到而送口號者未來駐紮較遠之軍隊不免有碍勤務擬將此項口號每日劃歸公所辦理以省周折而免延誤是否可行請諸君決之

李會員子裁謂此事已與董會員祥周商妥以後准於十二鐘送到公所萬不致悞
李代表鳳山謂此項口號爲軍警各機關所通用似應由公所編發以昭畫一
李會員子裁謂俟回廳與總監說明再定

二年十一月二十六號

李議長紹林提議

警備司令處刻將取消軍警每日口號是否仍由公所擬發請諸君表決之衆謂若果警備處取消軍警口號自應由公所擬發以歸一律

黃處長俠仙謂此事須知會警察廳俟其函復後再行辦理

第二十四類關於電話各案

元年五月八號

恩會員潤泉報告本月三號有人自稱錢澤農來電云頃赴趙總長宅總長面交有舊鼓樓大街住戶劉姓設壇燃香事惟不知伊門牌號數令本會員查明如果有其事可即行禁阻申飭後須電覆等語本會員聆電中之語非澤農平時談話之音甚為可疑隨復由專電印証經澤農電云并無其事實屬冒名發電查此事雖無甚關係日後若不設法預防恐將來難免貽誤事機茲特以通電辦法三條請諸君裁決

凡軍警各處所之電話均各指派定人專司其事人數不拘所派何人務將姓字名號詳報本公所轉知各處以便接洽而杜假冒

用暗號係由公所擬定字碼如口號之類每星期一更易每於發電時先宣明或電後表白如不曉暗號即係假冒

用間接法如有事先電知本公所由公所轉電各該處以憑辦理做區界內護國寺廟每逢七八日開會之期遊人甚夥向派有巡警指揮彈壓定有出入路線以免擁擠爭吵之患近來開廟之期往往有各處軍人來廟閒遊出入不遵路線一經巡警勸導服

從者固多強橫者亦復不少此最易起衝突應請軍界諸君告知部下嗣後至廟間遊須遵由路線以爲人民遵守警章之倡

黃會員憲廷謂用暗號傳電甚好

錢會員澤農謂若用此法應卽用普通口號作暗號但上半日須用前一日號下半日再用本日口號

鄧會員逸安謂卽以口號爲電話暗號亦須審慎方不致誤

劉會員紫波謂用口號作傳電暗號似非慎重口號之道應請各處於接電後隨卽調查其寔在與否萬勿單以暗號爲憑

元年七月三十一號

李鳳山提議

所設電話專爲消息靈通現電線屢有損壞甚至三五日不能相通而專電之處總機設在國務院常呼應不靈可否由陸軍部與內務部會商多設路線或向國務院派員嚴重交涉以期消息靈通而免悞要公

又云此事應請錢澤農先與國務院商議

又提議電話原爲消息靈通不悞要政而設惟近來冒充重要之處電知各處而圖他作請諸君討論之以杜冒濫而免彼此猜疑

錢澤農謂凡有要事請本人傳接電話自免此弊

二年二月十九號

陳會員介卿提議

關於公用電話預防危險事件

宜定電話號碼 舊歷年始謠言頗多散布謠言或捏造警報除口頭印刷物外多由電信電話傳播電報尙易防查惟電話隨處皆有倘匪人籍茲造謠或假託重要機關名議捏發命令或假託軍警機關稽查妄傳警報不但有害治安且恐牽動大局甚或由電話發緊急命令傳機密事件而司機人誤掛電碼致入匪耳危險何堪設想欲弭此患非定電話暗號不可欲電話暗號之普及非由總機關發布不可或仿照口號之例每日由公所擬定令各機關來取或由總統府國務院擬定分發各界機關執行遇有公事或警報機要各事件先將暗號彼此各說一字相符然後談話以防不測

李議長紹林謂此事在公所成立之日即議有此項辦法嗣以地方平靖故未注意茲經

該營提議應從新整頓以昭慎重

吳會員玉璞謂有緊急電話時卽用每日口號上一字發電庶足杜捏傳之弊(衆贊成)

二年四月九號

李議長紹林宣示李代表鳳山提議

各處安設電話原爲消息靈通乃近來各處電話機常有正說緊要公事而電線忽然斷絕者其中難免貽誤擬另籌傳遞方法以備不虞請諸君研究之

李議長紹林謂公事緊急之際忽然電話不通此事甚爲危險應用人力或馬力特組一傳達要件機關以備不虞之用卽請

李子裁先生設法籌辦(衆贊成)

二年四月三十號

錢代表澤農報告電話局代表陳君彰珩王君信臣到會陳述一切

王君信臣略稱敝局司機生接信爲難情形已於通告書中一一縷陳諸君閱之自知其詳茲不贅述前日禁衛軍火警各機關問電同時有數十起之多以致應接不暇并非司機生故意延誤應請諸君原諒茲特送上通告并參觀券數十份諸君到敝局一

觀自知鄙言不謬 陳君彰珩語亦同前

申會員靜軒謂兄弟今日步軍統領衙門代表聆貴代表之言自是確定情形但電話之設原期消息靈通當此時局尤以迅速爲貴應請諸君討論一完善辦法以免貽誤旋經公同研究以種種困難迄未議決衆謂俟往電話局參觀後再行討論

徐會員元輔質問日前敝路四營因移住北海時電話耳機忽然不見該管電兵逕赴左四區追討敝路管帶室不知情迨察知此情已將該兵即日責革乃閱左四區報告有敝軍故捏電機誘過巡警之說不知此事有何證據請爲說明

陳會員自珍謂此係巡官報告敝署之語焉有證據可指但前日向區追索電機之兵既由貴軍責罰兄弟不勝佩服至巡官報告語無斟酌兄弟回署自當責問申飭

二年五月七號

李議長紹林宣示李代表鳳山提議

電話之設原爲消息靈通乃一遇緊急反不適用談之殊爲惱人當此時局陷危愚以爲非另組特別通信機關不足以應事機至此種機關應如何組織應請諸君速爲研究以期早日實行

李議長紹林謂此事前經公所提議表決現在尤應於從速設立以免將來貽誤

衆謂應先將章程規定妥善再行討論公推李代表鳳山起草

二年九月二十四號

錢副議長澤農報告昨夜有電話局總辦電詢兄弟雲南萬佛寺灣地方貴處設有何種機關當答以此地並未設有機關渠又云該處既無機關何以有人電告敝局囑將團城電話羅移該處應用請代爲查詢接電之後不勝詫異嗣以此項電話不問何人所發總之趙司令既回本宅團城電話當然可以撤去至打電話之人似不必過事吹求已覆函南局請將團城電話撤去矣

第二十五類取締戲園案

元年五月十五號

錢會員澤農宣示李會員鳳山提議

日前東安市場戲園因扮演淫戲致生鬪歐應請警廳傳諭各戲園嗣後一律禁止演唱淫戲以免生事

張會員薌閣陳會員建候謂各種淫戲早經兩廳開單禁止有案無如各戲園日久玩生往往將所禁之戲改換名目仍舊演唱實非再申禁令不足以祛其陽奉陰違之弊

劉會員礪臣謂演唱淫戲因足以生事而傷風化然戲園無此悅目快心之劇不足廣招作客若一味禁止似於此項營業有碍應詳籌善法以處之事已由公所函請內總廳設法禁止矣

錢代表澤農謂此今日諸君亦應決議

黃會員運興謂公所既與總廳有函應俟總廳籌有辦法再行遵照禁止

元年五月二十五號

李領袖紹林宣示李會員鳳山提議

各戲園每日所演之戲不可粘貼謊報以免軍人衝突戲單亦可由戲園附送以免煩擾

陳會員建侯謂戲園不准粘貼謊報外廳早有此令若列報之戲臨時換戲換角均有處罰之條

龔代表仙舟謂此事各區不能直接與戲園辦理俟下次會議總廳行政處有人列會方可議決

第二十六類禁售各書案

元年五月十五號

錢代表澤農宣示李會員鳳山提議

各種小說最易感亂人心前曾禁止出售近來發售者甚多可否仍一律禁止從前禁止者(如推背圖等)

衆謂應函請內外警廳辦理

錢代表澤農謂前聞東安市場電影主人演說極爲荒謬實易搖感人心市場管理員應設法禁阻

黃會員運興謂日前該主人演說已經本會員當場禁止並囑其嗣後不得再有前項演說違卽罰辦

元年六月五號

李領袖紹林宣示李會員鳳山提議

有害社會之小說禁止發售早經決議實行但近來發售者尙多並有將前清皇室委瑣事蹟造作小說任意毀謗者殊易挑動惡感應請設法禁止並請總長飭知各商埠

一律禁止發售

錢會員澤農謂凡關於與社會無益小說即可禁其發賣至于冒瀆前清皇室之小說尤宜嚴行禁止何則蓋因此種小說最易挑撥滿漢之惡感又于五族聯合宗旨大相背謬應一並禁止以免生釁

鄭會員潤泉謂禁售此種小說前已由廳傳知各區嚴禁矣

李會員鳳山謂現聞鐵路車站售賣此種小說最夥

李領袖紹林謂請各區區長飭警加意嚴查實行禁止

元年十一月六號

錢代表澤農報告近來天津某社有新書一種名曰滅滿興漢其中所載事蹟純爲中國革命之事惟此次革命純是改良政治並無種族關係以該書命名最易挑動種族惡感亟宜設法令其改正免致別生事端

劉會員冠亭謂此項書籍實爲挑動惡感之尤擬請由公所與該社去函勸其另改名目否則禁其出售

李議長紹林謂近來各處書攤有書數種（如清太后哭史滿清秘密史三之字經類易）

挑惡感亦在應行禁止之例

劉會員冠亭謂即請各區一律嚴禁

二年五月二十一號

李代表鳳山提議

禁止淫書發售前已表決由地方警察担任查在案近來前門迤西各場所書攤仍不免明目張胆陳列淫書實屬目無法紀仍請警察署嚴行禁止從重追究以懲奸商而維風化

黃會員憲廷謂對於禁售淫書廳署已經嚴查數次乃調閱該書名稱雖覺不正而內容實不相符此皆書賈射利之慣技似可不必注意

第二十六類禁售各書案

第二十七類注意違警律案

元年五月十五號

錢會員澤農宣示李會員鳳山提議

所送各軍之違警律務祈各飭屬下軍官不時與兵丁講演以免違犯警律致起衝突
陳會員建侯謂所送違警律各軍如不敷分佈可函知公所再爲補發

二年二月十九號

李議長紹林宣示京師警察廳公函一件

附錄原函 逕啓者查違警律第二十八條載凡犯左列各款者處五元以下一角以上之罰金第五款載並牽車馬妨礙行人者第十款載疏于牽繫牛馬等類妨碍行人者各等語律文既訂有明條警察執行自不容少涉放任除通令各區遇有此項違警情事務須嚴重干涉按律執行外城恐軍隊各營夫役未諳律文或于牽放騾馬時誤致觸犯查軍警兩界本有互相維繫之性質與其待各營夫役有違警事實而按律以繩何如先事聲明即請各營官長預爲告誡用特函達貴公所希于會議時作議案請各本營轉飭夫役此牽騾馬毋得並行道路致犯警章轉多不便緝佩公誼實無既極

此致

錢代表澤農謂此事軍警兩界有互相之關係應由警廳函致各機關方爲合辦
李會員子裁謂此事除函知公所外對於地面已另有通告

二年三月二十六號

李議長紹林宣示李代表鳳山提議

前由警廳領來之違警律已分送各軍隊并請各長官善爲諭遵俾屬下稍知大意以
免動與巡警衝突乃近來兵士常有因坐車致違警章者應請各軍長官再申前令以
維感情而重紀律

李議長紹林謂日前函請參謀部規定此事嗣得復稱應由各軍自爲辦理規定後再行
報部令既重提此案或請各軍軍統到會場協商或暫由公所先行擬定應在會諸君
早爲決議(衆謂請各軍自酌放假日期俟下期會議再爲決定實行)

又提議日前提議駐京軍隊甚多兵丁休息之期非先行規定殊非慎重秩序之道現在
分期放假之事參謀陸軍兩部已經認可但分期辦法究當如何規定應請決議便以
報部實行

李議長紹林謂此案因前夜有兵丁二人坐鐵皮車過東交民巷該處守衛巡兵攔防大起衝突故有此議請各軍長官隨時將違警律與之講說以免遇事衝突

李代表鳳山謂可由公所致函警廳請再將違警律發下數百本分散各軍（衆以爲然）



第二十七類註冊商標圖案

第二十八類禁鴉片煙案

元年五月二十二號

李領袖紹林宣示李會員鳳山提議

前閱內外總廳通告內載禁售禁種鴉片一節實與人道不合戒煙雖爲現在之急務然清其源者莫如禁種若遽然禁種恐黑籍中人難以忍受總以緩禁爲宜未審諸君以爲然否若諸君認可卽用公所名義上書與內務總長另訂規則以免人言嘖嘖

錢會員澤農謂去歲南北用兵以至禁煙之令遽爾中弛外省人民種煙甚多政府以此事關係至重擬欲亟下拔苗之令所以遲遲未發者以現在民力困窮若操之太急不免滋生亂端今日請在會諸君詳爲研究商一妥協辦法

張會員敬軒陳會員建侯謂民間煙苗已種若驟令拔去必釀事端

張會員維周謂拔煙苗而允認賠償或可無虞

錢會員澤農謂賠償煙苗現在政府實辦不到然刻下不鏟鋤煙苗則前數年禁煙之功都拋棄若卽時嚴禁又易釀亂端此中實多困難

李會員鳳山謂禁煙之事內地須明定禁烟期限期限一定則外人之煙膏自不能輸入

矣且內地禁種亦須稍籍兵力方有速効

黃會員憲廷謂舊政府禁煙之令去年卽已禁種今若以弛禁之故又定明年爲禁種期限是顯與條約衝突矣似不可行

劉會員紫坡謂現在辦理此事莫如置已種者於不問惟一面重申禁令尅期禁絕較爲可行

龔代表仙舟謂是須定一期限方好

黃會員憲廷謂劉會員之言甚善但其中手續須再爲斟酌

錢會員澤農謂此事辦法惟有以本公所名義上書總長先請參議院取消派除煙苗之議以免操切生事

元年五月二十九號

張會員維周報告五月十一號本隊在安定門外安家坡查獲私賣煙犯民人安二並煙具全分已經送交提署衙門辦理並將吸煙人犯二名係陸軍第一鎮軍人亦交該鎮懲罰茲又於五月二十號在北苑第一鎮附近之辛店抄獲煙館一處賣煙人犯當經逃逸吸煙人犯有陸軍第一鎮兵二名及備補軍五名民人二名均經本隊當場拿獲

分別送交各該處辦理查現在禁煙命令正在吃緊況北苑地方又屬軍隊駐紮之所而該地煙館仍照常售賣不惟有干禁令將來恐滋出他項情事此案有關地方之責應請提署衙門著安定門汛得勝汛認真查禁以清根源

振代表靜軒謂嗣後北營抄獲煙館須會同陸軍警察隊一同辦理

元年八月二十一號

張會員薊閣報告本月十七日下午二時據本區巡警王斌報稱本日一時餘巡邏至韓家潭地方聞有吵嚷之聲當經前往探視見該巷西首圍聚多人內有一人名王阿壽喊告巡警伊家內被人搶劫並稱有穿便衣者五人進我院內搶劫物件現在逃走二人尙有三人仍在我家內各等語巡警當即進伊院內見有穿便衣者三人聲稱來辦煙案並無搶劫情事並現出煙斗等物巡警未知是否確實即將兩造一併帶區當由本區訊據王阿壽供稱在福壽班充當伙計今日我在班子裡有家內女孩子飛跑來到班子找我說家內被人搶了是我情急喊告巡警惟不知是否失去物件煙斗係我掌班遺留之物伊現已赴上海我並不吸食鴉片等語質問穿便衣者三人一名邵得福一名楊得山一名陸安泰均稱係西珠市汛巡緝來辦煙案被王阿壽等十餘人將

我等歐打幸有巡警來到不致身遭不測復經詢問有無執照據稱只楊得山有執照一張當經查驗屬實業由本區派巡長鐵麟將王阿壽等一併送由南營都司衙門自行核辦矣恐其傳聞失真特此報告以免誤會

惠會員經士報告本月十九號午後八時據區屬兵馬司前街住戶劉玉忠宋瑞亭報稱今日午前十時突有南營西珠汎巡緝官倪寶山帶便衣官人十餘名來家搜查煙土及編查各屋並無煙土該官人等旋即他往及去後查點屋內物件失去金鉗子一付金指環二只當即來區呈請查辦但劉玉忠家之金鉗子指環是否因搜煙土失去一面之辭實難憑信現已由區將案送廳核辦去矣查此等情形皆係營汎辦案不知會本區之咎應請各營汎以後辦案先知會管區以免滋生事端特此報告

李議長紹林謂各衙門辦案原應報管區前日會議已屢次提及不意刻下又有此事嗣後應請辦案各衙門總以先報警區爲便

李議長紹林宣布南營報告二件

南營爲答覆事八月二十一號開會聯合經外右四區惠經士君報告做營把總倪寶山在兵馬司前街查拏劉玉忠宋瑞亭之煙土無着後經劉宋二人赴區報失物件一

案此件已由外廳函送做營業訊明確係民人武殿魁報知把總倪寶山帶兵到該處會同崗警眼同劉玉宗查土無著隨取有未存煙土無失件甘結全案解送提署訊明宋瑞亭供認會託武殿魁賣土不諱判以罰金劉玉宗供認所失之物件自己業經找着未丟連武殿魁均經保釋案現已完結

又啓是日外右二區張薌閣君報告做營把總邵得福在韓家潭查拏暗吸洋煙一案此件係邵得福帶兵二名至該巷門牌四十一號謝吳氏家時值該婦吸食洋煙正在帶案間有伊家厨役王阿壽喊來多人將謝吳氏連煙燈煙槍奪去隨經該弁兵將王阿壽一名拏獲煙斗三個煙盒一個煙泡四個同警帶往右二區聲明承張君接待派警官同送至汎署訊問王阿壽供認劫奪不諱解送提署討限交出謝吳氏暨幫劫之人交案懲罰尙未完結查做營弁兵在於本營地面躡訪煙賭竊盜等案均係便服持有執照查拏其執照式樣早經移送內外兩廳矣每月所獲各案不下二三十起其間與此等烟賭之徒難免生怨反誣特此謹將二案達覆望祈開會宣佈藉候公安

又宣布禁衛軍步隊二標第二營崇管帶報告一件本營於陽歷八月二十六號駐紮禁城天安門前隊目兵拏獲私販煙土人犯王寬持有煙土二包重六十五兩當經本營

擬定人贖一併呈送本標核奪辦理旋據王寬聲稱此土係友人所託代賣并非亡物且係初犯情願罰洋二百四十元及煙土充公其有甘結請勿追究治罰等情當時復據本營前隊全體目兵瑞慶等環求聲稱此款如蒙其充公目兵等懇請將此款捐助貧民院以作善舉經本營遞呈請在案旋奉統批罰款作捐准其照辦贓存法科等因奉此今將罰款洋二百四十元送請代收轉交貧民院收用併請代達貧民院事務所將本營前隊全體目兵瑞慶等一百二十六員名義登報宣佈以昭信寔是荷

振會員敬軒報告近日有售賣洋煙者本衙門隊官前往捕拿屢被拱衛軍軍人祖庇逃逸此事須研究辦法

李代表鳳山宣示逕啟者本月十七日前夜九時三刻據巡官鄂宜斌電

二年七月十六號

李代表鳳山提議

洋煙之害盡人皆知現政府既竭力禁止各省亦皆例禁森嚴不謂京師首善之區吸食洋煙之人尙屬不少寔係玩視政府命令應請各區署從嚴搜查以收去毒務盡之效

湯會員仲言謂查禁洋煙雖係警察專責若無故入人宅第遍行搜索又於法律有違此等困難情形不言可知已經告發者自當從嚴辦理

鄧會員宇安謂現在北京中下流社會吸食洋煙者當屬少數如有發覺巡警自應盡力搜查

二年十二月二十四號

李議長紹林報告步軍統領衙門公函一件

逕啓者前據南營西河沿汎呈報西草廠胡同住戶瞿饒氏家於十二月十六號下午六時有身著黃色軍衣人進院以搜查煙土爲名拏去銀元等物呈報前來當派南營游緝隊幫帶都司王雲卿前往查驗旋據呈稱遵卽赴西草廠查驗瞿饒氏家並無院鄰據該氏聲稱籍隸江蘇嘉定縣人在京寄居十餘年伊夫曾任平鄉縣知事於本月十六號六時突有身著黃色軍衣操河南口音手持小槍帶同身著便衣三人溜入院內先進門房聲稱搜查煙土遂將僕人劉升所積銀元十六元時表一個搜取到手隨將僕人劉升及厨役捆縛卽進院內上房口稱瞿太太蓄有煙土隨啓箱開櫃搜出銀洋八元女表一只包金扁簪鑲金簪鐲等物並稱伊等係借盤費蓄有銀錢速告免得吃

虧各人正在搜查之間女僕潛出後門喊來巡警一人由前門進院正值伊等外出隨將巡警面日打傷伊等隨即陸續出門等情查覆前來查軍警借名滋事層見迭出亟應設法查禁特此函達貴公所通知軍警各界一律查辦實紉公誼

李議長紹林謂此案犯人已經逃逸更無別項辦法惟有仍請地面衙門嚴加查緝務使犯人早得明正其罪但地面既有此項事端發現吾輩即須研究防範之法免致再有此事

陳處長介卿謂步軍統領衙門函中報告祇稱該犯係穿黃色軍衣並無別項標識現在軍人服黃色軍衣者甚多殊無法辦理只好函知各軍隊使其隨時注意

姚副議長繼枝謂兄弟對於此案尙有意見請爲諸君言之略謂自草廠胡同瞿宅發現此案後捷動連日派探查訪迄今尙無真確消息細攷案情行劫之人入宅便稱瞿太太則此四人中必一認識瞿家者當出案之時瞿家或不肯認或臨時驚駭記憶不清鄙意擬請該管警察官以和平言語從容盤詰或能得其頭緒亦未可知以後預防此事除各機關一體各自嚴查外應請警察官注重各客棧有無冒穿軍衣人出入並飭各段區警留心本段住戶是否住有軍警兩界之人倘遇有身着軍衣面貌可疑者當

卽跟蹤查察果能如此辦理則此種案件一出自易得其端緒

李議長紹林謂此事自如此辦法但實行頗難據兄弟之意不如先將此函通知各軍隊請其隨時注意庶幾亦於辦到

年澤川先生謂此案原報告指稱爲着軍衣者所爲實於軍人名譽有碍總宜直接研究查緝辦方好若僅通函各機關防範軍人不特各機關早接此案公函恐匪人得此消息更以假軍人名義行劫爲得意事矣此中辦法尙須再爲研究

陳建侯先生謂雖稱該犯身着軍衣但實在是否軍人尙無從判別應特別設法方可杜絕此患何以言之現在地面上出有案件不但穿軍衣人不易查辦卽着便服捕案之差役隨意滋擾亦有難於查辦者（如日前昌平縣差役在本署地面辦案不通知本署致生種種騷擾是）此案雖由本署送廳辦理然當其出發生時不會同巡警竟以便衣直入人家搜捕亦頗與前案相似故述其情請諸君研究（衆謂此事仍宜從議長所論辦理爲善）

第二十八類禁鴉片煙案

第二十九類注意火警案

元年五月二十二號

李領袖紹林宣示李會員鳳山提議

緊急號令兩廳本有專章但余前晚經過王府井大街遇有火警未見警兵有如何動作殊爲可疑請警界諸君再將遇警之令重行申明以免貽誤

鄧會員逸安謂前夜王府井大街火警其地離本區分駐所甚近該處巡警一見火起旋往打門嗣因打門未開卽翻牆入內幫其撲滅火亦旋上並無延燒故未報告大約李會員經過之時正值巡警入內幫救之時故該處不見巡警

元年九月四號

李代表鳳山提議

現在秋風大起火警一事宜先時預防若遇有火警巡警消防宜先防趁火打劫之事且起火原因亦宜敏速研問以遏亂萌

董代表祥周謂內外城警廳辦理火警向係一面保護財產一面撲滅火災而火綫之守望警概不調動正以防因火倡亂也

李代表鳳山提議

火警發見之時如遇有非住該段之軍隊前往彈壓每易致亂應如何阻止

治會員鶴卿謂凡派軍隊彈壓火警宜先派官長前往指揮無官長帶往者即宜阻止

李代表鳳山謂宜妥籌一定辦法

李議長紹林謂即由公所擬一派隊彈壓火警辦法速交各處以便實行

錢代表澤農宣示禁衛軍步隊第二標索代表蔭軒報告前日失慎原因

一此次本標失慎原因係因工人補釘樓房鉛瓦悞將炭火爐遺置西南樓頂彼時西南風漸吹漸大而火則燃及樓頂鉛瓦下棚頂上葦蓆木板之間直向東延燒雖消防隊亦無法施救蓋此生火處不易灌水之故幸將臨樓保護得法賴獲安全是役消防隊及兩翼激桶隊官兵施救非常之勇躍本軍軍統以至目兵深爲欽感至被災樓內因隊伍出勤尙未燬及重要軍械官兵亦頗安靜實無他項原因是晚蒙各貴軍警界同人蒞臨彈壓救護謹代表本軍軍統面謝

一因本標樓房被災事出意外工人在逃次晨清理火底業將二人遺置之洋鐵炭火爐一個鐵剪子一把均經本軍總制軍參謀長驗過確無他因聞地面生出一種謠言云

某軍欲要此房本軍不欲讓給因憤而出此災請貴各區查禁

一前因西陵守衛隊第一師步三標一二兩營調赴口北差遣而西陵清兩宮暫安處須有兵保護況崇陵業已開工彈壓工人等均須軍隊查禁衛軍原有衛護清皇室之專責因是奉軍部命令由本軍步三標抽派兩營前往接替市面藉此又生謠言非云欲調赴熱河即開赴多倫此種謠言若不禁止於兵民心中恐多搖惑

三此項謠言關於全國之感情或云南北將要開戰南軍又要北伐什麼蒙匪又要南侵種種言語不堪入耳即須設法禁止因本標暗探派出倉卒未拿執照故未能報區捕人

又提議嗣後請各貴軍警部署於來往人及僱員等須發檢查以示防微而杜奸惡

二年五月七號

李議長紹林宣示李代表鳳山提議

現交夏令物燥風高稍有不慎即生火警當茲人心不靖之時更當格外注意應請地方廳區出示曉諭俾市民特別留心並飭消防隊分駐各通衢一遇火警即時撲滅以免人民驚擾

湯會員仲言謂此事已由廳發令飭知各區矣

二年五月十四號

錢代表澤農提議

現在天乾物燥火警堪虞設有同時數處發生之事消防隊應如何撲護應請諸君研究

董會員祥周謂向來消防隊對於火警并非全隊赴撲即不幸而同時發生火警之事自當分途撲救

第三十類整頓路燈案

元年五月二十二號

李領袖紹林宣示李會員鳳山提議

氣燈加增而電燈減少現夜間往往煤氣燈亦不甚明幾成黑暗世界其中之原因不得詳知但此項辦法似較不妥嗣後或將已撤電燈安置或照常點煤氣燈
恩會員潤泉謂請俟下次會議兩廳僉事到場時再爲決定

元年五月二十九號

李領袖紹林宣示李會員鳳山提議

各巷街路向有壁燈自從變亂後各巷壁燈皆以消除現安謐如常可否由各區域再行提倡以重自治

鄧會員逸安謂各街巷壁燈公議路燈占居多數整理甚屬不易向歸地方自治管理宜從容與其商議

黃會員憲廷謂現在議董兩會均已成立宜會同商議整頓

元年八月七號

李代表鳳山提議

各巷之路燈自正月兵變之後而燈一律消除勢如黑暗如遇陰雨行者更較困難其中之險遇甚況路燈乃公益之舉皆爲行人方便而設實於地方自治有關仍請各區竭力提倡以重自治而利行旅益於地方有莫大之利在焉

恩會員潤泉謂路燈之設已有數年近來各街巷胡同之路燈不明皆因各處住戶多不出資之故

黃會員憲廷謂各處路燈皆係各住戶合資所成若欲整頓須由區向自治會提議方能回復舊觀

李議長紹林謂即請各位區長從速提議

元年十一月十三號

李議長紹林宣示李代表鳳山提議

前次提議整頓各巷路燈至今未能實行每遇夜間到處黑暗但此事雖屬地方自治而各區亦當竭力提倡方能速收效果

李議長紹林謂此事關係交通亟應從速添設以利行人

陳會員建侯謂路燈之設原爲便利行人起見且與地方自治大有關係但各區情形不同人民貧富不等因此各區所募之經費亦有多寡之別此路燈不能一律安設之理由也爲今之計應速函商自治公所極力提倡並由各區認真勸募使富者不致膜視公益貧者不致再增負擔方爲合法衆贊成

二年二月二十六號

李議長紹林宣示李代表鳳山提議

整頓街巷路燈雖經各區一致提倡而燈光不明者仍時有所見擬請各署長再爲提倡以利交通

李議長紹林謂路燈不明有幾種原因大抵出於人民無公德心居多請署長從嚴整頓一祛從前之弊

第三十類整頓路案燈

第三十一類提倡演說案

元年五月二十九號

李領袖紹林宣示李會員鳳山提議

共和政體業經宣佈但人民程度不足語言混雜無語不有能使何法令居民開通智識但愚見列左請詳研究之

1 設立演說團

2 編輯白話演說

3 聯絡各州縣自治會講其演說之

恒會員樂峰謂白話演說下等人亦認爲報紙之一種向來各報紙久失社會信用影響所及若再用白話演說與白話報何異不若由內務通告推廣登錄以期週知

錢代表澤農謂內務通告爲公布法律之作用與白話演說性質迥乎不同若在通告內登錄白話演說則失乎通告之原則矣

恒會員樂峰云或刷印副章勸演亦好

董代表祥周謂刷印副章亦有不合之處凡通告俱係上等社會之人自然明曉無庸另

印副章

李會員鳳山云現在北五省各州縣人民智識甚不開通尤要使其明白大體不然或因本所稍閑之人赴外州縣演說亦可

錢代表澤農云與其用本所人演說不若利用五族聯合會諸人由本所之力輔助之董代表演周謂外州縣鄉民以能作活爲準則自然易於勸導

黃會員子珊謂現在外省熱心志士亦有設立演說會之舉然惟恐立言稍有偏僻不能收一致之效力擬請內務部速爲知照各省民政長提倡各地方遍設以杜弊端向收實效

錢代表澤農云卽請黃會員子珊擬具演說章程呈內務總長核奪施行
李會員子裁提議

軍界詳說團 今欲爲消弭謠言預杜禍變計首在開通軍人然我國軍人程度識字者不多惟有時時演說俾軍人咸明大義則緩急之際操縱較易擬請組織一演說團並聘一二長於演說之人名社員練習演說定期輪赴各軍演說昔楚莊日討國人而申訓而楚以強今日團結軍心之法似無捷於此者

錢會員澤農謂軍警界演說以本管長官爲宜傍人演說恐無效力

振代表靜軒謂演說員亦宜由公所會議一演說範圍方歸一致

李領袖紹林謂明日將屆下級官長平介館會議之期須將本所議決事項對衆演說之振代表靜軒謂下級官長會議人數過多演說時間過短無濟於事

春會員小山謂宜將演說各員宗旨及發生事實並公所議決事件刷印成篇分佈各軍隊宗旨亦能同歸一致

元年七月三號

李議長紹林提議

人民程度不足現國家之情況如何皆不得而知可否由兩廳遣派演說員九繁盛之地均設立以便開通民智

李會員子裁謂現在有五大族聯合會救世演說團遍佈外城各處不必另行派員演說
二年二月十九號

李代表鳳山提議

諸言發起皆由人民程度不齊可否由警察廳多設宣講人員分頭講演使地面人民

知識日增則謠言自少

(衆謂應請警察廳籌議辦理)

二年三月十一號

李議長紹林謂國羣鑄一通俗講演社來函李代表議案中既詳言各機關是否照函辦理請公決之

第三十二類國民捐案

內城十區報告請軍警兩界提倡國民捐其公啓如下敬啓頃因民國初立財政困難危
險萬分南方各界曾發起國民捐鼓舞踴躍響徹遐邇北方各界近亦有倡辦者茲特
提議擬由會議公所發起先從軍警兩界倡辦以冀普遍且於勸捐之時借以曉說大
義爲益實多謹此預佈

振代表靜軒謂軍警兩界宜會之商劃一辦法

李領袖紹林謂禁衛軍現亦擬定國民捐辦法

錢代表澤農謂卽請各區擬同一辦法以備研究請禁衛軍亦照辦

李領袖紹林宣告收養貧民章程各條請諸君參酌核定次宣告收養貧民辦法 又宣
告收捐辦法

元年六月十一號

李會員伯璣提議

現在財政奇案危險萬狀明知借債外人爲飲鴆止渴之計然救亡之策舍此莫由而
一時顧念大局者又復提倡國民捐以濟其窮但理財之道開源不若節流來源由銖

寸而積去路則毫末不減所籌之款到手卽空何以濟事擬請同人提議一按成減薪之法（一月或數月）以爲全國軍警之倡庶較國民捐收效爲大

錢代表澤農謂本公所創辦貧民院教養院亦是國民之一種蓋能養一部分貧民卽減輕政府一分之負擔名雖不同而其實則一

李會員鳳山謂外省提倡國民捐出自軍警界者居多然核計中國軍隊不下一百萬人若僅恃此以爲用恐緩不濟急而政府每月仍須接濟軍隊一千萬兩之數與現在事實毫無補益

李會員伯珉謂創辦貧民院不過給養少數窮人此少數窮人我等卽不設法給養尙可生活值此借款未成之時若不再倡國民捐以救其危則大局一壞變亂不堪設想況各省軍險捐餉助國者紛紛電報中央我中央軍警數萬人對於國民捐竟寂然無聲相形之下殊覺減色

曹會員鳳池報告現在外國借款未成各界提倡國民捐異常踴躍我輩軍人亦屬國民之一分子豈遂無此熟誠已於前日將三個月薪水認爲國民捐以爲駐京軍隊之倡乃部下之愛國志士亦各出薪餉三分之一認爲此捐以三個月爲限刻正辦理此事

俟款項收齊卽送繳國民捐收捐處矣

元年十二月十一號

惠會員經士報告青年會假征蒙問題發起國民軍捐以勸捐爲名派有多人身披白帶背貼白招出入娼寮酒肆雖無勒捐情形而人民對之實堪驚駭且該會章程有不受政府干涉及所收捐款自行購辦鎗炮政府不得過問等條實屬違反法律擾害公安特此報告請公同討論

元年十二月二十五號

振會員敬軒謂此事已奉 大總統命令解散明日當可揭曉

潘會員燕生提議

一擬謹將解散之國民軍私行撞騙之款提出作貧民教養之用

(理由)國民軍奉 大總統令解散行爲既認爲不法所有該團私行勒捐迹近撞騙之款提歸官廳按照底冊遍登各報全數作貧民教養之用其有仍願捐助軍餉者限期聲明再行分別辦理

衆謂此事應由公所函致兩廳及步軍統領衙門先將其捐款底冊追出再行按數提

充方有把握

二年三月五號

李議長紹林報告溥鍾南來函一件

附錄原函 敬啟者上年奉 大總統勒令取消籌備處並勒令退還捐款一節昨聞晏起等竟敢隨意栽誣謂係鍾南竊去以爲搪塞之計聞之不勝駭異此事于上年十二月被晏起等種種違法行爲以至妨害我自由誣損我名譽強取我財物陷落我神聖現已毫無証據不能冤陷到底鐘南亦必爲社會除此蠹賊有不重辦惡等誓不爲人之意貴會想必洞燭其奸不爲妖言所惑請速向追取以破詭計專此振會員敬軒謂此事請由公所函知提署查明辦理

第二十二類剪髮案

元年五月二十九號

查會員富華報告現在內城十區各警剪髮者已有十分之八九本日在三座橋地方有

一禁衛軍人因見該處守望巡警剪髮對於該警出言無狀應請貴軍嚴行約束各兵
丁誠恐日日後兵警因小節致生惡感

李領袖紹林云此事容轉告該管長官嚴行約束

元年八月二十八號

李代表鳳山提議

各機關之髮辮已去者雖有尙存者亦復不少推其原不過在互相觀望而阻矣仍請
各機關之長官竭力勸導(萬不可用強迫手段)日久效果必生矣

董代表祥周謂內外廳區巡警均於陽歷五月以前已一律剪髮

王會員治懷謂我軍自上月到京皆戴有剪辮嗣見在京軍隊皆已剪髮遂竭力提倡兩
日之內已全體剪去矣

元年十月二號

李議長紹林報告軍界游緝隊一份子投函略謂軍界游緝隊一份子爲條陳管見事竊查軍警兩界剪髮者居多而未剪者亦或有之乃近值暑去寒來之際竟有蓄留辮頂藉資禦寒者此在知識較淺之軍警觀之不免大生疑懼於是有購置假辮以備戴用者百姓聞之未免警擾此種情形不但與剪髮前途大有障礙亦與大局莫大關係現在民國甫成萬事待理豈容再有惑亂人心之事謹擬辦法四條呈請於會議諸君之前以作議案條陳如左

一先出示通告近來留頂者實爲冬日禦寒計並非覆留髮辮以釋羣疑
一軍警有未剪髮者本有自由權若一見此種情形自然瞻顧不前宣婉言開導勸其速爲剪去

一若有已剪而復留者與大局有碍宜用強迫手段勒令薙去
一有欲留頂禦寒者宜留前去後或滿留均可萬不可留作辮頂形

鄧會員宇安謂內廳各區巡官長警已於五月內一體剪髮

黃會員憲廷謂外城總廳上月下旬由廳飭區自巡官長警以致催用夫役均限五日內一體剪髮現已一律照辦矣

李議長紹林謂謂隊中既有此項條陳應於內務通告內詳爲解釋以釋人民之惑

第二十四類下級官長聯合會案

元年六月五號

李領袖紹林宣示李會員鳳山提議

軍警聯合頗收功效務請軍警兩界竭力聯絡維持現狀萬不生出意見貽笑他人
錢會員澤農謂現在地面平靖人心大定實爲我軍警兩界聯合之效果願我輩同人結
一極堅固之團體實力進行爲社會保安甯爲人民增幸福以達我軍警兩界完全之
目的當經衆會員起立贊成

李領袖紹林謂軍警之下級官長亦須每月聯合一次或二次以資融洽

崇會員蔭軒謂卽請李領袖規定聯合日期是日某隊某區派隊官排長區官巡官各幾
人會集適當處所演說實行聯合宗旨每次由各部分更番到會以期接洽

李領袖紹林謂下星期四(卽六月十三日)假平介會館爲會場卽可實行經衆推舉李
鳳山君擬定簡章以維會場秩序

李會員鳳山謂此事須於開會前數日由公所函知各部分以便分派赴會此條經衆會
員表決

元年六月十二號

李領袖紹林宣示李會員鳳山提議

星期四下級官員假平介館開議請各機關代表屆期臨場演說
此條經衆表決照議辦理

全日

李領袖紹林謂下星期三日會議正屆端陽節擬改爲星期四日至下級官長平介館會議擬每月舉行兩次其日期由星期三會議決定衆贊成

元年六月二十六號

段司令提議

現在軍隊與巡警廳各人員多不認識每遇發生事端若依階設以次通知辦事不免遲滯陸會員朗齋原成立補充隊五營現調駐西城一帶擬每月開茶話會一次實行聯合以免遇事遲滯之弊 衆表決應即實行

又提議各軍隊頭目亦宜擇一寬廠處所令其身穿制服每月集合一決如各會員贊成

請

趙總長馮軍統定期並研究妥協辦法

李領袖紹林謂現在軍警兩界下級官長已在平介館集合以資接洽
段司令謂各兵丁休息之期宜於城外附近樹林寬廠之處集合

李會員鳳山謂巡警亦應加入其內

湯會員仲言謂巡警職務晝夜輪班休息時間甚少會議之期實不能往
龔代表仙舟謂既在外集合分期前往亦不碍事

元年七月三號

錢會員澤農謂上期平介館下級軍官會議內有內右三區巡官聯魁禁衛軍砲隊一隊

官王國棟二人當場提議事件可否由公所出函獎譽以資鼓勵

李議長紹林提議

各軍隊應設獎牌以備鼓舞各兵目之用可否由公所函知軍事處規定

李議長紹林提議

下級官假平介館之聯合是否可行請表決之以便接續進行

元年八月七號

李代表鳳山提議

假平介館下級將校實行聯合已舉行多次但演說之情形總以實行聯合爲前提並將聯合情形轉告各屬以示部下均屬明曉方爲有效嗣後仍請各部處之長官每屆下級將校聯合後即當傳詢當時聯合情形並關於當時演說之情形使其一一備述並飭將本日所說之情形令其對本部下宣示久則效果必生而軍警之衝突即行解除矣

龔代表仙舟謂項會議演說似可詳悉記錄即交與議各員

李議長紹林謂下級會議所演說之事均由中級會議記事錄中酌提要件爲之陳說似不必再爲記事

李代表鳳山謂演說亦間有出於記事錄之外者然皆就現時切要之事爲之演說可勿庸記錄

元年十月十六號

李議長紹林報告李代表鳳山提議

平介館下級官會議久未舉行現在歡迎紀念各事均已完竣自應仍前舉行以資聯

絡茲擬明日午後二鐘仍在平介館舉行請各部轉知所屬分班前往爲要

元年十一月十三號

李議長紹林宣示李代表鳳山提議

下級將校聯合會擬仍舉行週年紀念未審諸君以爲然否衆如贊成請公決地點及日期以便籌辦一切

李議長紹林謂李鳳山君提議

擬開下級將校共和週年紀念大會應請議決以便規定開會日期并會場地點

董代表祥周謂日期一層向屬易於決定至於地點則較爲困難到會人數不能預算卽以一隊一人而論亦當在一千餘人試問有何地點能有許大之容積若開會經費更難措辦似應仍請李鳳山君妥爲籌畫

元年十二月四號

李議長紹林宣示李代表鳳山提議

前次提議舉行下級將校週年紀念大會已經總理允許一切費用亦經總理担任應請公同研究辦法

李代表鳳山又將所擬籌備各事當衆報告

- (1) 地點擬定餘園
- (2) 人數擬軍隊每營到五人警區每區到八人
- (3) 擬用中式酒席以節用費
- (4) 擬搭綵牌樓懸萬國旗
- (5) 拍照以紀念

黃會員憲廷謂巡官長警每區八人於職務實有不便可否減少四人

李代表鳳山謂既有碍職務即請每區派出四人

徐會員怡庭謂此會人數太多似宜用茶點不宜設酒席

董代表祥周謂刻正嚴寒舉辦此事多有不便可否展至明春再爲舉行

李議長紹林謂明春與今冬天氣俱相差不多擬即按陰歷十一月二十五日舉行諸君
是否贊成(衆謂贊成)

二年三月十二號

李議長紹林宣示李代表鳳山提議

一平介館星期四會議原爲聯絡軍警感情而設將來遇有衝突及應行合辦之事自但通融辦理以省書牘之煩瑣但近來到會之人往不如當初之踴躍應請各長官傳知部下屆期仍照前到會以副設會之初心

一下級聯合時之演說頗關重要若爲之上者不常加考察則日久懈生遂成敷衍應請各機關之首領于下級官長會議後卽飭其將在會演說隨時報告以察其是否留心（以上二案衆允照辦）

第三十四類下級官長聯合會案

第二十五類調遣軍隊案

元年六月五號

李領袖紹林宣示李會員鳳山提議

凡關於調遣各處之軍隊時必須另派臨時總指揮官以便軍隊到時有所遵循間資接洽

錢會員澤農謂遇有調遣臨時司令官可由本所公推舉惟必須將公舉辦法刷印分送各軍隊

劉會員紫坡謂由公所推舉臨時司令官無論何方面軍隊均聽指揮

李會員鳳山謂可預先作一臨時公令擬俟下星期三日再行表決

元年六月十二號

李領袖紹林宣示李會員鳳山提議

前議臨時調遣各軍隊集合於一處者必須另派臨時總指揮官以便各軍隊到時有所遵循已當衆贊成惟公推甚難必須作一臨公令以便臨時遵守等語此公已由錢代表澤農擬訂未審此稿擬就否但此項公令關係綦重請早訂通告各軍隊以便週

事照辦而免貽誤

錢代表澤農謂臨時公令各國均有成法現正請人繙譯擬參照各國辦法撰一臨時聯隊公令大約下星期會議時可交出酌議矣

元年七月三號

李代表鳳山提議

定府大街所有之軍隊原爲保護親王而設現慶王業已遷出而細軟物件亦隨之挪移況王府原有之衛隊及步兵所派者足以保護近聞有增加補充營未免軍隊人數過多甚不相宜可否將補充營移駐四郊而鎮攝匪類（經衆表決）

第三十六類將校研究所及學生隊成立巡行案

元年六月五號

李領袖紹林宣示李會員鳳山提議

將校研究所及學生隊業已成立其宗旨與地方警察性質無異可否請貴時常行軍於街市俾衆知覺以消匪人之野心

李會員鳳山謂現在將校研究及學生隊均已編練成隊以保獲地方之治安輔助警察之不足爲宗旨此兩隊兵士皆受有完全之教育甚爲可靠擬令每星期在街市遊行一二次俾人民週知

崇會員蔭軒謂可將以上情形宣登報紙

吉會員嵐廷謂此事登入內務通告之內亦可

李會員鳳山謂俟下星期三商同將校團學生隊再行表決

第三十六類將校研究所及學生隊成立進行案

第二十七類維持軍人名譽案

元年四月十號

錢代表澤農報告

一請各營長官將此次京津保之變亂大損我軍人名譽軍人爲民人之保障必使民人愛重我軍人爲要今之在京各軍應俯愛民人收回所失名譽使民人知現在之軍人確可保衛爲要此法卽在平時外出之軍人與民人之交際上注意以上議案皆關軍界應呈請決定

總長批可傳

元年五月一號

錢代表澤農提議

前星期六有報載軍士尊貴之條云武衛右軍係新募健兒軍紀整肅現擬改拱衛之名留京保衛人民有幸云云此報於軍界竭力贊許亦具維持之心爲報界之公德但各軍駐京已久自正月十二三後至今始見有稱贊之詞願我軍界更自維持以挽回名譽

元年五月二十二號

陳會員雪軒報告東安市場內有偵探文安一名質問學生隊因何投磚經本隊調查確實該隊並無其事乃係禁衛軍總統衛隊所爲當經電知公所轉告該軍嚴加約束以保本隊名譽

二年一月十五號

臨時議長錢澤農君報告上海民權報駐京訪員匿名信函一件略謂補充營近有兵丁常在各下處滋事情形請轉函禁止此事當由該營代表將原函抄去俟查明答復劉代表少谷謂此事無論虛實究與軍人名譽有關以後各區遇有此事巡警雖不能干涉總以報告公所或逕電該管爲是

二年五月七號

李議長紹林宣示李代表鳳山提議

軍隊駐紮處所縫婦漂女常在附近以供兵士之縫洗但兵士對於此種婦女常有戲謔之態度實屬有害風化應請各機關驅之使遠以保名譽而維風化

衆謂此事應設法辦理

二年五月二十一號

陳會員公寬報告日前執法營務處在果子巷堂子胡同吳宅辦案登時拿去三人嗣因證據不完旋即放出懼吳姓訴其侵害之罪又令稽查官暗爲慰勸殊失軍警尊嚴以愚之見與其妄拿而爲人賠不是何如先時謹慎免人指摘嗣後請各處辦案總以格外慎重爲要

二年五月二十八號

李議長紹林宣示陸軍部總務廳致京畿憲兵營公函一件略謂上次會議陳會員公寬報告詞中有執法處捕案錯誤大失軍警尊嚴不如先事謹慎以免指摘云云該會員所稱固屬根本之論然不諱已過不失爲光明磊落較之飾非怙過或前事畏葸坐失事機者尙高一籌似不足爲軍警名譽累請於下次開會酌量照此意發表意見何如此致

吳會員玉璞謂此事無甚研究不過部中人見記事錄略述意見而已特此聲明
二年七月二號

李議長紹林提議

日昨公所接有匿名信一件其所言之事與軍人名譽地方秩序均極有關係應請去函該管暗中訪查是否有其事

趙會員國忠謂此信可抄出一份交兄弟帶回暗中查探俟查有端緒再行設法辦理

二年九月十七號

李議長紹林宣示內右三區公函一件（原函略）

又宣示京師憲兵營公函一件（原函略）

李議長紹林謂以上兩函到所已有半月之久前研究公存廢問題未暇提出但函中所稱各節均係公所應議之件今特補行提議請軍界諸君各從嚴約束勸諭部下萬勿在外滋事以維軍人名譽

錢副議長澤農謂軍界各級官長統馭兵丁未有不欲嚴守紀律無一在外滋事者無如兵丁程度既低其性亦與普通人不同故每於公開場所肇釀事端公所兩年以來設法消滅者不知凡幾今既接續開辦一切事務自應仍舊仍請轄有兵隊諸君平時好為勸諭勿因小事與地面為難致失軍人體面

又宣示吳山先生函一件（原函略）

又謂此函主意甚善請順天府張先生帶回轉呈張府尹設法辦理（張會員芷帆當將原函持去並允盡力維持）

二年九月二十四號

錢副議長澤農宣示亞細亞報載衆議院議員關於軍警佈告之質問書並謂軍警佈告發見于數星期之前本月中旬曾由軍事處發有勸告軍警文一篇已由公所刷印分送務請兩界各機關善諭部下萬勿輕舉妄動貽人口實

第三十七類維持軍人名譽

第二十八類軍警治遊聽劇案

元年四月十號

湯會員仲言報告日前外城稽查第三局稽查官在本區轄境黃花苑三等下處盤形跡可疑人一名帶區看管後提回三局訊供去後茲准第三局移會將可疑人仍交區暫行取保據移稱可疑人並非軍人係某人力車廠車夫等語查該車夫腿受重傷詢係被責軍棍一百此事應請公所知會各軍隊稽查局嗣後遇有便衣形跡可疑人會同巡警交區說明如係軍人由區逕送稽查局辦理如係平民應由區酌量情形辦理

徐會員翼亭謂此項情事前已與錢君澤農商有辦法

錢會員澤農謂嗣後凡遇軍人在外有不法行爲爲各區即可捕拏送交總理稽查營務處辦理

全日

張會員薊閣(外右二區區長)提議

四月三號夜有着灰色軍衣軍人數起皆三五成羣分持刺刀手槍馬鞭等械在娼寮滋事或攫取妓首飾或攫取游客錢物一夜至有四案之多查此項情事皆出自軍人

本區實屬爲難亟宜籌商妥善辦法以維治安

李領袖紹林謂此事可詳寫案內報告公所

錢會員澤農謂嗣後凡軍隊在外有不法行爲各警區即可逕拿獲一面電告公所商量辦法(卽商酌送總理營務處或執法處訊辦)

元年四月十七號

李領袖紹林宣示李會員鳳山提議

巡警不准制服治遊已有禁令駐京軍隊可否一律禁止制服治遊以重體制而全名譽

李領袖紹林謂欲禁止此事須設營妓方可現在營妓未設欲禁軍制服治遊勢所不能

元年四月二十四號

李領袖紹林宣示李會員鳳山提議

軍士聽劇向不敢索價稍有酬應不周致起衝突劇場人役視爲畏途故暫擬軍人觀劇辦法請衆裁奪以憑辦理

(1) 各劇園應發半價票若干送交陸軍各機關

(2) 各機關人數如何配備自行規定

(3) 各機關應派稽查兵或警察隊將半價票交稽查兵或警察隊攜帶到劇場門首如遇兵士赴園聽劇者即行發給此票該園即收此票每月彙總送呈陸軍部各機關以便核實給發

(4) 以上各條如經衆認可再擬詳細規則分交陸軍各機關及劇園以憑辦

李領袖紹林謂弟於此事籌躇已久其中爲難之處頗多今爲諸君約略言之舊日在京軍隊皆無許其觀劇明文故軍人之入場觀劇者純係照價買票其心惴惴惟恐稍有過失致玷軍人名譽故生事者少若發給半價票明許觀劇則軍人胆壯氣粗一入劇場稍不當意非與園主爲難卽與客坐爭鬪其生事必多故謂軍人觀劇一事祇聽其自便不必特予優待未識諸君以爲何如

錢會員澤農謂軍人觀劇於發給半價票後亦宜囑劇園寬留坐位以待軍人至軍人往聽與否任其自便

李領袖紹林謂發半價票於軍人流弊尤多勢不可行
富會員綬權亦云軍人若奉上官命令聽劇最易滋生事端

龔代表仙舟謂劇園製半價票分送各軍票有定數坐位卽照票數預備如此辦理庶不致滋生事端

劉會員紫坡軍隊不宜明許聽劇若許其聽劇派軍官帶往必不致生事

殷會員錦波謂各軍隊皆須派員往戲園暗查何部分人多何部分人少俟調查確實後於下星期會議再行定奪

洪會員和卿謂星期放假軍人入園觀劇自是一律買票各軍亦須派人往查以防滋事

全日

又提議嗣後軍士如在娼寮滋事者一面懲罰軍士一面警戒娼寮而杜刁風

黃會員憲廷謂軍隊在下處滋事各稽查局往已將軍人妓女一並帶查處辦理管區多不知情以娼寮一面無法懲辦

錢會員澤農謂近日執法處正法之冒充軍人多有在外城娼寮生事因而牽涉正月十二日十三日之劫案者若不將其罪狀宣示恐此後娼寮誤以軍人在娼寮爭吵鬪毆一經赴警喊冤卽可立予正法一似各長官皆有袒護娼寮之意者則若輩反爲得計以後請各警區遇此項案情應將生事之娼寮予以懲治以安軍人之心並請各軍營

選軍人與娼寮關涉之案除將該軍人拏辦外亦須開具案由將該娼寮送歸管區懲辦劉代表少谷亦謂軍人在娼寮滋事其咎不盡在軍人而釁端開自娼寮者多滋事之軍人既由本軍罰辦而管區亦宜查娼寮之情罪輕重予以懲處方昭平允

黃會員憲廷謂娼寮有不是自應量情罪輕重罰其停業或封禁

李領袖紹林謂現在敵隊人數甚少禁衛軍在外有不法行爲本隊勢難周知應請各管區即時電告敵隊電話係南局一千三百二十號敵隊自派人帶回辦理

全日

湯會員仲言提議

前日有本區下班巡警游逛黃花院下處者本區於懲罰巡警後以娼寮不應接待制服巡警方將處以停業之罰忽有軍人二名出而阻止巡警再三開說始爲退之按此事與軍人無關不應出而干涉應請各長官告諭部下令勿再有此舉

錢會員澤農李領袖紹林同謂軍人絕不應干預此事若有行干涉此查係何軍之兵卽送何軍懲辦

元年五月二十二號

劉會員紫坡報告昨日段總司令與各路統領及各獨立營隊並附近東安市場駐紮之各管帶會議東安市場戲園園主等稟稱由市場另開一門單隔看棚一處送呈優待票三百張以表優待軍士之意並云懇賞傳禁兵士不得隨帶便衣之人等語經各統領管帶當場決議全謂不受該園優待票並議定稽查營務處徐爲總機關各營亦派官長稽查如兵士出營須執號籤否則即係私自出營如進戲園看戲須自行買票決議後呈由

總司令段批回謂養兵即爲保民護商若如此舉動即係擾商自明日起各派官長稽查只准暫在該園起坐如兵士持籤買票勢必不能全行阻止但不花錢買票及不服約束強行入園者定即送交該營嚴行責辦如該戲園私將優待票授與兵士我軍隊決不但此名譽定責該園主以破壞軍隊名譽之咎倘兵士不知自愛仍有以上不法情事定行重辦

全日

李領袖紹林宣示李會員鳳山提議

各戲園應設警兵一二名一面監視戲園演唱粉戲一面遇有特別事項可就近調處

元年七月三號

李代表鳳山提議

近來軍人觀劇者頗多而一園之中而聚數機關者若不嚴行查察難免口角相爭之弊可否請稽查處設法嚴查以防不測

李議長紹林謂總以嚴查消弭事端爲安

元年七月三十一號

恩會員潤泉提議

本區屬界地安門外天滙大院內德泉茶園每見有顧天府巡警不下三四十名前往觀聽近復聞有干預該園後台之事查巡警職任有保護人民維持商業之責應請該管官長設法嚴禁以維商業而保公安

陳會員建侯謂函請順天府查核辦理

張會員潤澤謂此等事項敗壞警界名譽不小嗣後再有此事發現地方巡警應卽當場干涉

元年八月七號

李議長紹林宣示順天府覆函略謂昨奉公函備悉種切查做署附近一帶設有天和德泉廣樂各戲園每慮所部軍事就近入內滋事迭經派員隨時暗往伺察遇有違犯者一經稟報無不立予懲做至於德泉內場女優扮戲處談笑一節業經嚴加根究並另行訪查均稱並無是事抑且做處巡警久經裁撤改編巡防隊所服軍衣各有肩章標識斷難冒充巡警承 如函中所謂巡警者顯係馬鹿之誤別有其人也此覆

恩會員潤泉謂公所之承昨日已經接得此事實屬本區巡警錯誤前在德泉茶園騷擾之人確爲順天府巡防隊兵仍請公所去函該府請其稽查管理

龔代表仙舟報告本區客棧戲園常有自順天府偵探隊隊兵在各處滋擾請問順天府代表有無此項隊兵請爲答復

高代表侍楓謂本無偵探隊祇有便衣探訪隊多名在外查訪要帶但皆帶有執照嗣後若遇前項事端請卽索驗執照若查無執照卽可拏獲訊辦

龔代表仙舟請順天府代表駱君武堂久不到會與議不知何故應請公所去函邀請以便遇事商籌(衆以爲然)

元年八月二十一號

李議長紹林宣示外城巡警右五區爲報告事昨夜十一鐘本區界內四聖廟鴻喜下處排四妓女李金桂有客人因細故尋釁帶領十餘人內有穿土黃色軍衣（紅領袖章戴粗草帽）軍人三五人將該妓屋內什物摔砸多件及至下處報知巡警往該查遊客及軍人等已逃無踪影僅遺落軍人粗質草帽一頂茲特送請貴公所轉請各軍隊長官辦認以資約束而杜將來實緝公誼董代表祥周謂此事須先問紅色領章是何部軍隊方好商議辦法

元年九月十八號

李議長紹林報告陸軍部致公所函略謂據報告近日各戲園內有兵士不提號籤任意出入擾亂秩序等語合函通布查照希即轉飭各官長隨時嚴加約束爲要

又報告軍事處致稽查營務處函（函意同前）末云奉大總統批營務處查禁等因應函知貴處查照辦理

又謂據此二函兵丁在戲園任意出入實屬擾亂秩序有碍營業應請各軍各派稽查以保公安

元年十一月十三號

李議長紹林宣示李代表鳳山提議

軍隊禁止冶遊未能實行近來各處之兵每夜十二點尚有在街遊行者實非約束之法仍請軍隊各長官從嚴禁止以肅軍紀

李議長紹林謂此事關係軍人約束應請特別研究

吳會員玉璞謂應請各軍長官來會公同討論方爲妥善(衆贊成)

元年十一月二十號

李議長紹林宣示李代表鳳山提議

軍隊整肅首重軍紀現軍隊雖稱安靜而入園聽戲事仍不免小有衝突查軍隊放假皆有定時何以街面之上常見有軍人遊行擬請各軍長官傳知所屬不屆放假日期一律禁止聽戲既肅軍紀且免生事

李議長紹林謂軍人聽戲每每不守秩序補充營之軍人尤甚前已屢次提議請各長官嚴爲約束此時亟應從速實行以防衝突鄙見以爲除星期日外不能聽其任意請假方可免此弊端

錢代表澤農謂京畿一帶所駐軍人已達三萬之數請假之事斷難禁止惟有多派稽查

以防流弊而已現在補允營之兵到戲園者極多即應請其多派稽查

元年十二月十一號

英會員煥然報告軍警稽查長錢錫霖報告一件

啓者十二月七號晚九點鐘稽查長錢錫霖行經大柵欄見路北之慶樂園門口貼有黃紙條上書(軍人免進)四字有一憲兵在門口立按戲園爲遊戲行樂之區東西文明各國莫不優待軍人減收票價今我北京若恐軍人易生事端則可多派稽查彈壓防護或各營長官自己約束部下禁其入園聽戲或因有特別義務戲劇亦可派員保護責令購全價之票種種辦法皆可施行更或由廳區報告軍警公所申請司令長官停止放假出營亦無不可豈可以神聖尊重之軍人任令戲園書寫此等字樣殊非尊重軍人之道至憲兵尤爲軍中維持軍紀之人豈可與戲園守門以保護戲園之故派憲兵往戲中彈壓則可以之守門則不可由軍中發禁止軍人聽戲則可由戲園以黃紙小條而禁止軍人則萬不可該園爲外城總廳管地憲兵爲陸軍部所部請公所嚴重向兩處質問以免戲園效尤致生他故本軍警稽查長以維持地方之故特此奉函以聞

黃會員憲廷謂此事日前已得巡警報告但不知此告白究係何人所貼因有憲兵彈壓巡警不便干涉俟查明後再行決定辦法

李議長紹林謂對於軍人看戲早經公所迭次提議愚見總以多派稽查并請各軍長官隨時開導方爲正辦若聽戲園妄出告白實屬不成事體

董會員玉齋謂此事發生因有軍人看戲不給戲價之事所以戲園敢於如此無理亟應多派稽查以昭鄭重

李議長紹林謂此後應請兩廳通飭各區對於此事須格外注意若再有軍人看戲不給戲價之事即請電知公所再行轉電稽查營務處實行干涉

何會員少卿謂軍人在戲園偶有衝突往往隨時即勸解了事似勿庸電知公所李代表鳳山謂打電通知公所係捐事而言若已經了事自可不必

元年十二月十八號

臨時議長錢澤農報告徐會員怡亭議案一件

現在本處祇有馬弁八名護兵十一名在本處應差其餘任勤務兵隊均係由各軍隊調用嗣後各戲園若查有本處弁兵帶同便衣人到園聽戲不買戲票者該園可即向

其等或戲資不聽者可 送本處懲辦

又請請各區區長告知界內戲園遇有此項事端即照前議辦理（衆以爲然）

臨時議長錢澤農報告慶樂園安出告白一事前經公所去函詢問現在陸軍部及外城總廳均已答復（茲將兩函附錄於左）

陸軍部復函略謂前准貴公所函送軍警稽查長錢錫霖報告一紙請查核見復以憑轉達等因到部當經飭令京畿京師憲兵營及禁衛軍警察隊詳查呈復去後茲據京師憲兵營呈稱本月七號慶樂園本係南省水災義務夜劇該園做營勤務線路應有維持之之責當令連長王柏帶兵前往巡視一切均屬文明辦法未敢稍越憲兵範圍詳查錢稽查長報告各節實諸敵營在場巡視官兵均稱在園循環視察者有之未有守門時立者凡軍人不購票入園觀劇婉言勸阻者亦有之未有購票而復行禁止等情前來相應函復

貴公所查照辦理

外城總廳復函 略謂接准函開軍警稽查長錢錫霖報告十二月七號慶樂園門口貼有黃紙條上書軍人免進四字等語當即飭傳慶樂園商人來廳詢問據稱本月七號

係殷汝驪等借園演唱義務夜戲所有園內布置一切均由殷汝驪等經營該園並無人在內執事等語查本月六號據殷汝驪等稟稱本月溫處兩州水災生民流離困苦擬於十二月七號在慶樂園演唱夜戲賑助災民等語當以事關補助公益批准在案此次慶樂園門首所貼字條該園並不知情除告誡該園并不知情除告誡該園并令行各區轉飭巡守長警嗣後隨時注意不准粘貼軍人免進字條外爲此函復卽希查照可也

二年一月二十九號

李議長紹林宣示李代表鳳山提議

現在各戲館男女分演已經遵示辦理但聞聽戲之兵常有往後台薄觀女伶扮演者他人亦不敢干涉此種行爲大與軍人名譽有碍擬請各機關之官長從嚴諭禁以重名譽

衆謂此事應令巡警隨時報告以便干涉

李代表鳳山謂只要軍警執照發生效力凡此團體中人皆能干涉

二年二月十九號

李代表鳳山提議

兵士夜間遊行街市實於軍人名譽有碍應請各軍長官從嚴禁止以肅軍紀

李議長紹林謂禁止軍人閑遊本會提議非止一人次而街面上仍常常遇見其爲日久玩生可知應請各軍長官再申禁令以維軍紀

全日

陳會員介卿提議

預防軍人滋事以整紀律而保治安事件

敵營憲兵出勤已經兩月詳查各連報告除普通警察不計外凡軍事警察事件兵丁滋事多在熱鬧場中而熱鬧場中尤以娼嫖戲園爲最多娼嫖最污穢之場一揮足則白圭亦玷戲園乃雜還之處稍滋事則輿論交謫軍人之名譽多損於此軍人之紀律多壞於此其妨害妓伶營業擾害社會治安尤與國家設立軍隊爲防禦外患保護人民之宗旨相反是以不能不研究整頓軍人紀律維持地方之治安辦法茲陳數條以供本公所諸先生研究

(1) 分期放假以減外出兵數 每逢星期日各軍隊及陸軍各學校均休息放假是

以通衢街市之熱鬧場中無處無兵滋生事端亦此日爲最多若駐京各軍隊不於同日放假則外出之兵無多滋擾之事自少卽軍警查察亦易爲力其辦法譬如拱衛軍星期一放假禁衛星期二放假毅軍星期三放假其餘他項軍隊可以此類推總之每一星期放假一日何日不可

(2) 嚴禁軍服遊娼以保軍紀 軍人之所以必服軍服者爲平時便於操練戰時便於戰鬪以表示軍人身分與常人有所區別使社會人民望而尊之重之者也若服軍服遊娼既失軍人身分污軍人名譽最足惹起中外輕視我軍人之心遊娼雖小事而關係者如此之大且一穿軍服卽生倚勢之念或或不出茶資或罵妓砸罐種種是非卽由此而生一兵如此全隊皆污一軍隊如此全軍界皆污此所以宜嚴禁者倘嚴禁之不聽則執軍法以繩之久之則此風自息軍聲自振矣

(3) 規定軍人看戲辦法以防滋事 軍人觀劇無論何國未有禁止者然亦未有不買票者惟較常人優待取半價耳我國茶園優待軍人多不取票費其重視軍人之程度似較他國爲高然重視軍人既如此而軍人觀劇宜存保獲營業之心故不能不定辦法茲舉辦法二項於左以供研究

(甲) 發給戲票 查明駐京軍隊機關有若干種戲園有若干處每一機關酌量其兵數若干由公所發給軍人看戲票若干(可令各戲園送票)分發各營連平均無論平日及放假之日均限定人數入園觀劇今日誰往觀劇則由該管機關將票書名以備查攷無票者不准入園持此園之票不准入彼園庶軍人觀劇有一定茶園各茶園有一定人數軍警亦易於稽查卽不幸而再聚眾滋事其票中注有姓名一查卽知斷未有幸免者

(乙) 實行一定座位 軍人與常人混座往往因一二人之衝突惹起莫大是非故軍人觀劇各戲園均備有軍人座位然雖備有座位而軍人遵守甚少此後各機關務飭部下兵丁必須坐指定之座位不准混座以免生事以上第二條辦法奉天軍警兩界在民國未成立以前曾議決定行著有成效北京可否仿行請爲研究

李議長紹林謂現在軍人程度不齊管理之極爲困難至戲票戲座本所會議屢次研究迄今無一至善之法愚見以爲應不以鬧事不着軍服爲斷倘有不遵卽請該軍嚴罰以肅軍紀

李代表鳳山謂規定軍人放假應請參謀部定一辦法當由崔會員昌周担任回部商請

次長籌辦

二年三月十二號

李議長紹林宣示參謀部來函一件

附錄原函 敬啓者前准貴所提議在京軍隊分期放假請由本部商同陸軍部酌定一節當經函商准復稱此項提議事屬可行惟該所係合各軍隊組織而成現以該所名所名義逕商各軍隊機關會同擬訂當較易行無須由部直接通飭辦理該所議定後惟須報部備案等因准此相應函達貴公所即希查照辦理可也此致

二年四月二號

李議長紹林宣示左一區公函一件

附錄原因 逕啓者本日下午四鐘時據巡長錢得勝報稱頃間有拱衛軍軍人三十餘名在後營云和下處滋事守望巡警唐有誠向前攔阻被該軍人等將其打倒該警即行鳴笛巡長聞聲趕往至前營南口外即見該軍人等約有三十餘名由北往南奔跑遂即上前揪住一名不料被該同夥軍人多名復將巡長打倒巡長盡力將該軍人左臂軍衣撕破一塊仍被走脫有巡警徐德勝等亦聞笛趕到亦被軍人等打倒及先

後起來復追該軍人等已不知去向當時實因寡不敵衆以致被毆脫逃并將巡長等呢褂撕毀至巡長所撕之軍人係高大身量左臂軍衣撕破其餘各軍人衣服大半均潑有煤油在上等情前來復據云和下處王瑞林來署報稱昨日下午有拱衛軍左翼衛隊軍人張佩玉與妓女王翠喜因細故爭毆經王翠喜喊巡警帶署當蒙訊結在案本日午後復有黑呢衣紅道拱衛軍衛隊三十餘名至下處砸毀什物多件并將女傭張王氏掌擊幸未成傷當擬出門喊告巡警因伊等將門堵塞不得出入查視該軍人等內有一劉姓與張佩玉至下處喝茶請爲追究等語當經本署派司法巡長聞永福赴該下處勘驗旋據覆稱共摔毀洋鐵壺三把水缸二口面盆一個茶壺二把煤油燈七盞玻璃燈二盞茶碗七個面鏡一架等情除呈報警察廳外相應函達貴公所查照可也此致

李代表鳳山謂此事全無實據碍難追究惟兩次在下處鬧事之人皆係左翼衛隊此風萬不可長應請拱衛軍司令處周硯農先生向該衛隊管帶聲明其事務請嗣後嚴爲約束以維軍紀

周會員硯農謂卽請公所將原函移付做處以便辦理

全上日

李議長紹林宣示李代表鳳山提議

前議規定各軍輪流放假之事至今尙無一準規定即請各軍從速規定以便施行
當由李代表鳳山擬定星期六拱衛軍星期二京衛軍星期四毅軍餘議下期會議再爲
決定

二年四月九號

李議長紹林宣告拱衛軍中路復函一件

照錄原函 敬啓者頃閱貴公所致總司令來函祇悉左翼衛隊張佩玉前日在雲和
下處滋事等情當即飭查該隊冊籍並無此名有一張明玉之名敝處現以調查如查
實即係張明玉敝處定行嚴辦決不姑寬以免再生事端并飭該隊官長嚴加約束倘
嗣後再有此等情事即祈示知定必認其究辦特此佈達即請公綏
又謂查該來函之意甚爲謙遜嗣後倘該軍軍人有在外滋事者即請各警署認真究
辦決不致因此生嫌也

全日

李議長紹林宣示李代表鳳山提議

軍人禁止冶遊業已表決實行乃近來軍人因冶遊滋事又日有所聞應請各軍隊長官嚴加管束以肅軍紀而維名譽

李議長紹林謂此事公所已經迭次提議

各軍隊均已實行惟恐日久玩生應請各軍長官嚴加約束以免放縱

李議長紹林宣示外左五署報告一件

(原件附錄) 外左五區警察署爲報告事本月初三日前夜有太平倉駐紮之拱衛

軍軍人數名在黃花苑卽黃鶴樓德奎三等下處遊逛因細故將該下處窗戶玻璃打毀經巡長巡警婉言解散未致傷人次日卽初四日上午十鐘該軍人帶有二十餘人仍到德奎下處復仇並向開下處下人索還茶資如不交還卽將房屋折毀本署巡官巡長極力周旋代爲央求不可行此野蠻該軍人等不但不聽反將巡警恩祿佩劍奪下軍帽投入尿桶勢將動武署長聞信一面電請稽查第三局派人彈壓一面帶同巡警二人前往解散署長行至清化寺街東口外見該軍人等由黃花苑出來有一軍人將署長手腕揪住餘人將磁器口大街兩旁舖攤板橙折毀作戰鬪器形勢洶洶觀者

如堵巡官長警趕到數十人恐署長遭該軍人毒手署長一味和平善言對待不許長警拿人恐釀成莫大之惡感飭令該軍人趕速回營如再遲延稽查與憲兵趕到於大家面子不甚好看該軍人等始分散而去此報告之實在情形也查軍人近來在外城地面屢次滋事擬請各軍隊飭令下級官長嚴行約束凡有娼寮處所必須逐日派人常川稽查以免衝突而安人心

周會員硯農謂嗣後遇有殺軍在外娼寮滋事即請受轄官署電知敵軍司令處自當嚴辦

閻會員永全謂是日敵軍早日奉有命令不准離營此事恐係假冒應再調查以別涇渭李議長紹林謂以該報而論並未指明係何軍隊自應再行調查第此事究於軍人名譽有關維持軍紀而保公安其責任實在我軍警兩界嗣後關於此項情事總應和衷商辦以杜衝突諸君當以爲然

李代表鳳山謂解決此項問題愚見有三種辦法一應組織一通信機關以便隨時電告二無論何種軍隊均應嚴加管束以免屢滋事端三應多派稽查隨時偵察放假日尤宜注意請諸討論衆謂此事俟下星期三再議

李代表鳳山提議

地方暗賭暗娼雖經各官署竭力搜查而暗娼賭案仍不時發現發且聞軍人攙雜其間以致地方警察不肯實行干涉恐生嫌怨應請各軍官長秘密調查以懲不法俾地方警察得以完全執行職務

二年四月十六號

李議長紹林宣示李代表鳳山提議

軍人治遊與聽戲屢經公所提議禁止全無效果京師各憲兵營皆有維持軍紀之責應請將近日軍人在外滋事情形報告陸軍部請由部再發命令飭各軍嚴加管束以肅軍紀而保名譽

李議長紹林謂憲兵爲軍事警察對於軍人在外治遊滋擾本有管束之權但軍人程度不齊往往與憲兵衝突由京畿京師兩憲兵營會同呈請陸軍部嚴定辦法(衆贊成)

二年四月二十三號

陳會員介卿報告前次公所提議

因軍人在外治遊不服憲兵干涉表決由京畿憲兵營會同做營呈請陸軍部嚴訂規

則以免憲兵與軍人衝突業經照議辦理俟部令頒發再詳爲報告

李議長紹林報告禁衛軍步二標第三營副官劉鏡波到會

又報告前次會議據外左五區報告本月初三日夜有駐紮太平倉之拱衛軍軍人在黃花苑德奎下處滋鬧當經該署長婉言解散公所因杜後起見議定辦法三條九號記事錄已經登載雖非根本解決究屬因事制宜昨據該軍前路來函詢問該報告之證據當經公所據情函達該署旋又將該署來函轉復該路查此次黃花苑軍人滋事該報告係該軍人兩次自稱太平倉爲憑顯係不確亟應當衆說明以釋疑團而免誤會但軍人名譽爲第二之生命屢屢在外滋擾不獨有碍治安仰且有妨軍紀我軍警同人宜速共籌善法以杜後累而防衝突

王會員廷軒答云此次黃花苑軍人滋事兄弟確有把握可以斷定必非敵軍實因請假規則向來極嚴且有一定之時間不能自由行動況是日敵軍實在操場集合檢查武裝並無一兵請假離營名譽所關不得不詳爲說明可否將九號記事錄更正

李議長紹林謂九號記事錄係據原函報告並未下一斷語實無更正之必要今既已說明此次記事錄自應將貴路來函登載以釋羣疑

附錄原函 敬啓者頃接九號會議記事錄內載有太平倉軍人在妓院鬧事並次日復邀多人尋毆等事軍隊如此不獨無宜於國且擾害商民鄙人閱之甚爲痛恨查太平倉軍隊只有做路駐紮並無他隊雜居暨日兵有此不法行爲斷難姑息務須嚴查從重懲辦以肅軍紀而安地方乃係正當辦法緣初四號上午八鐘起十一鐘止鄙人親在操場集合各營日兵全數檢查武裝以備 大總統出門站隊之預備查日兵鬧事時間正在武裝檢查限內返復思之一再調查此事毫無影響現在各營官長面請指明確證情願領受懲罰前來鄙人查會議記事錄所載並無確證可指是以無言宣告部下未悉左五區之報告係有何證據可憑祈速賜下萬勿延緩是幸此致

陳會員介卿謂此事現已經過無須深究但各軍標識似應從速規定以便認別而免誤會(衆贊成)

全日

李議長紹林宣示李代表鳳山提議

發見暗娼暗賭不時登於報章但此種生活實爲擾害地方之媒應請各區署多派偵探竭力調查以除隱患而維風化(衆贊成)

二年四月三十號

錢代表澤農宣示昨天和茶園又被砸毀無論其理之曲直我軍警之餉精原賴民之供給原有保護之義務若上項事常見殊保護之道恐日後各商民均思托於外邦請研究妥善辦法以示保護而安商民之心

二年五月七號

李議長紹林宣示李代表鳳山提議

戲園書廊皆係營業性質軍警兩界均應一體保護乃近來戲園書廊多有軍人往遊其中實屬擾害營業應請各機關嚴加管束並多派稽查到處梭巡以保營業而安市面

李代表鳳山謂稽查責任重在梭巡專注一處不能有效諸君以爲如何

李議長紹林謂此事爲憲兵專責現在機關複雜以致時有衝突當公所開辦之初鄙人卽擬請求政府組織一總機關嗣因財政困難不能舉辦就目前而論非由長官嚴加管束不能有效

二年六月二十五號

臨時主席錢澤農提議

軍人在外治遊迭經公所提議請各軍長官嚴加約束早已表決在案近日以來軍人出入娼寮戲館藉故滋鬧之事仍不免應請各軍長官重申禁令以肅軍紀而維名譽主席錢澤農謂軍人在外治遊大率以總統府衛士爲最多應由公所函達該管長官嚴行約束更有一種似兵謂兵身穿藍服白褲之人時時在外滋擾應請各區署不問何人但有滋擾情事卽嚴行捕拿帶區懲辦以維治安（衆以爲然）

二年七月九號

李議長紹林宣示遷善進化會函一件略謂近有土匪勾引軍人常到各茶室滋鬧以致各妓女白日均畏避回家晚間到院又逢攪鬧甚至乘亂盜取銀錢衣物之事各樂戶畏其凶橫多思遷避出京者巡警勢孤不敢干涉若再不設法保護各戶真有不能安業之憂等語

又宣示上次會議湯仲言先生提議

軍人在下處滋事每至迭交該管而該管並不言如何懲戒軍人但將原告交區辦理實屬不合各處多謂研究辦法一節今日到會人多尙可繼續研究

吳會員玉璞謂上次議及此案因近來籌憲兵雖共有三處而人數寥寥稽查實有難於周到之處且軍人在外滋事起動至十餘人之多彼憲兵之巡行者不過三兩人而已衆寡既屬懸殊部分又相隔越且此輩又多未受教育之人若驟加干涉必至起而相鬪反失憲兵尊嚴錢澤農先生有赴軍事會議提商辦法之說未知籌有善法否

錢代表澤農此事日前已於軍事會議提及惟各長官皆以須有實在事端方好籌議適當辦法

李代表鳳山謂以愚所見此事非組織一憲兵司令部張大憲兵範圍不可但司令之設甚是繁難若暫行辦法惟有集合各部分稽查憲兵先組一臨時稽查團駐紮衝要地點亦可稍救此弊

吳會員玉璞謂李鳳山先生所論之臨時稽查團甚好此團若能辦成亦可稍助憲兵之勢力

朱會員玉軫謂防範軍人根本辦法尙在平時勤施教訓放假時加以限制則憲兵雖少自可從容防制若臨時救濟則設立稽查團亦自有惟須軍界官長主持方能有效錢代表澤農謂諸君所言與兄弟所主張皆是要請求長官籌一實在辦法方可維持現

狀嗣後在有軍人滋事各憲兵可實行干涉然後再綜合事蹟請示辦法

李代表鳳山謂此事可逕由公所將近來地方警察對於軍人滋事之爲難情形詳呈軍事處務求規定一適當辦法以救現在之弊或擬出稽查團大要請求批示必須如此辦之有着落(衆以爲然)

李議長紹林謂諸君贊成由公所請軍事處規定辦法者請起立表決(衆皆起立)

二年十一月十二號

李議長紹林宣示公所調查員王慶祥報告一件略謂前夜地安門外天滙大院德泉茶園夜劇將終突有軍人與軍人在場棚打勢甚凶猛幾將該園屏門擠倒燈亦墜落惟時觀戲之人不知何事皆爭欲外出園中秩序一時大亂幸有巡警多出爲解勸始一團散去是夜該園壺碗棹橙以及一切建設物多被毀壞損失破鉅請提議設法以維治安等語

又宣示內右三區警察署報告一件事與前同

陳會員建侯謂敵署報告德泉茶園軍人撕打之事不過陳說大概尙有未能詳盡之處據本會員當場所見其率衆羣毆之軍人視其肩章確爲順天府中路三營之兵祇不

知其姓名爲誰何耳該園是夜損失甚大據園主口稱每演好戲必有軍人在此搗亂其不給票資無論矣今又毀損如許器物修理添置累更不輕從前所認之各項公益捐寔不能如數繳納務懇區署設法保護等語查軍人滋事動輒數十謂羣而各區巡警又皆散在分駐派出各所分司守望巡邏之事縱臨時召集亦不過聚到十餘人焉能彈壓軍人之羣架此事實爲地面治安所係應請在場諸君妥籌善法以弭此患方好

調查處申靜軒謂已往之事可不必追問嗣後各戲園演唱夜劇務請該管區知會公所再由公所轉知會屬有軍隊機關每部各派長官二人臨場彈壓如此則軍人滋鬧戲園之弊庶幾可免

李議長紹林謂申處長彈壓夜戲之法諸君是否贊同(衆稱贊同)

陳會員建侯謂各區署之轄有戲園者甚多遇有夜戲須於前二日知會公所以便轉知各機關派員彈壓

吳會員博哉謂各機關派赴戲園彈壓之長官究竟以穿何種衣服爲宜此事亦須議定有謂應穿制服者有謂應穿便服佩軍警章記者以穿制服表決

二年十一月十九號

主席陳介輝先生報告駐京憲兵稽查聯合所函一件(原函附錄)

敬啟者竊敝所於九月間因南城一帶時有軍人冶遊滋事曾經稟奉

警備司令官命令成立以維軍紀而保治安業將開辦章程送請備案惟開辦伊始亟應擬定內部辦事規則九章五十六條督飭各職員切實履行推行兩月尙無阻碍除將此項辦事規則送請備案外相應函送貴公所查照可也此頌公安

二年十一月二十六號

吳會員鵬嶽詢問現在天樂園演唱夜戲該管警察署是否知會公所請各機關派員彈

壓

李議長紹林答公所並未接該署知會今日外又一區署長亦未出席無從徵問

吳會員鵬嶽謂該管官廳既不知會倘遇有軍人滋事不知如何維持請 議長裁決

李議長紹林謂是直致函外左一區警察署請其仍遵前議辦理(衆以爲然)

年會員澤川謂右一區戲園最多凡派往彈壓夜戲人員仍宜佩帶公所徽章使在園兵警皆知注意自免滋事之虞卽有衝突臨時彈壓亦易識別此意諸君是否贊成(衆

贊成)

第三十九類軍隊住址服制案

元年四月十號

李領袖紹林云李會員鳳山今日提議事件

其第一項云現駐紮京師之軍隊官長姓名住址仍照前次開列函送公所以便刷印分送各界

董代表祥周謂此項表冊須按月更換一次現聞公所正在辦不日即可印成

李領袖云李會員鳳山提議事件

其第二項云現駐紮京師之軍隊服色不一應請各軍將本軍服色徽章繪圖具說函公所彙齊刷印分交各警區俾易於辨認

劉會員紫坡徐會員云卿謂現在武衛右軍二鎮八標不着灰色通換青色軍衣

徐會員翼亭謂各軍服色仍由各本軍開送公所以便彙齊通知

元年四月二十四號

李領袖紹林宣示李會員鳳山提議

陸軍機關常有變更電話亦隨之變動如公所遇有電告之件往往有張冠李戴貽悞

戎機嗣後遇有更變者請函知公所以便遇事靈通

元年五月一號

李領袖紹林宣示李會員鳳山提議

駐京各軍隊服色不一辨別頗難可否請各本軍將服式肩章繪圖具說送交公所以便轉知各容易稽查

(此條經衆表決各軍應一律照辦)

元年五月八號

劉會員礪臣謂現在駐京各軍服色最爲不一應請各軍將本軍服裝檢出一份送交公所再由公所繪印成圖分交各界代表以憑辨認

衆謂此事久已決議現已有將服裝圖送交公所者俟送齊時卽爲彙印分送

元年五月二十二號

李領袖紹林宣示李會員鳳山提議

前議各軍之服制繪圖送交公所業已表決但至今尙有未送者請卽送交以便分送各區辨認

洪會員和卿謂此事須俟陸軍部制定方可通行各處

元年六月五號

龔代表仙舟謂現因駐京各軍隊服色未能周知各軍隊將各軍服式繪一詳圖送至公所轉交軍警各機關以期周知而便接洽

錢會員澤農謂現因陸軍服式尙未由部頒行無由轉知

龔代表仙舟提議

在京軍隊駐紮處所亦宜每月由公所修正一次（經衆表決）

全日

李會員鳳山謂軍警公所團體以內之人所帶之銅執照巡警已否週知

龔代表仙舟謂早已告知

李會員鳳山謂如佩此執照遇軍警有不合行爲能出而干涉否

李領袖紹林云凡佩此執照者即非下級官長軍警見之均宜有服從意思此語宜常常

對軍警講說使其週知候但官長見軍警有不合行爲亦宜婉言指導以全體面

鄧會員逸安謂現在各區巡警招募者居其多數執行職務難免有失當之處各官長見

之和平開導最爲允當

錢會員澤農謂各區長深知各警年前新募未經教練者居多現在大局平定宜設法教練

陳會員建侯謂現各區均設有講堂隨時講授警章

元年六月十二號

李領袖紹林宣示李會員鳳山提議

駐京各軍隊駐所遷移及電話更換均請先通知公所以便列表分送各處庶遇事傳達電話消息靈通

(此條經衆表決應照辦)

全日

李領袖紹林宣示內城十區提議事件

一軍警會議公所製定銅質徽章自分發以來兵警見之甚表如意兩界感情因以聯絡融洽者良多迨陰歷正月十二變亂遺失不少倘爲匪人拾得流弊何堪設想應如何從速設法改換以資辨別而弭隱患請

諸君酌奪議決辦理

元年七月三號

李會員鳳山提議

軍隊之服色極形複雜各處未能了然前提印刻各軍之服色一節應提前辦理未送服色之各機關祈速送公所以便印就分送（表決）

元年八月七號

李代表鳳山提議

地方機關甚多兼兵隊林立然各部分附隨機關亦不爲少現軍警聯合公所成立許久而各部分隨附機關尙未明曉每一事發現未審此機關屬於何處管轄諸同人實甚抱歉仍請各部長官將本管附隨機關開明送交公所以備存查而免貽悞
董代表祥用謂應請各部分將所轄之各機關詳細送列表刷印分送俾得周知
龔代表仙舟謂如此辦法甚好應由公所函請速辦
黃會員憲廷謂各機關有更調移動時仍請隨時修改

全日

李代表鳳山提議

各軍服色及地方機關之制實難辨認已提過數次若待陸軍部規定服色尙恐多延時日仍請各部分將服色式樣送交公所以便彙總刷印分送（但服色樣式均限星期日送到方妙

衆謂應請各軍將現在所用服色章號從速繪送以便分知識別

元年八月十四號

李代表鳳山提議

軍警駐紮地點及管帶以上之姓氏屢有更移然公通函亦常有投遞不到者仍請將住址及姓名列表交公所以便編訂分送以期衆知至祈嗣後每月送交一次以便彙印分送

元年十一月六號

李議長紹林宣示李代表鳳山提議

陸軍服制業已規定現陸軍駐紮北京者甚多若不辨明服制貽悞必多應請各機關速將服制圖送交公所以便彙齊寫印分送各機關

衆謂各軍服制圖限下星期三會議日交出

錢代表澤農謂今日可將此事再行通知以免推諉

元年十一月十三號

李議長紹林宣示曹會員鳳池報告

前次會議時各軍隊有送呈各軍服色一節已於數月前繪圖呈送公所現冬季棉衣係毛藍打連但肩牌改駐京總司令衛隊至於小皮襖係灰色外面已做毛藍打連單單肩牌與上同式

元年十一月二十七號

李議長紹林宣示李代表鳳山提議

前議請各軍檢送服裝式樣彙印分送現在未據送到者尙有數處應請尅日送所以便早付刷印

李議長紹林謂各軍有未送服裝圖者務請趕於下次會議時送來時會議將終會

步軍統領江兩丞先生出席陳述意見略謂各軍隊之設專以捍衛國家所重原不在形式然形式不慎亦足以損國威而墮士氣此一代之興制定軍服所由必斟酌盡善而

不敢輕於取用也況軍人禮服尤爲萬國觀瞻所係者乎查我國現定軍人禮服帽檐
纓柱采用白色刀柄帶扣采用菊花余則窃窃焉議其不可者何以言之我國以五大
民族組織共和定國旗爲紅黃藍白黑明明以漢爲五族之冠冠纓尙紅固爲其宜今
以以白色爲之是置足於首也顛倒孰甚焉且中國前古喪服用白麻降軍懸白旗是
不吉莫白色若也固可以之加於衆體之上手菊花爲日本國徽故日皇御物皆以菊
花爲飾今我國以之飾軍人之刀帶是崇尙他國之徽章而忘自國之體統也孰甚焉
我國當前清末年內政不修外交屢敗世界明達之士有戲謂吾國爲睡獅者今旬月
之間易專制爲共和是獅之睡者亦既醒矣乃帶之飾以獅爲之既揚國威且增士氣
又何必舍己之榮而示人以弱乎此鄙人對於軍隊禮服之見也當此宣布未久製造
無多之際倡議改爲尙屬無難若行之已久而始議變更則損失之數必不可以億計
日前謁 大總統晤段司令曾以爲言均幸蒙嘉納今更以之述於軍警同人之前如
表同情付之公決而請求改定焉則幸甚矣

衆謂現已三鐘一刻此書可作爲議案於下次會議時決之遂散會

元年十二月二十五號

李代表鳳山提議

現在軍警各機關人員銜名當無表冊可稽殊難識別應請各機關將人員銜名表送公所以備分送各處兼資接洽（衆贊成）

二年二月二十六號

李議長紹林宣示李代表鳳山提議

軍隊繪送服色提議已久現據送到僅居一半其未經繪送各軍請從速擲交公所以便彙印分送（衆許諾）

軍警各機關近來移住址頗多公所前定軍警機關住址單亟應從速修正請在會諸君速將機關住址于本星期內開送公所以便辦理（衆許諾）

二年三月五號

李議長紹林提議

前次提議請各軍警機關補送下級官長人員姓名行號以及衙署地點電話號數均請於下星期三會議時交下以便重修同人名表

二年四月二號

李議長紹林宣示李代表鳳山提議

近來禁衛軍於警察隊之外另組有稽查團其宗旨不過補助警察隊維持軍紀現該團成立已久恐各機關尙有未知特爲報告以便各稽查與之聯絡如遇該團有直接干涉之事各稽查萬勿阻止致生意見（該團之標識左腕繫紅布條上綉稽查團字樣最易辨認）

二年四月十六號

李議長紹林宣示李代表鳳山提議

現各機關遷移甚多應請速將遷居地址電話號數速送公所以便彙造表册刷印分送以便遇事消息靈通卽請劉星若李伯勤兩君於收齊時趕辦爲要

劉李兩會員謂速日電催已送有幾分俟送齊時卽按式刷印

趙會員國忠報告總統府衛隊與拱衛軍各路符號之區別謂領章上有公府二字者爲總統府衛隊其各路拱衛軍均無此項字樣俟後如有自稱總統衛隊或稱拱衛軍某路之軍人在外滋事應請該管衙門分別查明卽行電之以憑辦理

二年四月二十三號

李議長紹林宣示李代表鳳山提議

軍隊服裝至爲複雜亟應彙爲一冊分送各處辨認甚難欲將各服制彙印頒送以便隨時查認但此事久經表決未能實行應請劉星若英煥然兩君於未送服裝之機關即日電催趕送以憑剋期彙印（當由劉英一一君承諾）

二年四月三十號

錢代表澤農報告各機關服制圖其未送交到所者尙有五處

(一) 京畿憲兵營

(二) 禁衛軍

(三) 警察廳

(四) 拱衛軍

(五) 京師憲兵營

應請趕速繪送以便彙印成冊而備考查

二年六月十一號

錢代表澤農報告各軍服制圖表業經繪出未審有無錯悞應請各會員指示當由承辦

員英君啓出圖傳觀惟游緝隊相符其餘均須略改

二年十月十五號

李議長紹林宣示公所值班人員提議事件

(一) 公所各機關住址單向係每月修改一次現已經歷兩月未曾修改擬請交際員速爲辦辦以便臨時查照

李議長紹林謂各機關住址單已兩不曾修改現在毅軍出京各機關人員調動者亦頗不少亟應修改印送不但便於稽核而有事傳達消息亦常靈通卽請管理交際諸君速爲辦理

(二) 各軍服裝前已定訂表式原擬交付刷印分送各處嗣因公所存廢未定遂致停辦現在公所一切照舊此次表式似應速製出分送地面衙門以便遇事容易識別李議長紹林謂近來各機關多便換服色前製之服裝草圖已不適用若再請各處繪送又拖延時日至便之法莫若檢齊前定草圖於下星期三會議時呈交各部分與議人員當場籤註或說明形式隨筆記出再爲繪印既省時日又易成功諸君以爲何如(衆以爲然)

第四十類減少衛兵及免持槍械子彈案

元年四月二十四號

李領袖紹林宣示李會員鳳山提議

(一) 地方安甯如常白晝衛兵能否一律撤而夜衛可否減少數目以靖人心
陳會員公寬謂現在地面稍靖各街口軍隊可以減少或撤去若守望巡警似宜加添
陳會員建侯謂刻下守望巡警固祇宜加多不宜減少而派在南缺口之消防隊實爲重要萬不可便令撤去

振會員靜軒謂游緝隊與巡警同負有地面之責巡警之守望者既不可減而游緝隊之在各要口者亦萬不可減

李領袖紹林謂巡警游緝隊職同地面白晝晚間均不可撤減惟各街口及胡同之衛隊似宜白晝減少晚間加派(議遂決)

元年五月八號

李領袖紹林宣示李會員鳳山提議

地方安甯如常白晝站崗警兵可否免持鎗枝(晚間再換鎗枝)游緝步兵可否將子

彈一律收儲免生危險

各區隊會員謂此事已一律照辦

元年五月十五號

錢代表澤農宣示李會員鳳山提議

守望兵警白晝持鎗能否一律改佩刀各區隊仍須準備持鎗者一二名以備非常各機關軍士仍不准擅離

陳會員建侯謂近來外城守望巡警白晝已一律佩刀惟一 二空曠地方仍係持槍

元年五月二十九號

李領袖紹林宣示李會員鳳山提議

白晝持槍者均已撤收惟商團仍白晝持槍站崗可否令其撤收以靖人心

劉代表少谷謂白晝持槍前經本所議決商團現仍持槍應由本公所函知商會辦理

元年六月五號

李領袖紹林宣示李會員鳳山提議

白晝持槍守望者均已改換器械惟消防隊及商團團丁仍白晝持槍能否一律撤換

以維市面而靖人心

董代表祥周謂消防隊原以預防火災爲主旨並兼有軍隊性質與守望巡警不同現駐紮外城地方者向歸外廳支配應與外廳商議

錢會員澤農謂去冬因地面喫緊消防隊警士平素教練精壯添守望藉以輔助巡警之不足查街面秩序早經回復白日即可撤夜間仍可照常

李會員子裁謂此事回廳面見廳承應卽商議此事

元年六月十二號

李會員鳳山謂前次提議

撤銷商團白晝持槍迄今尙未實行此事能否辦到請警區答復

李領袖紹林謂此事已言之商會惟尙未答復俟下期會議時請商會代表到場再行詰問

元年八月二十一號

李議長紹林提議

白晝各機應設之持槍崗兵應有之事但携子彈是較欠妥是否將站崗兵之子彈解

除以免意外之患

許會員源浦謂敝軍職司護衛總統守衛兵不帶子彈實辦不到

元年九月十八號

李議長紹林宣示李代表鳳山提議

商團兵丁白晝持鎗前已提議撤消近來該團兵仍有荷槍街頭者未審是何用意若無他故仍以請其撤去爲宜

第四十一類對於巡警各案

元年四月二十四號

李領袖紹林宣示李會員鳳山提議

高級官往來於馬路上往往巡警阻止行人躲避如有躲避不及者即行執槍威嚇似覺不妥嗣後可否免其斷絕交通

鄧會員逸安謂前因發布戒嚴令各守望巡警遂不免有干涉過當之處現在戒嚴解除自應屬其和平對待免人民之恐

元年五月十五號

殷會員錦波報告現在守望巡警多係程度不足指揮車馬往往干涉過甚如前次大柵欄守望巡警與本會員車夫之衝突皆係此故應請各警區善爲訓誡以免動生事端龔代表仙舟謂前日之事該警實屬不好本會員已加申飭矣

元年六月五號

李領袖紹林宣示李會員鳳山提議

守望巡警指揮車馬處理設有不當應如何懲罰

龔代表仙舟謂須視其情節輕重辦理

李會員鳳山謂譬如轎車與洋車相撞無大損傷經警士干涉坐車人出以名片其車似可放行乃往往車夫違背規則坐車人亦被拘不放殊爲不合

龔代表仙舟謂兩車相撞若無大損傷巡警上前排解自可數言了事放行若損傷過鉅勢必帶區辦理僅以坐洋車令一紙名片恐亦未能了結惟現在巡警程度大低軍警團體以內之人遇巡警管事有不當之處即可函電詰問以便開導

元年八月二十一號

李議長紹林報告日前本公所巡警因賭積怨仇殺至一人違斃四命正凶林勝當卽拏獲已由區解廳移送審判廳審判矣此事實爲最不多名譽之事在會諸君當借爲殷鑑並請對於部下隨時諭告防犯免生此弊(衆贊成)

元年十月二十三號

李代表鳳山提議

現在冬防喫緊各處守望巡警最宜時時注意乃近來守望巡警在大街通衢者尙能盡職偏僻處所者卽不免有偷閑之弊應請各區多派稽查以提守望之精神

緝員會少卿謂區內所派稽查不過巡官巡長其能否盡職尙難深信惟區長區員夜裡輪班查夜視守望之勤惰以嚴行賞罰則偷安之弊自免矣

陳會員自珍謂現辦冬防本區已向總廳聲明夜間守望宜變通辦法多設活動崗位故夜裡守望警在偏僻地方者居多

黃會員憲廷謂各區守望警程度不齊深夜偷閑勢所難免現在廳區日夜均派有輪查之人稽查者果實力奉行此種弊病自當減少

振會員敬軒謂本衙門巡兵夜來在街面者甚少在偏僻胡同者甚多正以防竊盜潛踪也並各派有稽查以核其偷惰昨日本衙門接有內務部公事云嗣後派出稽查應與兩廳參錯時間互相稽查以免疎漏之弊

錢代表澤農謂現在內務總長每夜派有密探暗查巡警勤惰各區區長可將此種情形告知警士

二年二月十九號

錢代表澤農提議

(一) 自去年迄今巡警不能實行警章此中情形諸君皆已深曉惟維持地面全賴

巡警軍隊祇能用威力鎮懾而不能隨時維持請在會諸公指示應如何維持巡警之威嚴使之能實力奉行警章以收美滿規復秩序之效

李議長紹林謂此事亟應整頓但非總監下一廳令恐難發生效力

錢代表澤農此事總監雖可下令然扶持之道總在全體應請諸君研究一完全辦法
李議長紹林謂完全辦法愚見擬請各署長實力整頓一面仍請總監一令認真實行
錢代表澤農謂此係兩層辦法如能再由公所通函各軍隊則更爲完全

李會員子裁謂向章對於未穿軍服之軍人違警本照普通人辦理至對於現着軍服之軍人究應如何辦法是否仍送憲兵營或稽查處請研究

李議長紹林謂自應照舊辦理不過法令行之日久不無疏忽之處今日提議及此本爲改良進步起見總之以後在警察一方面應實行警章在軍隊一方面亦應重申禁令以收軍警互相維繫之效

二年四月二號

李議長紹林宣示李代表鳳山提議

地方警察原爲維持秩序預防危害爲其職務近固恐有不能實行職務者故又添督

察員多人以迫促其進其法至美善惟近聞督察員執行職務似有稍出範圍者應請各督察長諸先生再申訓令以免動起衝突

李議長紹林謂此事關係督察名譽不小可將職務章程詳爲解釋自免濫出範圍之弊
(衆以爲然)

二年四月三十號

錢代表澤農宣示

一 行政警察長在街巷站崗有觀正指導一般人民遵守警章之義務嘗見警察遇有人民口角爭論乃傍觀不問俟其已互相撕打則執行勤務將人帶區請辦藉邀勤能之獎至因大小便被罰往往有類此者請研究辦法

一 行政警察既有指導人民之責遇有愚民或老幼蠢曠在街巷通行卽應指令靠路邊行走以免爲車馬所碰以重人道請研究之

衆謂應通諭守望巡警防患未然並隨時指導

二年九月二十四號

錢副議長澤農宣示陸軍部總務廳公函一件(附錄原函)

逕啓者據報告警兵換崗每多徒手前往即將退回之一人所有裝械卸與新班之人云云似此當街卸換服裝軍械既不足以肅觀瞻且對於匪徒或外人不啻告以裝械缺乏乃用此種辦法殊於觀瞻有碍易生宵小之心用持函達貴處希卽會商辦法切實整頓可也此致

又謂此項情形見者頗多大約警區對於此事總有爲難之情今日警界人來者甚少俟下次各區署長齊集再研究改良辦法

鄧會員宇安謂巡警換班誠如前函所謂應赴廳提議設法改良

第四十二類維持市面案

元年四月二十四號

劉代表少谷提議

維持市面以錢莊票號放心開市爲至要蓋商人嗜爲心但見有一家獲利各家皆爭先開市矣現在內務總長以維持市面之故苦心孤誼在東四牌樓開設豫豐銀號其初本欲用軍警官銀號之稱嗣因範圍太小不能有益於市面故仍用豫豐爲名蓋豫豐銀號爲數年前總長所設以濟警界之銀號也昨日開市內外城警餉皆用此號洋元票惟該號因注意市面所製鈔票多係通行之一元五元十元三等數目未免於警官發餉不甚合用今擬加做三元一張鈔票以便應用應請軍警兩界先以各本管之用款在該號兌換使市面各錢莊知此新開之銀號獲利甚厚必不肯讓人獨步而陸續開張者必踵接也於市面大有裨益請在會諸君試研究可否而表決之（此議經衆表決應照議辦理）

元年五月一號

李領袖紹林宣示李會員鳳山提議

各舖戶門首所粘之被搶一空字樣可否一律除去

(此條經衆表決由各警區告諭商舖)

元年五月八號

李領袖紹林宣示李會員鳳山提議

各舖戶門首所粘之被搶一空可否設法除去(未見實行)

殷會員錦波謂各處柵欄往往不到十鐘卽行關閉前夜曾面告商家云諸君之命早關柵欄者蓋以柵欄之堅可恃無恐也不知有柵欄而兵力以衛之恐柵欄亦不足恃衆商感悟已允十二鐘後關閉矣

徐會員怡庭謂各舖戶之被搶揭帖去者已多其未去者宜從緩勸諭勿事強迫

元年五月二十九號

李領袖紹林提議

所有各省及府廳州縣遭遇兵亂之處市面商業頗受損失現在秩序稍定彼此通融各家難免因欸目等項致有輾轉擬請設法維持以舒民困緩期分年以清積欸恒會員樂峯謂市政維持會現已擬定詳細章程辦理矣

元年十月十六號

李議長紹林宣示李代表鳳山提議

變亂之後將及期年市面之人心總未十分安靖稍有事故人民及各機關驚疑萬狀紛紛電往往公所無從答覆嗣後地面如有特別事端即請管區先行電告公所以便轉答各處解釋疑慮

第四十二類維持市面案

第四十三類對於民團商團各案

元年五月一號

李領袖紹林宣示李會員鳳山提議

現在站段各民團商團可否由公所一律編號以歸畫一

龔代表仙舟謂地面刻已安靖軍警足資保衛此項民團似可撤銷

錢會員澤農謂現擬挑選游緝隊巡警改編一機關槍保衛隊俟組織完備商團自可撤

銷

元年十月二號

李代表鳳山提議

前假商務總會地點會議時商會同人（因商團有保護地方關係）請求入場與議亦經同人表決準入場與議自議場移入城內商會人員即少於到會應否函請入場以符前言

李議長紹林謂此議因天津軍警聯合團隊有商團在內而此處無之諸君研究應否許其加入

黃會員憲廷謂商會前次到場與議因事與該會確有關係嗣因軍警秘密不便知會故久未到場據本會員之意商會與兩廳有市政維持會凡事可以直接相商不必來此與議

春會員小山謂有關係商會之事由兩廳直接不必來會與議不特與軍警秘密有碍且權限亦清

劉代表少谷謂此事應以黃會員之言爲然（衆贊成）

元年十二月十一號

李議長紹林報告李代表鳳山提議

商團之設本爲維持市面起見其性質實與巡警無異現在地方秩序已經回復若仍荷槍帶劍適以啓人民驚異之心可否令其取銷請諸君討論

黃會員憲廷謂現在商團不屬於警廳又不屬於商會而屬於各本處之團防公所實不易令其撤去槍彈

錢代表澤農謂此事兄弟可以暫爲担任但須與之商妥方有確耗

元年十二月十八號

臨時議長錢澤農報告上星期三提議

請商團白晝撤槍一事現已與之議妥白晝一律撤槍佩劍

二年四月十六號

李議長紹林宣示李代表鳳山提議

警察與商團性質既別權限亦分乃近聞商團團丁行動常有侵越警察職權妄行干涉人民之事應請警察官廳與商團明定權限以免妄爲滋事

李會員子裁謂現在商會組織之保商隊業將成立所有團丁自當取消此條似可勿議
二年十一月二十六號

李議長紹林報告京師商務總會函一件（附錄原函）

敬啓者現本總會辦理保安商隊學習有成者已幾三百人極應研究進行辦法以期精密仍應與軍警聯成一氣俾志合情同承 示每星期三赴 貫處討論一切以便聯合欽感之至今商定內城董事陳遇春趙研農外城董事呂琢如高子良郭芝田共五員輪流屆期前往渥領 大教惟會期每逢星期三則聞命矣開會鐘點仍乞示知至爲禱盼專此奉佈祇請公安鵠候諒言不既

又謂商會加入公所會議有無窒礙之處請諸君討論之

黃處長俠仙謂商會要求加入會議不過聯絡軍警以求商會發達意思若不許其加入殊負聯絡美意若逕許其加入又恐有碍秘密以弟之見公所特別會議自不便令其到會至於通常會議可否許其加入請大家研究

黃會員運興謂公所純係法定機關集合而成彼商團係地方私法人若允其加入是公法人與私法人混合一處以與軍警聯合名義不甚符應再爲斟酌

黃處長俠仙謂商團亦含有保安性質未便公然拒絕請諸君再爲研究

黃會員紫珊謂黃先生之論係取聯合廣義此事若取廣義不獨商團可以加入其他團體亦無不可加入既經加入則公所會員之一切發言表決諸權利當然不能拒絕似乎仍有未妥

李議長紹林謂三位黃先生之論各據理由殊難折衷於一是據兄弟意見不如仍照從前辦法遇公所與商團有關係事臨時知照馮潤田先生出席不必每次與會諸君是否贊成請表決（衆贊成）

第四十四類分送內務通告案

元年五月一號

李領袖紹林宣示李會員鳳山提議

內務通告務令各戶周知方爲有效各區巡警於送通告時常有偷安之弊應請各區
飭知巡警須按戶分送一張

黃會員運興謂此實非巡警偷安緣每日所發通告不敷分送應請內務部增加數目再
飭警按戶遞送自易周知

錢會員澤農謂增加通告之事應請各區開具數目送交公所以便函請總長照單添發
董代表祥周謂是宜先將各區上中戶數開送公所再行請示辦理

元年五月二十二號

振會員敬軒提議

請轉呈 總長於步軍統領衙門兩翼應給內務通告二百張以便分送外城各管區
域以正謠言因城外各處多看小報每有不實之謠言易攪人心應分送通告以較正
真妄此議已呈請 總長核辦矣

元年七月三號

李議長紹林提議

內務通告皆詳載地方之事現軍警既以聯合可否關於軍隊之重要事項或上官之演詞凡解釋人疑之事項可皆可送稿登載以示聯合之意

錢會員澤農謂將各軍隊官長演說詞稿送至本所以便照登

張會員潤澤謂規定公所章程亦宜登入通告

元年十月十六號

李議長紹林宣示李代表鳳山提議

各區分送內務通告原爲登載事實使住戶不致輕聽浮言妄生疑慮惟各區警士分送通告時有偷安之弊以至人言嘖嘖擬請各區詳細調查以杜此弊

董代表祥周謂內務通告現在刷印之數有限各區平均每區不過四五百張若按戶發送實在不敷現正商議祇于通衢及胡同口相地粘貼概不分送以免向隅至巡警偷安置不分送一節各派出所該有巡長監督恐尙不至如是

第四十五類軍警考究射擊案

元年五月一號

錢會員澤農提議

現在地方已靖駐京各軍警應請於平日實行考究射擊術以備事之時用少數以擊多數以免紛亂不力之弊

(理由)彈壓地面追擊土匪遊勇在城市之內射擊無把握之兵最難合用茲於平日考究射擊術既可富其戰鬥力又可使不致因生事

元年十月九號

李議長紹林宣示李代表鳳山提議

嗣後各軍隊有練習野戰及演習射擊走隊等事務請先期將其時間地段及經過路綫函送公所以便通告地面免滋驚擾

(此條當衆表決應函知各軍照辦)

元年十月二十三號

李代表鳳山提議

時屆冬令農事畢收正是軍隊試演射擊之時前議軍警兩界組織打靶會至今未能實行茲擬及時趕辦務令下級官長一律到場射擊其有技術較優者擬給予贈品以勵其能贈品之籌設仍由兩界公攤諸君是否贊成

又謂打靶略籌獎品尙不難辦理惟子彈一項須預爲籌畫

劉會員紫坡謂現在正當打靶之時此項子彈卽可由打靶項下報銷

元年十一月六號

李議長紹林宣示李代表鳳山提議

前日提議軍警兩界創設打靶會一節已經衆贊成但打靶會章程尙未規定今日應舉起草員厘訂章程以便早日實行

劉會員冠亭謂此項章程應舉李鳳山君起草至於打靶地點俟章程定妥後商之兩廳及提署均可辦到

李代表鳳山謂打靶之事惟錢君澤農經驗最富以爲起草員甚是相宜

李議長紹林謂章程起草不妨多舉幾人卽時公推錢澤農李鳳山劉冠亭振敬軒四位先生爲起草員

元年十一月二十七號

李議長紹林報告

禁衛軍步隊二標函稱敝標現擬演習實彈射擊所有經過地方靶場附近應請轉知以免驚疑

二年十月二十二號

李議長紹林宣示

拱衛軍後路司令部函一件略本路各營自明後日起指安定門外黃市北首輪打靶請分知各機關俾免驚異

二年十一月十九號

主席陳介卿先生報告拱衛軍因定在彰儀門外打靶函請轉知各機關事(原函略)

第四十五類軍警考究射擊案

第四十六類關於偵探各案

元年五月一號

龔代表仙舟提議

各區偵探所有之偵探費前議由區先行墊發俟用終造冊報廳再由廳呈部請領層折太多甚爲不便擬每月由區報公所逕請公所代爲領下以省周折

錢會員澤農云如此辦法甚好應按月據冊代爲呈領

龔代表仙舟提議

各區偵探報告有由區送廳再報公所者有由區逕送公所者內外廳未能一致應商一直捷辦法以保秘密

李會員鳳山謂各區偵探報告應直達公所方能保守秘密(衆以爲然)

元年五月十五號

錢代表澤農報告各區隊偵探費現定由內務部發交內城總廳總務處第二科領支

元年六月二十號

錢代表澤農提議

前日偵探會議表決有偵探發現之案當審訊時無須該偵探到堂對質以免妨害繼續進行應請各區照議辦理

龔代表仙舟謂前日提議

此案係我區之偵探渠因前次將一探出之案送往總廳總廳於提訊此案時電傳該偵探到案對質渠不願出席故有議嗣後應請各區凡偵探發見之案勿庸令其對質如案至總廳傳其對質可詳述其情由區派人代往(衆以爲然)

元年十一月六號

李議長紹林宣示李代表鳳山提議

各處機關均派有偵探原意不過希圖消息靈通但各處所派之偵探理應聯合以便遇事敏捷且免各機關誤會再北京之偵探專爲偵探北京之事項現聞天津駐京偵探在京捕人往往不知會地面以至滋生事端殊爲不合應從嚴取締爲是

錢代表澤農謂天津偵探在京捕人不知會管區實爲不合擬致函該局嗣後遇有案件須通知地方衙署然後捕人

劉會員冠亭謂取締偵探捕案俟回廳議出辦法再行答復

元年十一月十一號

李議長紹林宣示李代表鳳山提議

京師各機關均派有偵探在外偵查事端而所用執照未能一律地面衙門實難于辨認擬將各偵探執照規定一律以便攷查

錢代表澤農謂應由公所去函說明理由請參謀部規定方可歸於一律(衆贊成)

二年五月二十八號

黃會員憲廷報告日昨有偵探三人在敝區轄境津南試館搜查與住館人李某王某互相口角經巡警帶區詢問始知爲執法處所轄之京衛軍第五營所派三人共持無名執照一張當一面勸李王兩人勿與計較一面電告該營派人將其帶回及派人來署乃該偵探等抗不回營並稱敝署已將伊拘留許久伊不能歸嗣由署電達公所轉告情形經該營電召三人始行回去等語

二年七月十六號

李議長紹林宣示外右四區警察署公函一件(附錄原函)

敬啓者本月十四日下午六時餘巡官張得忠報稱巡警郁俊巡邏至米市胡同中間

有三人在延賓館外向該警密稱該館內住有王立笙者行爲可疑於大局頗有關係懇請偵查等語該三人中有一人自稱係李醉樵住驛馬市大街聚魁店係進步黨參事并未聲明是何機關所派等情當派巡警李振芳郁俊便衣偵探旋據報告王立笙現不在館其僕人楊喜於下午八鐘餘出館往北而去巡警李振芳郁俊先後跟踪密偵得楊喜至順治門內成公府夾道口與同行人站立約十分鐘旋進該巷內馳跑入門牌第三號院內未出云云又派巡官張得忠巡長文德往聚魁店調查李姓情形據店夥云李醉樵名嵐安徽人住第十六號房內携有眷屬係國民黨黨員等語於今日上午七時巡長楊文德稱楊喜已返回延賓館當派巡警穆津泰偵查於上午十一時餘由館乘人力車往北該警亦乘車尾至順治門內耳朶眼胡同下車至六部口交通部見其入部多時復出向西行走楊喜見該警跟踪當即轉向該警詢問姓名該警答以彼此行路何必盤問詎料楊喜擅加暴行掌擊該警面部遂由六部口跑來不知姓名六七人聲勢洶洶楊喜即率衆毆警並用繩索將右腕捆縛曳進六部口內該警見南來巡警三名當即喊救幸經勸阻帶至內城右一區第七派出所楊喜向派出所聲稱伊等係執法營務處欲將該警帶至本處訊究該警隨將本署所派情形亦告知

該派出所楊喜仍不干休將該警帶至六部口郝姓家內欲行搦拷當有該院東屋內走出三人阻止并詳詢跟踪情形云已電知本署飭其回署該警復回該派出所據該所巡長英桂云已據情報告該署令回本署等語同時本署接執法處郝姓電詢本署穆津泰是否派其偵查并云延賓館王立笙即伊假名楊喜亦伊所派囑守秘密旋據內右一區警察署電云穆津泰已令回署各等語至下午五時餘本署所派偵警穆津泰回署報告前情衣褲均被撕破面部及腰等處皆紅腫據稱內部受傷兩脇甚痛當飭醫院醫治查現在地面吃緊本署既有人報告延賓館內住有可疑之人且於大局有關自應派警偵查以覘情實據執法處郝姓電稱延賓館住客王立笙伊假名楊喜伊所派當差之人楊喜自是官人何得違法擅加暴行并率衆毆打又曳至郝姓私宅欲行吊拷即以穆津泰身穿便衣不知是本署所派偵警作對人民亦不應如此妄爲穆津泰現送醫院醫治內部受傷能否即日可愈尙不可知茲據前情相應函報貴所查核此致

惠會員經士當將始末情形重爲說明

李議長紹林謂此事諸君研究究應如何辦法

錢代表澤農偵探路遇偵探此爲常事既雙方說明何能仍有野蠻行爲可由公所致函執法處請其嚴加約束

李代表鳳山謂致函該處以愚見揣度必無效果不如上書

大總統請求下令禁止較爲有益

全日

查會員富華報告日前進步黨開會本區派人到場彈壓有拱衛軍偵探帶有手槍經巡警查獲詢無執照本應卽行扣留復經電詢始知係帥府園所派但便衣攜帶手槍若無執照甚爲危險應由公所致函各機關對於便衣偵探携槍應一律發給執照以昭信守而利進行

二年十月二十九號


陳評議長介卿報告前因下令戒嚴畫一執照敝營曾由北京警備處領有執照數十張皆未填書探員姓名以敝營所派之人皆係輪流遣派本無一定員數不填姓名蓋取其携帶活便也茲恐各機關見有此項無姓名執照誤認假冒致碍探員進行特此報告請各機關隨時注意再偵執照關係極重若不在其位卽應繳銷乃近來各處軍有

已不在公署而執照仍然佩帶以致執照在外招搖嗣後應請各部分如有開差及告退人員務請於去職之日將其執照退回以免後患

二年十二月十七號

李議長紹林報告步軍統領衙門來函一件（附錄原件）

敬啓者前經北京警備處頒給統一偵探執照當即分發營翼偵緝各隊持用現准警備處函稱本處截止辦公前發偵探執照應即註銷等因前來除將此項執照註銷外所有五營兩翼偵緝各隊仍由本衙門發給偵緝執照以資信守並將執照式樣函送貴公所查轉飭所屬一體週知可也此致（附送執照式一紙）



執 照

步軍統領衙門為發給執照事本衙門緝捕盜賊訪拿奸宄所有派出偵緝官弁等均發給執照一張手槍一桿在京畿一帶偵察緝捕仰地方官暨軍警等勿得攔阻並希協助須至執照者

右仰 收執

中華民國 年 月 日

第四十七類組織軍警日報案

元年六月二十六號

李會員子裁提議

組織軍警日報報紙鼓吹之功利於毛瑟欲爲軍警界設一講道情意交換智識機關俾軍人警士日曉然於兩界內容之事故則創辦軍警日報是爲要務此報組織似可由公所組成一部分人員分任編輯事宜其調查報告則請各營隊廳區及各省軍事機關分送並撰成白話論說詰誠軍警其費用請 總司令陳明 大總統設法籌撥每月數百金可以集事則軍警之消息日通而利益未可殫述矣 董代表祥周謂須先籌有的款再行組織

第四十八類燃放子午炮案

元年七月十號

李議長紹林宣示外城總廳提議

教育部燃放子午信炮酌定適中地點議案附錄外城總廳提議之件

頃奉內務部傳開准教育部咨商擬設子午信炮速即酌定適中地點申覆等因查禁衛軍已規定施放午炮是否同此一事抑或另定地點及如何放之處事關燃放炮火請公議決定

錢會員澤農謂燃放信炮宜擇一最高適中之地點務令合城知曉方爲得當

董代表祥周擬在德勝門安定門之間安設

錢會員澤農謂可否在順治門正陽門之間安設之（衆皆贊成）

李領袖紹林謂燃放信炮地點在前門順治門交點之城牆上業已經衆會員認可應即在該處試放但于何日試放請外廳知會本公所由本公所轉知各軍隊以免驚疑
二年五月二十八號

李議長紹林宣示京師警察廳公函一件（原函附錄）

逕啓者據督察員報稱本月二十二日夜十二鐘查至黃橫街聞右安門外放槍一聲居民甚爲惶恐探詢行人有謂係南苑軍營掩門砲有謂係該營子午砲順風時城內聞之甚顯現在謠言甚多人心惶惶擬請函詢該營是否當放掩門砲及子彈砲等情前相應函請公所查明見覆以便登諸通告而釋羣疑是爲至盼此致又謂此事今日三鎮無人到會可由公所去函詢問

第四十九類關於街道衛生風俗各案

元年五月八號

李領袖紹林宣示李會員鳳山提議

各處所派之馬遞均勿庸在道疾馳一免誤碰行人再免市民驚疑請諸君歸諭屬下俾共知此意

(此條衆會員均承認照辦)

元年七月十號

禁衛軍步四標田獻章提議

(一) 在當街食物及當街擺飲食攤營業者於風俗交通均有妨碍應請地面官署禁止

黃代表祥周謂此事關於小民生計須籌完全辦法方能實行

(二) 維持路政須由限制各種車輛入手冀請妥擬辦法

鄧會員逸安謂欲維持路政固非從改良車輛不可然車輛改良實不易辦冀代表仙舟謂改良車制辦法內外兩廳必須詳細商定式樣以期完美

(三) 內外城大小胡同石礮太多應設法除去
李會員子裁謂此條恐不易辦如能辦到于交通實爲便利

(四) 內外城警士應調查飲食物以重衛生並各樂戶之一切設置均應在衛生上注意

龔代表仙舟謂關於此條應辦事件前內務部已有命令到應現正著手辦理

全日

鄧會員逸安提議

正陽門內棋盤街石路坑坎不平應改修馬路再大清門前之石柵欄擬請折去一半並石柵前之兩段官房亦一律折去以利交通

董代表祥周謂前日由內外兩廳提議

正陽門內棋盤街一帶翻修石路後因款項難籌議遂中止現經鄧會員提議翻修馬路因車制尙未規定該處又爲車馬交會之衢改修馬路終難持久不如仍將石塊翻修以期久遠經衆會員贊成擬由本公所函知內城總廳轉申內務部辦理

元年八月十四號

崇會員蔭軒提議

內外城僻靜之地凡有溺痕及污穢處所行人即隨意小便不幸者被罰幸者免焉此爲一般社會之惡習亟宜設法禁予以重衛生擬請各警區飭清道夫役將凡有溺痕污穢處所一律掃除乾淨庶此弊可免

鄧會員宇安謂應飭夫役掃除以祛此弊

元年八月二十一號

李會員鳳山提議

溜馬者常在馬路行走殊屬不便有碍交通仍請各區一律實行禁止馬路上溜馬以利交通

劉會員冠亭謂此事應請轉告各軍凡馬夫溜馬限於便道勿令放之馬路致生阻碍
李會員鳳山提議

清道夫役原無教育常有于道路洒水時故意濺人衣服致生口角仍請各區隨開導爲宜

劉會員冠亭現在各區水夫均有專管嗣後若遇有此項情形請即電告該管區隨時申

飭

董代表祥周謂此事祇要將時間地點記明告區自易辦理

元年十月二號

李議長紹林宣示李代表鳳山提議

各巷住戶倒穢土之處未經指定每至任意傾倒實於衛生交通兩有妨碍應請各警區設法整頓以期街道清潔

鄧會員宇安謂此事因地面太寬土車太少之故若要將各處穢土一律挪運盡淨非多籌經費另立專局不可

振會員敬軒謂前歲曾有大車卸載出城飭令代挪穢土之舉然此事非冬日不能辦（蓋冬日大車皆有圍子故也）

鄧會員宇安謂此事有一最好辦法現公所辦貧民院將來即請選擇壯健貧民分住各區幫移穢土以共收養之人辦公共之事似較爲妥善（衆以爲然）

元年十一月二十七號

李議長紹林宣示李代表鳳山提議

(一) 每晚七八鐘時各街擊拆鳴鑼之聲洋洋盈耳不知是何用意現在巡警四布此項傳更之法實屬無用可否將其撤銷

黃會員憲廷謂此事本極細微然各商家所以至今未廢者約有两層用意一爲報告火盜各警一爲安置無業之人現欲撤銷此事須與商會協議方可

楊會員欽三謂各街充當更夫者多係無業之民一旦撤銷則此輩失業亦屬可慮擬聽其自爲何如

錢代表澤農謂現在祇宜與商會去函轉告各街商戶每晚打更不宜太早到十二鐘以後須責令實行傳更於地面亦不無小補(衆以爲然)

(一) 街道清潔爲衛生之必要注重衛生爲警政之大端在两廳所用之清道隊人數不多未免不敷應用亟應添設特別清道隊分段掃除既有裨於衛生且可消納壯年貧民

王會員少荃謂外廳久擬增設特別清到隊現固內務部允撥之款未經發下故尙未實行

錢代表澤農謂此款既內務部允准遲遲未發公所與外廳均可去函催問

全日

李議長紹林宣示李代表鳳山提議

食物小攤自由營業原屬一種習慣但沿街參錯擺列實於交通大有妨碍可否設法取締一整市面

衆謂此爲地方固有之習慣卽東西各國亦在所不免此議應行取消

元年十二月四號

李會員白民報告上次議決已辦事件

函致總商會籌議改良更點

元年十二月十一號

李議長紹林宣示李代表鳳山提議

各商團所設一更梆前次已經提議業由公所函達商會促其改良現在尙未實行擬請黃會員代爲催問

黃會員憲廷謂此事兄弟雖可担任但有無效力不能預定必因各街梆更之設并無統一機關有此困難恐難收劃一之效

元年十二月十八號

臨時議長錢澤農報告各街打更現已議妥每夜從九鐘起一律實行打更

二年二月十九號

李議長紹林宣示李代表鳳山提議

現在天氣溫暖各街巷傾倒之穢水穢土漸有臭氣實與衛生有碍應請各警署嚴飭清道隊竭力掃除以重衛生(衆以爲然)

二年二月二十六號

李議長紹林宣示李代表鳳山提議

各街巷禁止傾倒污穢水土前已屢次提議乃朝飭掃除暮又如故若不嚴嚴加禁阻實與衛生有碍應請各署長速容置髒穢地點庶地面可一律清潔

鄧會員宇安謂此事各署正在籌畫中擬與各住戶定一傾倒穢水時間過時不准任意傾倒並發定罰則一律實行果如此辦理似易於收效

二年三月五號

李議長紹林報告陸軍部總務廳來函一件

附錄原函 逕啓者吾國喪儀焚化冥鏹相沿已久徒耗物力雖覺無裨實用然仍無大害惟京中葬者多沿街焚燒紙件火光觸天不但有碍交通且屋宇鱗次尤多危險可否提出軍警會議設法勸禁以祛陋風此致

李議長紹林謂此函係由京畿憲兵營轉來但此事爲習慣問題日久相沿一時恐難禁止然因阻碍交通并預防危險起見應請諸君研究

振會員敬軒謂此事應從根本上着眼當知此事但禁止而此一般舖店必有失業之憂愚見以爲可從緩辦

吳會員玉璞謂此事能否一時打消固屬根本上之問題但就交通上危險上兩方面而論總應設法改良應請各警署注意

黃會員紫珊謂此事以阻碍交通并預防危險而論當然亟宜禁止故警章有焚化場之規定但一般人民俱以不便一時難得嚴重取締愚見以爲祇可徐圖改良(贊衆成)

二年三月二十六號

李議長紹林宣示李代表鳳山提議

京師地面已經掛牌之醫生濫竽充數者甚多按此種營業與人民生命有絕大關係

似不可不詳加甄核應請警察廳嚴爲考驗以免庸醫悞人

李會員白民謂北京掛牌行醫者向由本廳衛生處考驗批准方得行醫後雖改由教育部核驗文憑卽准懇牌然一時尙難實行故現在醫生仍由本廳考驗未有不經考驗而行醫者此條似可勿議

又提議現氣候不良時症發生亟應實行清潔凡各街巷之髒水穢土應請各區署嚴飭夫役勤加打掃以重衛生

陳會員建侯謂街道不潔其防碍衛生猶小各溝眼臭氣薰蒸其防碍衛生實大現已由廳會議將各處溝渠次第淘汰實行清潔之法矣

二年四月二號

李議長紹林宣示李代表鳳山提議

重載大車及放溜駱馬皆不准直行馬路久已載在警章卽公所會議已屢次提及乃近來各軍及陸參兩部之馬夫仍時有於馬路溜馬與巡警齟齬者應請軍警長官於兩方善爲導以免互起猜嫌

劉會員潤泉謂日前敝區方磚廠地方實有此事其原因爲馬夫在馬路上溜馬巡警上

前攔阻該馬夫將馬撤放故與巡警爲難巡警當將帶區並將逸馬追住電請該管來區認領嗣該管派人已到馬夫仍橫不依理經多方勸解始去 啟區又恐該馬夫見其長官挑撥是非又與劉統領去信一函陳明原委始爲完事此後應請公所與各軍去函務請各將部下馬夫嚴爲約束以免動與巡警衝突

李代表鳳山謂公所應與各軍去函請其嚴爲約束

全日

李代表鳳山提議

便道小攤阻止交通警廳早已禁止但偏僻處所仍有此弊且有爲類似賭博之行爲者應請各區署從嚴禁止以利交通而維風化

二年四月九號

李議長紹林宣示李代表鳳山提議

白事深夜誦經實屬方害公安現雖不能禁止應請地方官廳出示曉諭限制一定時間以保公安

李代表鳳山謂種禮俗對於公共安甯大有妨害應請警廳限制一定時時方好（衆贊）

成)

二年四月十六號

李議長紹林宣示李代表鳳山提議

各戶門前之上馬石現由警廳令其撤消以利交通其意至爲美但各府門之欄路橫木近逼道路亦應一律勸其撤去以除障害是否可行請諸君研究

李議長紹林略謂此項檔木實屬妨害交通然不與之預商遽爾令其折去究與優待皇室之意未免不合鄙見擬先將各有碍交通之物先行掃除淨盡然後再議此事諸君以爲如何(衆贊成)

全日

又提議各區洒水夫役每于洒道時任意亂潑不顧行人被潑者若稍加責問該役卽惡言醜詆勝猶不止此種行爲最易滋事應請各區署飭令巡官長警隨時開導以免動與人民衝突(衆贊成)

全日

又提議黏貼廣告原有定所各區署久已明白佈告乃近來偏僻之處仍有在人家牆壁

隨意粘貼者應請各區署嚴行禁止以整齊市之觀瞻（衆贊成）

二年四月二十三號

李議長紹林宣示李代表鳳山提議

各街巷道路高低不平現已派夫墊修誠爲美善惟低凹處所所墊皆係污物穢土值雨則泥濘沒脛若遇晴臭氣逼人實與交通衛生均有妨碍應請各區署安定辦法務使一律清潔爲要

李議長紹林謂修理道路不獨僅利交通卽於衛生亦大有關係迺該該夫役每每用污土培墊臭氣薰蒸殊非講求清潔之道應請各區署注意

黃會員憲廷謂此事係衛生處專責各區署權限所及請由公所直接與警察廳去函

二年五月七號

李議長紹林宣示李代表鳳山提議

胡同巷口皆設有厠所以備行人便溺現在天氣漸熱臭氣逼人實屬有碍衛生應請各區署督飭打掃厠所之人勤加掃除以重衛生

衆謂此事固應速辦但其中有種種困難請俟下期再議

二年五月十四號

李議長紹林宣示李代表鳳山提議

夜間馬隊出巡總須按轡徐行方免驚擾乃近來馬隊夜巡街巷常有飛馬疾馳如遇有非常變改者殊非鎮靜地方之道應請派出馬隊之機關速爲諭禁免滋驚擾錢代表澤農謂夜間馬隊巡查者每每有跑行爲人民見之不免疑慮以後似宜緩行爲安

劉會員少谷謂可由公所致函稽查營務處請飭馬隊無故不得疾走

二年五月二十八號

吳會員玉璞報告白事燒送明器易惹火災前經公所提議禁止在案乃日前敝營駐所之傍忽有人燒送明器其地恰與敝營馬房相近甚爲危險嗣後應請各區著對於此項情事實行禁止免生意外

黃會員運興謂焚燒明器已有廳會由巡警指定地點方准焚燒否則照違警處罰此令現均一律實行似可勿慮

陳會員自珍語亦全前

二年七月十六號

李代表鳳山提議

各街巷住戶每於夜間暗將污水傾倒路中不獨關係衛生即於交通亦大有妨碍前已提議表決近來此風仍未稍減若不嚴行禁止規訂罰章何以收衛生警察之實效請請各區竭力查禁以除此等惡習實於行人住戶兩有裨益也

第五十類辦理軍人各案

元年四月十號

李領袖紹林謂錢代表澤農報告昨將應議之件開呈 段總長核定茲開列於後

在京現所駐以武衛右軍爲最多倘遇右軍兵丁生事從何處報告宜定准一處以免
波折

總長批 總司令呈段香帥

全日

振會員敬軒報告四月七號有便衣軍人王承恩等二名身無執照在德勝橋洋車廠子

內搜查物件經本隊緝獲已訊供送執法營務處

殷會員錦坡報告前日有南苑憲兵身着便衣在廊房頭條首飾樓盤獲有售賣首飾之人即欲帶走經巡警代回右一區嗣由區送入本會員營中查關於軍人案件果照該區之法辦理軍警萬無衝突之虞

徐會員翼亭謂近日軍人在外多爲冒充稽查在外滋事者實於京城治安有害本營務處自今日起五日內晚八點後不稽查此數日晚八點後若有軍人稱在外稽查者

卽行拏送本營務處辦理

劉代表少谷謂晚間如有三五成羣在街道行走者雖著軍服各區巡警亦須查驗執照者卽可拿送本軍或稽查營務處

元年四月十七號

李領袖紹林宣示李代表鳳山提議

軍人外出以晚八時爲限上次會議時業已表決如過時巡警卽可查拏等語（但此事雖經表決而巡警亦須出以和平若干涉太過恐生惡感）

李領袖紹林謂軍人在外有不法行爲自可拏辦如無不法過爲干涉似又不宜當以溫語勸之使去

陳會員公寬謂限制稽查及限制軍人夜行諸多窒礙似均可以不必惟認是否有不法行爲如真不法自可拏辦如無不法卽可縱之使去

李領袖紹林謂此事經前表決現剛實行似不便忽又解除俟行一二星期後再商辦法

全日

又提議前表決凡軍隊在外滋事卽交稽查營務處辦理惟現在軍隊機關有二如禁衛

武衛左軍武衛右軍均各不相轄嗣後各警區遇軍隊關涉之案如係禁衛軍即交禁衛軍警察隊如武衛左軍則送殷統領處如係武衛右軍則送稽查營務處庶免折
(此條警界已允認照辦)

全日

金會員同川報告云日前執法營務處有兵目一人兵士九人不知會本區竟持槍到八大人胡同洋車廠搜查脏物並未携有執照巡警上前阻攔幾致衝突現已奉由總廳函詢該處今日公所會議軍警兩界俱於此即請籌商善法免致再有此事

汪代表星南謂日前之事係^敵處稽查半道發生事件倉卒未及報區以致來函責問^敵處對於此事正為抱歉現已通飭本處稽查嗣後無論何項案件總須知會管區會同辦理

又提議軍警督察長現已委任嗣後凡遇關軍警兩方重要事項可否於公所會議請督察長出席表決以昭慎重

(此條各會員均贊成)

元年四月二十四號

黃會員憲廷提議

凡土匪逃兵有犯一經正法其罪當然消滅該犯屍身似不宜久露街衢以致交通衛生兩有妨害嗣後各軍正法屍身應請早許收埋方好（此議經衆表決應早收埋）

元年五月八號

李會員鳳山代表馮軍統提議一條云

無論何種軍隊如確有不法行爲意圖擾亂治安破壞大局者必須從嚴懲辦以昭炯戒各管長官萬勿再事姑息以啓驕心

振會員敬軒謂前日本隊隊兵因醉放槍幾肇亂端已罰往習藝所禁錮矣

恒會員樂峰各軍隊懲罰兵士實不一律應請海陸軍立法機關速定海陸軍刑法以歸

畫一

全日

李領袖紹林宣示

執法處陸君致錢會員函云茲有友人于新如兄言河間一帶當第三鎮兵變時所遺槍械甚多前曾派員前往收買因辦理不善以致鄉民不敢呈繳如有軍警兩界正式

公文派員前往于君願作鄉導今囑伊親趨叩台端面陳一切請綽酌示辦等語

錢代表澤農謂此事應再派人前往收買

徐會員怡庭謂稽派查查實後再行酌辦

恩會員潤泉報告陽歷十二號後門天和茶園有便衣三人到園聽戲時客坐已滿伊等邀求加坐幾於決裂彈壓巡警上前解勸告以改日再聽伊等謂巡警不應干預此事致生口角旋率禁衛軍十餘人將彈壓巡警揪打隨即散去巡警受傷甚重已由區給錢醫治似此情形殊於軍警聯合有碍應請禁衛軍代表商之同事嚴爲約束免致將來再有衝突

錢代表澤農謂此項事端莫妙於發生之時隨即電告公所轉請查辦若爲時久殊爲不易查

李會員鳳山謂此事已往又無憑證實不好辦理嗣後再有此項情事請即電告公所本軍一面亦應多派警察隊常往該園稽查庶免再行事端

元年五月二十二號

崇會員蔭軒提議

嗣後遇有禁衛軍目兵在外滋事不受巡警指揮時應立即電知公所或該管營隊以防衝突若事隔多日再行發覺該管營蓋不負責任

全日

張會員維周報告萬生園擬由明日開辦遇有軍人遊逛該園出半票以示優待之意現由本處派目兵十人在該園常川駐守以防軍人衝突當面通過各處

元年五月二十九號

孫會員輯五報告本月二十六號在蓮花河地方有軍政執法處衛隊兵丁乘坐人力車在禁止車馬通行之小巷通過經該處守望警攔阻不服正在衝突之際復來兵丁數人將巡警毆傷當時扭獲四名已送執法處自行核辦不意次日復有執法處衛隊兵丁在花枝營地方故意尋釁毆打巡警又有數十名兵丁在本區門前大罵幸經稽查第四局官長帶兵前來彈壓始各星散等情宜如何設法維持

元年六月十二號

李領袖紹林宣示李代表鳳山提議

駐京軍隊之兵士在市面無論有何事項發生經管區截留後調查明白電知公所再

由公所電達各機關或總司令處（如關於毅軍電達殷統領關於禁衛軍電達該軍警察隊）以免別生意見

元年七月十號

李領袖紹林宣布高會員侍楓致公所函一件

敬啓者竊本員於本月七號因事出城帶有馬夫呂雲海一名該馬夫於下午七鐘在打磨廠三順車店袒衣乘涼被巡警看即吩咐云爾將衣服穿上該馬夫云穿上就穿上巡警罵日真真狗孫該馬夫云因何罵人該巡警云爾尙不服麼該馬夫云你要罵我我便不服該巡警上前竟將該馬夫打一嘴把揪住辮髮非得上區不可路過蘆草園分住所又來巡警二人云不用多言打完再說又用指揮刀背將該馬夫痛打一頓始行送區收管一時觀者如堵咸以巡警張口罵人動手打人爲不平彼時本員得信後即電請公所與左一區打電說明理由復經本員親到左一區與區員徐君接洽始蒙將人釋放查該馬夫在車店內袒衣乘涼固屬不守禮法巡警吩咐穿衣亦係盡其責任乃該馬夫既已違命穿而巡警始則罵以狗孫繼則飽以老拳終更擊以指揮刀在本員固不敢計較惟如此舉動似與巡警名譽不無關係可否請由警區嚴飭巡警

嗣後勿再動輒辱人是爲切禱並頌公安

附錄外右一區來函

敬啓者日前順天府馬隊隊兵呂永海當街赤背不聽禁止與警巡衝突一案昨日貴公所會議經高君歷述該隊兵被屈情形惟據本區巡警報告當時情形似有與高所述微有不符者試一陳之緣是日巡警續恆在打磨廠東河市場迤西守望見一人赤背在馬路旁站上前勸阻伊反叱巡警管伊不着著昂然不理復經一再阻止仍一味蠻橫不服該警欲將伊帶區伊遽行反抗將該警肩章揪住經多人勸散卽竄入一車廠內將衣穿著大罵而去該警以其橫暴若此並不知爲軍人是以將伊帶走及行經堂子大院第十二派出所門前伊遽將該派出所屋門推門強要進內歇息當經該處守望巡警李寶德禁阻不聽復又與該警揪扭不肯釋手經原帶巡警及該處住舖戶人等多人解開以致該警頭髮被揪下絡右腿亦被踢有微傷迨帶到區內猶復嚷鬧不休不服理論是時卽接貴公所電知所帶違警人呂永海係順天府偵緝馬隊隊兵囑令由伊本隊帶回辦理旋該隊管帶高君侍楓親自來區說明遂將該隊兵交付帶去及該隊兵走出區門時又故意不走經高君大加呵斥始隨同走去此當目此案之

大略情形也相應函請貴公所查照一併登入記事錄爲荷此請公安

李會員子裁謂巡警如有不循警章之行爲應卽嚴加管束萬無袒護之理

劉會員紫坡謂以後遇有兵士與巡警衝突兩方面長官各自約束各本管兵士自可化除意見不致再起衝突

元年八月十七號

李議長紹林宣示左翼游緝隊連管帶報告茲附錄於左

敬啓者案據安定門報告陽曆七月二十九日晚十鐘有石虎胡同當差謝姓欲行進門因無執照未能放入至次日早京防馬哨所頭目王景昌等用木棍將守門長兵打傷並搶去刺刀等情業經 敝處調查毆人者確係王景昌劉中山喬武興等三人現在被傷長業已延醫調治至所失刺刀號碼一千一百九十一號敬請 貴所轉知查明擲還以便懸差其毆人之頭目等應請并查辦理以肅軍紀而全名譽專此敬啓卽請
公安

錢代表澤農謂此事已由執法營務處察知其情將該日懲辦委所搶刺刀一把由本會員函知執法處不日卽當送還

全日

鄧會員宇安謂各街巷胡同幽僻之處常有軍人隨意便溺之事巡警若向其干涉必致大起衝突請各軍詳爲告諭勿令再有前項情形

又報告前日有拱衛軍軍人在本區界內某處與民人聚食洋洋煙爲巡警探知該警因有軍人在內不敢過事干涉遂含糊解散倘俟後再有此事應如何辦理
王會員凱臣謂軍人若有此等行爲宜直接拘罰

張會員薊閣謂軍人違警不宜直接拘罰宜以和平對待
崇會員蔭軒謂對於此事本會員有一最好辦法如有軍人違警當用婉言誘之入署以和平手腕詢其姓名軍籍一面電其本軍請派人帶回自辦務令本人不知似爲合法
張會員薊閣謂此事宜相其情節輕重重者自當按律捕拏交本軍處辦輕者總以和平對待爲是

盧會員金山謂人犯有輕罪一面羈留其人一面函函告其總機關派人密查至如何處罰聽該管自行辦理事後自無嫌隙

湯會員仲言謂此事可簡捷言之則大則拏送本軍自辦若細小之事可解勸則解勸之

若實在不能解勸時再行電告其總機關我警界總宜相機處理

黃會員憲廷謂軍人有犯之辦法盡於前之二種但有一事大家均應知道現在之時代尙爲軍事善後之時非純然警察之時代何以言之現因大局未固所有駐京軍隊一時不能外調以致隨處皆有軍人駐紮處此時代巡察手段總以純用和平卽有干涉亦屬萬不得已請各軍長官遇警察干涉軍人各官長亦宜爲體諒萬勿因此致生嫌隙

全日

曹會員鳳池報告日前本軍糧台屬兵在內右二區因與人鬪毆致與巡警衝突後經右二區函告已傳該兵嚴加申飭矣

又報告現在無量大人胡同之機關槍隊已撥歸本會員管轄矣前日該隊在左一區毆傷巡警之事已向其再四開導該隊官隊兵皆俯首聽從嗣後想不致再有前項行爲矣

元年八月十四號

崇會員蔭軒提議

長近聞軍隊駐紮處所附近嘗有窩藏娼賭情事此實發生是非之源應請各區從嚴驅逐免生事端

鄧會員宇安謂此事應兩方協同辦理一由警區嚴查禁止一由各軍密查報區庶易盡行驅逐

全日

李議長紹林報告日昨在西直門見有軍人多有但著軍衣而無帽褲者有已穿軍褲而無衣帽者有戴帽者有海髮齊眉髮辮長拖者種種怪像殊不雅觀應請各軍代表及會員嚴爲查禁以肅軍容

又提議現在南省軍官來京者甚多擬擇日擇地開茶話會一次以資聯絡(衆均贊成)

元年九月四號

李議長紹林宣布拱衛軍公函

敬啟者按查右路第四營右三正勇鄭明善於八月二十一日在營潛逃枋帶服裝等件私往通州於二十四日隨同兵變乘機搶劫以身受刃傷倒臥途次當被紅十字會將該兵救送協和醫院經本路稽查員查獲提解回營訊供潛逃通州隨同搶掠不諱

當經稟明

大總統暨總司令飭由營按照軍法從事已於八月三十一號將犯兵鄭明善綁赴朝陽門外鎗斃業由該營分別逕報

大總統暨總司令在案第恐外間謠啄繁興該生疑誤用轉函達貴公所會期宣布藉釋羣疑

元年十月十六號

李議長紹林宣示李代表鳳山提議

京師一帶稽查處已成立已久該機關所轄之兵在外發生事端應歸何處辦理請諸君研究之

潘會員燕生謂該機關係陸軍稽查自應送歸陸軍警察隊辦理

李議長紹林謂嗣後無論何處軍人在地面發生特別事項請先電知公所酌商辦法

二年七月二號

湯會員仲言謂近日遇有軍人在下處滋事經警區拿獲送交該管而該管不言滋事軍人如何辦理惟將被害人送回該管區請其釋放按軍人在下處滋事多有毀損器物

情事軍人實立於被告地位似此辦法殊多不合應請諸君設法維持

王會員明軒謂軍人在外滋事該管亦甚爲憤恨萬不致出於袒護嗣後若遇前項事端請各警察署送交該管辦理既可實行懲戒且免動生惡感

吳會員玉璞謂如此辦理自無不合惟各軍官長知協力維持之意者甚少若遇不知此意者或仍行袒護又當如何近聞各憲兵營有合併消息此亦統一機關之法但是否辦到尙不可知以愚之見仍請各軍長官擬出一定辦法方爲有效

錢代表澤農謂此事俟軍事會議時爲議案苟議有一定之法再行商同辦理（衆以爲然）

二年七月二十三號

李議長紹林謂軍警聯合兩軍以來成效昭著雖云京師地面之福實由諸公在事協力同心始有此良好之結果乃近日軍警之間又不免小有衝突公所爲聯合機關自應設法維持以盡責任日前因有京衛軍人累在各區地面滋事各區紛紛函告公所請轉知該管約束其時公所本擬抄附原件函請答復又恐文書往來致滋悞會因前次會議表決由公所函請陸先生出席商酌此事今日陸先生既派于秉良先生代表到

會卽請英先生將各區關於京衛軍軍人滋事之函當衆宣示再議維持之法

當由英會員煥然將外右四區外左五區及京畿憲兵營各函挨次宣讀

李議長紹林謂以上各函辭意甚長除已載入記事錄外其未載者可抄出一份請于先生帶回請求陸先生設法維持以安地面且陸先生現爲警備副司令地面之事實負有絕大責任將來如何辦理務請貴軍知會公所

于會員秉良謂敝軍屢在地面滋事皆由管理不善所致兄弟實爲惶愧惟敝軍人數衆多於駐在地方滋事實所不免然各區凡有通知敝軍者無不分別懲罰惟事後未能函告公所故同人多有不知今公所既以此事相質兄弟自當面陳一切盡力維持以副同人之意

李議長紹林宣示徐州來電（電文已刷印分送送茲不再錄）

第五十類辦理遺失人各案

第五十一類偵查謠言案

元年四月十號

龔代表仙舟報告前由公所議決各警區須派偵探嚴查造謠生事之人昨經本廳各區會議有偵探辦法數條茲開具如左

(一) 偵探造謠執行之範圍

凡反對共和政治以致擾亂公安者皆是

(二) 偵探造謠執行之權限

以本區界內爲原則如事有牽涉他區界內或於他區界內確有所聞者准其隨時隨地偵察而實行逮捕人犯搜集證據時須會同該管區辦理

(三) 偵探之費用

應預先領款若干以備隨時支用如有特別用項應卽隨時請領核實報銷

元年四月二十四號

錢會員澤農報告自唐總理回京有各部留十人之說昨日內務部全體辭職幸內外兩廳維持警區尙不致爲謠言所動別有動作趙總長關心至切諄屬我軍警兩界諸公

此時大局之危狀人人皆知現在無論如何爲難受損總宜以維持現狀爲主至本身之進退本無輕重亦不必因旁人之言自生疑懼於激烈軍隊尤應時時注意以防變亂(衆以爲然)

元年五月八號

錢會員澤農報告民意報載宗社黨購買人骨製造炸藥一則按人骨實非造炸藥之品此謠言不知起于何人各區應派往查是否確有其事以免搖惑人心

元年五月十五號

李領袖紹林宣示李會員鳳山提議

近來京津兩處謠言頗多凡充任偵察偵探者務祈竭力進行(但各派出偵探之機關處務祈嚴密督飭)
衆謂應請各機關竭力進行

元年五月二十二號

崇會員蔭軒提議

民約報陽歷五月二十一號載有宗社黨之風聲緊一則內云昨探得確實消息宗社

黨圖謀不軌已將在京之第一鎮禁衛軍游緝隊及在通在京之毅軍聯絡妥協不久即將起事仍主滿清等云云嗚呼風聲如是緊迫當道究未識如何處置以上調撥等語意欲破壞大局應請詢問該報館此事係何人探得何人登報並請從速更正爲要事關大局不得不實力追究至近日誣詆又起亦多如上文之意請 總長出示禁止並嚴造謠之人又中華日報前已奉

總長命令永遠停版今問該報主筆丁子瑜又欲出版此事與大局攸關如何對待請諸君會商以示慎重二議已呈請
總長設法辦理矣

元年五月二十九號

李領袖紹林宣示李會員鳳山提議

近日報紙登載王芝祥北上暗帶兵士若干並組織手槍炸彈等隊威嚇要求直隸督等語無論事虛實仍請各區及偵探諸君竭力搜查以除亂萌
張會員潤澤謂王芝祥現現住本區界內隨帶不過二十餘人

元年六月十二號

錢會員澤農報告近日內外城發生一種謠言謂禁衛軍行將潰受意圖搶劫聞此種謠言皆係某國人從中煽惑希圖擾亂民國大局以收漁人之利我軍警兩界萬勿輕信其說抑更有進者我軍警各機關一切防患事宜須如鐘表內之機輪流時刻不使停滯萬一有變自可從容錯置區區謠言自不足畏

李領袖紹林謂此事因近日欲將禁衛軍數營開往東西陵駐紮人民不解其意以致有此謠傳 馮軍統已赴西苑演說兩次蓋防其誤會云

元年六月二十號

馮軍統發言謂近日內外城謠言四起人心不靖各軍隊不免有誤聽謠言心懷疑懼之事公所爲軍警重要機關總宜設法維持消患無形方爲能盡其責若徒有軍警聯合之名而不能設法維持軍警疑懼之心於大局亦毫無裨益察禁衛一軍軍心本軍統身爲統帥尙可保其無虞但謠言太多最易搖惑軍心爲維持治安計須以杜絕謠言爲現今之急務在會諸君亟宜籌一妥當辦法以維大局是爲至幸

李會員子裁謂軍統所言查禁謠言以定人心自是現今要著但此事辦法原二種一爲治本一爲治標治本之法其權全在政府非一時所能倖辦今之所亟應籌劃者爲此

治標之法然治標亦有二道一爲出白話告示勸諭軍民勿信謠言一爲傳諭各報館凡屬易於搖惑人心之言不必登載如此辦理庶幾謠言可息人心易靖

馮軍統謂如此辦法亦尚不錯但木軍統尙籌有一防範本軍方法今日不妨當衆言之以爲凡事不在空言貴在實行實行防範軍士之法宜先從衛兵入手衛兵一遵紀律各標營即可次第約束擬嗣後無命令不准兵士外出凡有出入必從嚴稽查並責成各級官長輪流值日務令一軍每日必有两標統在署值日担任全軍事務每標每日必有两管帶在營值日担任全營事務如此管束自不致發生意外

龔代表仙舟謂李會員子裁以治本治標兩方法挽救時局所言至爲切要惟查近日現狀以言治本則官制未定軍士之心必難穩固以言治標則黨派太多謠言四起人民疑懼益深實屬無從下手乃目前本區偵有一種謠言謂中國將第二次革命發見其言實擾害大局惟此事尙未查實故未報告公所俟查出實情必爲報知至於報館隨意毀人名譽實屬無理之極擬請嗣後遇有此項情形卽以個人名義與之質問不必用團體之名貽若輩以爲口實

馮軍統謂現在陸軍官制已擬出草案交參議院核議不日當有定奪惟地面巡警多不

肯管事殊爲不鑒人意以彼對於軍人不用極端干涉手段恐惹反對我尙能爲巡警原諒但巡警在街守望終日無所事事亦屬放棄責任以本軍統私見守望巡警分不
如合與其分散各處毫無干涉實力不如合聚一處屯紮要路人多勢大無論何人違
均可實行干涉雖有捏造造謠希圖擾亂者亦無所用之萬一變出非常各軍皆可協
助總須各盡其責耳我軍警團體但能各盡其責維持之力自厚彼意圖破壞者自不
足慮

李會員子裁謂懲罰造謠生事者宜用懲一儆百之法則謠言自少

錢會員澤農謂秘查擾害大局之人內務部現已派有偵探祇人數太少組織未能完全
刻正竭力整頓一切

龔代表仙舟謂現在派出之偵探散在各區無統一之機關以督察之實不足以促其進
行擬請商之總長以公所爲督察總幾關於偵察偵探之上另設一專司督察之人庶
操縱有法方可收捐臂之效

馮軍統謂各警區偵探雖無施行之權應有報告之權誠宜籌一完全辦法方有實效

全日

黃會員憲廷謂銷滅謠言之最簡單辦法莫如將馮軍統今日出席之言稍爲潤色或登通告或發登報紙較爲切實蓋前日禁衛軍蠢動不持一般人民心不寧卽警界亦不知如何軍統以代表全軍之人今日出席將該軍倡變始末及消滅此事辦法一一當衆宣示則疑團全解矣我等回區亦當聚巡官長警明白宣告此情以便出外向人民解釋

衆謂應請照議辦理

元年七月十號

劉會員紫坡宣示內聽來函質問本路軍隊有何情形並外間謠傳本路第三營十數日前夜間有暴動之勢官長跪求方息等情今對衆解說以釋羣疑於數日前夜間駐紮富興倉之本路第三營右隊兵丁因遺失兩帽兩兵互相爭持而生口角繼至動武後至揮刀本隊官因事關重大當于夜間卽行審訊故將持器之兵丁棍責五百勢將接續棍責向本棚兵丁跪求隊官之前開恩隊官不允言及非重責不可如是本隊全體兵丁一律跪求意在寬免而隊官再三不允隊官亦卽跪求兵丁之前宣言無論如何非再打不可故又將該兵重責三百全體兵丁又求之方免此十數日前本路第三營

之實在情形因外間謠傳如此故當場宣示以釋諸君之疑而免謠傳疊起以維市面而靖人心

元年八月十四號

李議長紹林提議

孫黃先生不日來京一般無知之人不免造作謠言應請地面官署將孫黃來京之意作爲白話告示到處張貼以免一般人民誤會 衆謂現正舉辦此事

元年九月四號

錢代表澤農報告近日謠言甚多今據確實調查實出有朝陽門外一帶查該處有自治局會長德子航者其人確有關係惟其人甚能辦事應請左翼曾先生切實囑其設法消弭謠傳以固人心而免軍隊誤會

元年十一月二十號

李議長紹林宣示李代表鳳山提議

俄蒙問題之影響謠言又暫發生內務通告記載較實久爲市民所崇信可否將外蒙實在情形登之通告以息嚙嚙

錢代表澤農謂日昨有探員某君提議

略謂蒙人知識幼稚不解共和真理易致爲人所愚應將共和淺說報譯成蒙文派人分佈各蒙旗以收開通之效

董代表祥周謂蒙藏事務局現正倡辦蒙古報此事即可請其辦理以損繁雜

李議長紹林謂此事固好但恐不能實行因蒙地荒遠除二十餘堡外人皆遷徙無定派人分佈殊屬困難應請毋庸置議（衆贊成）

現在政府對於俄蒙問題雖已有準備然日俄偵探及外蒙奸細尙恐潛入京師探我行動應請各重要機關特別注意

衆謂此事實非加意防範不可

二年一月十五號

臨時議長錢澤農宣示李會員白民提議

近來謠言頗多甚有謂內城自本日戒嚴者現在庫俄協約問題尙在交涉之中此種言實不知何由發生應請地面衙門設法查禁以免搖惑人心

衆謂應一致嚴查

二年二月十九號

李代表鳳山提議

近日三海各處移交民國內外城地面謠喙繁興夫以此無根之談最易搖惑人心可否由警察廳會同步軍統領衙門張貼白話告示以安人心而靖地面

李會員子裁謂此事業經警廳呈請內務部請示辦法俟部令下來後自當遵照辦理

二年三月五號

李議長紹林提議

近因國會召集在邇外間謠言頗多若不設法消弭勢必擾亂人心應請諸君研究但在兄弟愚見我軍警兩界總廳應以維持現狀保全治安爲前提對於造謠生事希圖破壞之人自當從嚴干涉以期防患未萌

法會員寶謂此事亟宜設法消弭請由公所函知內務部速將種種正當理由詳載內務通告一方面再由各警署愷切曉諭俾衆週知以安人心(衆贊成)

二年四月二號

李議長紹林宣示李代表鳳山提議

國會開幕在即地面謠啄頻興軍警兩界應竭力維持並撰印白話佈告曉諭居民以息謠啄

陳會員建侯謂此事已由警察廳辦理

二年四月九號

李議長紹林宣示李代表鳳山提議

國會尙未開議而地方之謠啄更甚於前非嚴緝造言生但者從嚴懲治不足以維持治安應請地方官署多派偵查以防意外

李議長紹林謂近日外間謠言頗多應請地方衙門加派稽查時時偵察以防不測而靖人心(衆謂各機關均已添有偵探)

二年四月二十三號

李議長紹林報告駐京總司令混成馬步衛隊來函一件(附錄原函)

敬啓者現開國會各省代表議員均皆至京誠恐有不逞之徒藉此鼓動搖活破壞各弊端除由敝管帶暗派得力官兵以及探訪隊官兵認真嚴密訪查外敝管帶擬在大總統府及國務院附近一帶及沿路緊要之區加派崗兵數十名帮照料以備各總次

長各省代表國務員會議之期設法保護免生意外以維大局敝管帶再四思維沿路特別設衛誠恐令人反生疑慮現派出便衣之官兵均有軍警司令部執據及襟前有白布一方蓋用關防以備各處區域盤詰現敝管帶仿照巡警衣履做成數十件惟青帽之上有紅牙一道以便識別相應函懇貴公所轉函知會各該管區域切勿生疑敝管帶已經選派素日老誠可靠之官兵專司責任萬不敢干涉地方治安除星期一三五等日明派隨時前往餘日均改換便衣想我軍警一體各有保護之責各警署官兵諒必同情也

李代表鳳山略謂此項偵探之設原爲應時事之要需但所著衣帽與巡警大同小異難於分別有無妨碍應請諸君研究

年會員澤川謂此項探隊昨已出勤於地面並無妨碍

全日

李議長紹林宣示李代表鳳山提議

(一) 國會甫經開議而地方謠喙更甚於前若不從嚴查禁則地面治安卽有不易維持之虞應請各機關設法偵緝以維現狀(衆贊成)

(一) 謠言之出雖大半皆屬子虛而實足以擾亂人心現在內外城各重要之人物之住所總應嚴加守護以盡保衛之責但保衛之人愚以爲派軍隊不如加巡警未審各機關是否贊成

黃會員憲廷謂此事警廳早已計及凡容易發生事端之地均已加派巡警

二年五月七號

李議長紹林宣示李代表鳳山提議

(一) 現在黨爭劇烈謠喙叢生時局異常危險凡我軍警同人皆有維持現狀保護公安之責應請各機關長官竭力開導部下嚴守紀律毋輕聽他人浮言自亂其心

李議長紹林略謂我軍警同人向以愛國爲前提無論時局如何危險總應抱定宗旨保衛民國萬不使已成之共和國家壞於妄持黨見者之手方爲正辦(衆贊成)

(二) 地方之謠喙不息則商民之受害益甚欲趨除此弊非多派偵探明定賞格查拏造謠之人從嚴懲辦不可但此事須由各地面衙門聯合辦理方爲有效

李議長紹林謂消弭謠言鄙見擬偵探薪水以重責成

黃會員運興謂現在查拏造謠生事之人警廳已出有賞格矣

(三) 公所爲軍警總機關凡軍警兩界發生警報理應先電公所以便轉答各處電詢乃近來地面有警多不先知公所以致紛紛電詢無憑答復迨轉問他處又不能盡情相告實屬有悞事機嗣後仍請各機關遇有火盜各警先知公所以免貽悞

李會員子裁謂可由公所致函各機關注重此事

(四) 進來兩次火警出于軍隊以致市面謠言百怪千奇其中定有不法之徒藉端煽惑實于大局有害應請各機關加意防範以免意外

李代表鳳山謂應由公所致函各機關

二年五月十四號

錢代表澤農宣示李代表鳳山提議

警察對內軍隊對外雅職任攸分然既同駐京城則地方秩序與夫人民生命財產軍警亦同負有維持保護之責當此國基未固人心浮動之時使稍不留意則之訛傳最易惹出意外之變應請各機關長官對於部下隨時開導曉以大義務使不爲浮言重賂所動則大局藉庇匪淺

錢代表澤農謂近日南來奸人勾串軍隊之事時有所聞應請軍警兩界同人特別注意

以防不測（衆以爲然）

全日

李代表鳳山提議

京師使館林立地面稍有亂故最易釀成交涉於大局甚爲危險現聞南省派來運動軍警者甚多意在擾亂首都秩序以遂其破壞大局之謀各機關應嚴加防範以保治安

錢代表澤農謂北京爲中國首都且各國使館林立若不妥爲防範勢必牽動國際交涉當此謠言四起之時各國添兵之際倘地方秩序不能維持彼必藉口進兵後患實不堪設想我軍警兩界對於造謠之人非認真訪察不可

二年六月十一號

錢代表澤農報告地面情形現在稍形安靜因前昨二日南方來電將派來暴徒多數招回現潛居京師者不過少數惟此時尙在防範之時斷不可稍有疏忽應請各區署嚴加偵察是爲至要

二年六月十八號

錢代表澤農宣示禁衛軍師司令部來函一件已由公所轉致各機關查照矣（原件附錄）

逕啟者本師日前屢接蠱惑之函電曾密令參謀副官前赴海運郵局詳細調查去後茲據該員等查得國民一份子致本軍三團二營最備補二營來函二件內開敬啟者頃接得最確實最可靠消息有人在總統府告密稱禁衛軍勾通宗社黨密謀起事請速預防等語總統府已決定對付之方法如下一設法解散一移駐口外一不服從命令者悉屠戮之如此毒手段若一旦實行則我最可愛之禁衛軍萬餘滿族同胞將無噍類爲此緊急泣告我萬餘同胞日夕注意勿爲篡逆之惡賊所賣則幸甚民國一份子泣告等情復由電話聞悉步二團接到匿名來函二件本師長察視各件來函文詞相同字體稍異內多鼓動語意顯係反間之謀伏思此項來函不止四件若任其紛紛投遞誠恐日兵輕信與政府大傷感情當傳集全師官長說明此項來函乃係希圖破壞者之所爲并令回營後轉向日兵演說遇有此項來函萬勿輕信以維秩序而保治安除已呈報

大總統暨本軍統帥外相應函達

貴公所請卽查照轉各機關嚴防破壞爲要此致

第五十一類 偵查語言案

第五十二類對於報界各案

元年四月十七號

李領袖紹林宣示李會員鳳山提議

京師報館林立言論自由每致衝突嗣後言論有不正者可否禁止登載以維治安

李領袖紹林謂報館言論不正有管理之責者誠宜預爲防止免釀意外之變

劉代表少谷謂每日報紙底稿須請警廳實行檢查不正言論自可刪除

元年五月八號

陳會員雪暄謂現在共和已立五族一家近日各報乃任意宣載黨派最最生五族惡感

應請報界代表到會告以凡有不實黨派勿庸率爾登入

黃會員憲廷謂本會爲軍警聯絡機關凡事皆須秘密似不應有報界人加入

李領袖紹林謂此事即由公所函告各報嗣後凡遇派之事須調查實在方可登入否則

不必登載以免惹起釁端

全日

富會員綬卿謂我國財政支絀係實情然各報登載此事往往言之太甚殊易搖動軍人

之心可否由公所函知報館凡遇此項記載勿過爲聳聽之辭以安衆心（衆謂應請公所函告各報館）

元年五月二十九號

李領袖紹林宣示李會員鳳山提議

前崇統帶蔭軒提議中華日報繼續出版一節現該報主筆大開筆墨之談質問總廳但將來之結果未審如何再請諸君討論完全方法實力抵制而免再生衝突

張會員翕亭謂正欲報告此事前該報在內務部自認永遠停版近在各報登載質問外廳諸條欲在法庭起訴或佈告全國報界等語且外廳令該報停版係遵照部批辦理應與諸君共商討論對待方法

錢代表澤農謂該報若有所質問書外廳即可用正式公文與其開談判答覆今並未呈遞質問書只在各報登載惟不可以置之不理恐軍界誤會殊失貴廳保持治安之意張會員翕亭謂現在各報爲輿論代表卽爲與質問書無異且報紙向以舌辯爲能力恐來往筆墨將永休息之一日

錢代表澤農謂不然還請外廳與其交涉如該報不服強辯可請馮軍統判決因該報停

版之原因是因禁衛軍而起

黃會員憲廷謂若由外廳直接與其辯論恐有碍難何則現在該報館並未有正式質問書呈廳各報非公佈之機關宜用間接手段將其自認停版始末緣由宣佈報界公會董代表祥周謂亦可將此事登入通告

元年六月五號

錢代表澤農報告中央新聞被拏各人已由王揖唐諸人保出至關於東三省之案總長處已另有辦法

元年六月十二號

李領袖紹林宣示李會員鳳山提議

(一) 昨日報紙所載中央新聞大有捲土重來之語無論事之有無必須嚴行堅持以免別生枝葉或公同上書於趙總長早備抵方法請諸君討論之

錢會員澤農謂揭載傷損個人名譽之事似可置之不理如關係擾亂地方之事軍警兩界自有公同抵制方法無須再行規定

李領袖紹林謂如關個人之事或和平向其質問須視其如何行動再行斟酌對待方法

亦無不可

(二) 前因保釋中央報館之人已具函質問總長至今未見答覆仍請諸君研究進行方法或請趙總長出席宣示以釋羣疑

錢會員澤農謂日前面見總長云諸君質問之函責備甚是不日即當親自出席一一答覆

全日

袁會員峻亭報告共和實進報載南營捕擊中央新聞報館之件
李領袖紹林謂請錢會員澤農送呈趙總長閱看

元年七月九號

段會員香岩提議

本月七號國風日報載 袁總統通電之裁判一則信口謾罵希冀惑人聽聞言論自由雖為報館之天職若無端詆毀

大總統不特為法律所不容即我負有保護總統責任之軍人亦得而干涉之矧民國初立各國尙未承認根本最易搖動豈容再有此不根之言淆惑衆聽擬請討論對待辦

法以保全 大總統之名譽並以維持地面之治安

治會員鶴清謂報律現既不適用報館即與普通人無異按普通刑法之毀壞名譽罪暨妨害秩序罪處斷似無不可

段會員香岩謂暫行刑律第二百二十一條妨害名譽罪第三百五十九條妨害秩序罪均可引用應用檢察廳提起訴訟

王會員芹齋謂南京所定之報律報館既不承認現在暫行刑律業經頒布當按顛覆政府罪名起訴爲是

段會員香岩謂現在辦法應分兩層第一以軍警兩界名義質問報館第二層舉定代表質問法庭或高等地方檢察廳請公同表決

江會員兩臣謂我主張質問法庭以暫行刑律既有明文法庭萬無推諉之理

王會員芹齋謂以軍警名義質問檢察廳提起訴訟自是正當辦法據我之見不若直接質問報館較爲簡捷

趙會員智菴謂正式訴訟雖無不可然現在刑律諸多未備恐無良好之結果應對於已往未來兩方分別辦理已往之記載先從質問入手未來之事實可仿照英國現行於

香港辦法凡開設報館須取兩家保結不必有特別法律之限制若報館記載失實一涉訴訟即惟保人是問此等辦法並與政體不相抵觸可提議有參議院請其規定

馮會員華甫謂軍人與報館均應遵守法律報館趨出法律範圍任意謾罵我輩以軍警全體名義爲正式之起訴其結果若何究難預測莫若變通辦理邀集報館開正式談判似較爲正當

趙會長謂對於已往之事可由談判曉以利害關係至於未來之事仍須請參議院規定持平條件一經規卽是公認條件將來報館不能不遵倘僅以軍警名義干涉彼必藉口輿論與之辯駁

王會員芹齋謂現在黨見最深辦理稍不合法卽易發生他故吾人目的第一在令其更正第二在令其不再登此第搖惑人心之言本此辦法一面派人到該報館詰問一面另派安人出而調處倘該報館更正認罪卽是達到目的其結果較之起訴實爲兩全

段會員香岩謂或以拱衛軍名義詰問或以軍警全體名義詰問尙須研究

治會員鶴清江會員兩臣殷會員錦波均主張用全體名義

趙會長謂派員赴該報館詰問自是治標之法一面仍須請參議院規定治本辦法較爲

萬全

議決辦法

- 一 由王廳丞親赴該報館詰問飭令更正
- 一 請參議院規定取締辦法
- 一 為預防各報館嗣後再有此等搖惑人心之記載特由軍警兩界選代表數人以
為交涉之預備

計開代表諸君職名如左

禁衛軍	李管帶	飛鵬	字紹林
拱衛軍	王管帶	朝舉	字廷軒
執法處	魏隨員	臨浦	
稽查處	張稽查官	光祖	字巨卿
高等副官處	董副官	書春	字玉齋
毅軍	陳幫統	應傑	字俊卿
內城總廳	鄧區長	心章	字逸安

外城總廳 祝科員 瑞霖 字雨人

步軍統領 恆幫統 成 字樂峰

順天府 高管帶 履宸 字侍楓

元年八月二十八號

李議長紹林報告衛生報載消弭兵患諧文及軍界致殷統領匿名函並報館答覆外城右一區書

又宣示外城右一區報告茲附錄於左

外城巡警右一區爲報告事本月二十四日給孤寺殷錦波統領出示匿名軍界人來函內附八月二十號普通衛生報一紙據來函略云該衛生報諧文欄內所載消弭兵患第五條語多毀謗本軍隊人對於彼報意欲暴動幸經勸止惟恐其他軍人欲行逞忿故求殷統領勦辦等情殷統領因該報館地屬右一區轄內用將原函交付敝區查辦當向該報館查問旋據函稱八月二十號報內諧文實係錄晉陽公報并非本報之稿云云敝區以該報採錄他報材料雖事屬笑談但迹其字面究與普通軍人名譽有碍遂傳該報編輯人劉德泉至區大加申飭該輯人亦頗知悔因飭更正並囑其嗣後

採報務宜慎重渠以允從其辦理殷統領交付查辦衛報之大概形情除報廳外相應將原函并報紙附送貴公所查照宣布可也

元年九月十八號

李議長紹林報告北洋軍警團隊聯合部本部因北京國風日報捏造天津專電謂軍警交關暗潮甚烈各等語函謂就近起訴事已由公所飭令更正矣茲錄公所覆於左
敬復者本月十一號接閱

貴本部函稱本月八號北京國風日報載天津專電云前次軍警交關尙未了結日來軍警暗潮甚烈聞係復仇等語查兵丁與巡警衝突一案經兩造長官同意移交督練公所核辦靜候公判天津除保護習藝所馬兵數十名外並無駐兵該報謂軍警暗潮甚烈不知何所據而云然顯係造謠離間希圖擾亂值此人心浮動我軍警兩界極力維持尤慮不逮曷可任其煽惑茲軍警兩界同人會議公決懇請貴公所就近訴諸法庭依法懲戒庶遏亂萌而維法紀大局幸甚各等因函知前來敝公所接閱之後以現在法庭組織尙未完全若而之起訴恐致稽延時日當即會同外城總廳立傳該報編輯人告以前情並飭速爲更正茲該報於十三號第二頁更正矣理合奉復即詢公

安

元年十一月二十號

錢代表澤農質問

自俄蒙協約發生以來全國多數主戰民氣激昂自是國家之福但各報館往往對於理想外交長篇闊論發爲問題如謂日將侵我滿洲英將擾我西藏以虛挑實貽害匪輕應請兩廳速與各報館熟商以後令其對於無形外交不必再登以至予人口實江會員兩丞謂應由兩廳函邀各報主筆開一茶會互相討論以免因理想而受實禍張會員蕙閣謂兩廳招待報館每星期本有一次茶會可以不必另開春會員小山謂應與其總機關說明方能發生效力

元年十一月二十七號

李議長紹林宣示李代表鳳山提議

有聞必錄雖爲報館之天職然漫不加察任意登載亦與時局有碍卽如中國公報所登之燕山劫炭錄全係兵變之事可否由公所函商各報請其勿庸登記以維軍人名

譽

錢代表澤農此事應請兩廳以私人名義與交涉不必由公所去函（衆皆贊成）
王會員少荃亦承認回廳商辦理

元年十二月四號

李會員曰民報告中國公報所登燕山劫炭錄已由外廳其免登

二年三月十二號

李議長紹林宣示李代表鳳山提議

近來報紙登載淆亂是非之言甚多若不設法取締則將來之語言更無限制恐於大局有碍仍請警察廳設法取締以正言論範圍

錢代表澤農謂報章造謠可以置之不理自然消滅於無形若與之計較適反以增其價值（衆以爲然）

二年五月七號

李議長紹林宣示李代表鳳山提議

報紙宣載南北備戰日出愈奇雖事屬子虛而實時以擾亂人心搖動市面亟應設法取締以維現狀請諸君研究之

李會員子裁謂此事內務部已有公事到廳飭令取締現本廳對於各報之記已特別額外注意

二年五月十四號

錢代表澤農報告前日特別會議潘會員蔭生代表京師警察廳提議取締國風日報煽惑軍警之事現已由檢察廳起訴

全日

李議長紹林宣示李代表鳳山提議

近來報館之登載異常離奇若不嚴重干涉將來造言生事亦無限制去年公同舉定干涉報館人員所以未能實行者因兩界抱鎮靜主義大局粗安即亦相忘仍近來報館無理登報更甚有前似應踵續前議以正妖言嗣後各處閱報如遇登載擾亂大局事項即請將報送由舉定各員前往干涉前次公舉各員名單如一時不能覓出今日可當場另舉以便通知

錢代表澤農謂現在報紙謠言更甚即日舉定交涉人員以便遇有不正言論與之交涉當由衆會員公推臨時交涉員十五員其機關姓名列左

步軍統領衙門雷樂峯先生

毅軍劉少谷先生

警察廳汪仲臯先生

京師憲兵營陳介卿先生

拱衛軍王庭軒先生

禁衛軍李少林先生

順天府張芷帆先生

京畿憲兵營朱玉軫先生

參謀本部崔昌周先生

稽查營務處董玉齋先生

陸軍部宋一勤先生

京師一帶稽查處王旭九先生

總司令部衛隊曹鳳池先生

陸軍第三師魏松濤先生

拱衛軍司令處周硯農先生

二年七月十六號

李代表鳳山提議

此次李烈鈞倡亂湖口各報登載每多失實之處搖惑聽聞關係甚大應請地方官廳嚴行干涉凡無稽之言一概令其更正並將實在情形逐日登載內務通告以釋羣疑而維治安

李議長紹林略謂江西亂事各報登載每多失實應請地面衙門實行干涉令其更正以

免惑人聽聞（衆贊成）

二年七月二十三號

李議長紹林謂近來各報登載江西戰事每多捏造煽惑之事我軍警兩界應一實行干涉一面覓宗旨純正之報選最確電報按日送登以靖謠言（衆以爲然）

二年十月二十九號

錢副議長澤農宣示順天府中路巡防隊隊官等公啓一件附錄原函

逕啟者竊因趨然報污我軍人名譽隊官等曾呈請各機關究懲日昨由郵奉上原呈想邀貴會鑒及隊官等竊思貴會有維持軍警之責必不漠視順天之軍隊任報紙肆行污垢務祈貴會會期公同維持並請將會期日時示下以便屆時公推代表蒞會候教不勝盼切肅此順頌公綏

又謂此事不能直接辦理可由公所函請警察廳傳詢該報館追究投稿之人從嚴懲以全軍人名譽

第五十三類對於外人各案

元年四月十七號

李領袖紹林宣示李會員鳳山提議

東交民巷斷絕交通已久現在秩序恢復戒嚴令已經解除可否商之外務部勸其將鐵網土袋撤去以安人心

振會員靜軒謂不特東交民巷爲然其東直門角樓地方自陰歷正月十二日起俄人卽派兵駐守東北兩面均設卡子惟值班隊兵許其通行便衣人民概不許往來其阻害交通亦與東交民巷等似應均令撤去方好

李領袖紹林謂是宜請總長函商俄領使令其撤去阻碍之物該公使不允時宜商之總長從速組織一確有保衛力之隊伍分紮內外城使外人信其可靠不必設險自衛則兩處之阻碍物自然撤去

元年四月二十四號

錢會員澤農報告東交民巷障碍二十一號各國武員會議皆願取消惟各國銀行大班藉口東西安門尙有防阻之佈置應請禁衛軍之軍官提議取消防守品理由凡軍事

之防守但能有備即可恃不必佈置完善也祇要各物料全備一遇有警數分鐘即可成工何必平時設置致增障礙此際人心未定正宜示以鎮靜方爲切要我國自設之防必先爲撤去然後勸告外人專爲有効

元年五月一號

李領袖紹林宣示李會員鳳山提議

東交民巷之障礙應請其撤收而本地方之障碍物須先行調查是否一律撤去方免外人藉口

元年六月二十號

李領袖紹林宣示李會員鳳山議件

齊化門苗家地每日有外國兵在該處打靶城鄉人民不免聞聲驚擾應稟請內務總長轉請外部與外人交涉嗣後各國之兵若往該處打靶務請先行知會警區以便告知人民免致誤會生事衆謂應由公所函請總長辦理

元年八月十四號

崇會員蔭軒提議

東交民巷一帶凡我中國人入其界內雖小有隕越無論何人均得按章處罰而外國之人入我中國禁止通行地方竟隨意行動各官署不敢過向殊爲不平如正陽門城樓原爲我國禁止通行之處仍往往見有美國衛兵在該處隨意吹號亦若以地爲音樂演習所者此事於國權國體兩有攸關應請諸君討論辦法

全日

鄧會員宇安謂前門城樓在陰歷正月十二日以前尙無此項行動自正月十二日以後遂隨意盤據按此處係提署所管向駐兵看守現爲外兵所據其爲彼毆逐或爲我退讓均未詳悉俟問明提署再行報告總長轉請外部與之交涉

元年八月二十一號

富會員勒恒報告各處馬路常有外國人自溜韁馬車碰人巡警向其勸告彼卽毆打巡警此事應請內務總長轉請外部與之交涉

全日

鄧會員宇安謂此事無須由部轉請交涉嗣後各區可嚴飭巡警遇有此項事竭力可與抗卽攔阻之如力不可抗卽與直接和平交涉

元年九月十八號

李議長紹林宣示李代表鳳山提議

又報告內務部函知日本公使館衛隊在萬壽山附近練習野戰事茲附錄于左
逕啓者准外交部咨准駐京日本公使函稱本館衛隊於本月十七日至二十四日在
西山北麓黑龍潭白家疇三柱山地方演習戰鬥射擊請轉飭該管妥爲照料並曉諭
附近居民知悉等因到部業經傳知內外城巡警總廳暨咨行步軍統領衙門轉飭該
管營訊妥爲照料並曉諭附近居民知悉在案爲此函達貴公所查照可也專此順頌
公安

元年十二月十一號

李議長紹林報告李代表鳳山提議

中國之城樓向爲重地卽本國人民亦不准任意遊行迺近日美國兵士不遵公法往
往成羣結隊荷槍而行於國權國防兩有損失可否與之交涉令撤銷

鄧會員宇安謂此事已由警區商辦數次毫無效果

董會員祥周謂此事應請外部與之交涉

二年六月二十五號

主席錢澤農又報告拱衛軍護兵在東交民巷乘車行走迅速爲該處巡捕阻止致起冲突爲該巡捕拿去殊與我國警察權有關現參謀部次長提議擬設法收回該處警察權以維國體未知能辦到否

二年七月二號

錢代表澤農謂上次會議參謀部陳次長提議

設法收回交民巷警察權未能表決就兄弟由各方面觀察要辦此事須由內左一區先將該處附近樂戶實行取締此事一有頭緒該處警察權自可陸續收回今日左一區署長未能到會祇好俟下星期三會議再爲提出研究

第五十三類對子外人各案

第五十四類保護參議院及國會案

元年七月三十一號

李代表鳳山提議

參議院宜當嚴重保護現參議院之議員如吳谷殷等而爲外人恨如骨髓始汴省議會已出意外恐被其傳染現有地方之責應如何設法保護以維治安

李議長紹林宣示忠告參議員揭單

李會員子裁謂外廳對於此事已出示查禁內務部亦有保護議員之令

錢代表澤農謂保護議員辦法應由該院清查入場券入手

董代表祥周謂現在欲保護議員莫要於取締槍枝凡私人攜帶槍枝者必令報告該管官署發給執照若有槍無照立即罰辦

二年三月二十六號

李議長紹林宣示李代表鳳山提議

現國會議員散住京師至宋案發生恐又別生枝節請地方官廳帶派得力人員實行保護以維大局而安人心

李議長紹林謂近日各省議員紛紛至京政黨議論叢生我軍警團體總以國家爲前提萬不能使已成之民國爲少數人驅之危亡乃我軍警團體方以鞏固國基爲念不意日前又有宋先生被刺案發見上海致生種種疑竇現政府正飭嚴緝兇犯護後必有水落石出之一日我軍警同人對於現在之情狀總須盡心維持不使另出危險爲是

二年四月九號

李議長紹林宣示李代表鳳山提議

現在國會業已開院將來議事難免無意見紛起衝突之情我軍警兩界對於國會應如何保護請有專責

李議長紹林謂政黨意見各執開議之日難免不生衝突若衝突激烈必生危險我軍警兩界總應先事預防方好

李會員子栽謂國會開會警廳有保護之責現已選巡警二百餘名分駐兩院隨時臨場彈壓如有十分緊急力不能及之時自當請求軍隊補助(衆以爲然)

第五十五類代辦官車案

元年八月七號

鄧會員宇安報告頃接本區電告云刻有拱衛軍人拉用官車與禁衛軍人衝突後經巡警及軍官力勸始各散去現在軍隊甚衆需用官車之處亦多而順天府官車局又不可靠應請公所設法另組官車局一處以免後來拉用官車動生事端

李代表鳳山謂順天府官車局既不能辦理此事公所自可設法立一僱用官車機關以備各軍應用容日邀集各軍長官籌議辦法俟辦法商妥凡各軍需用官車即可預電公所派人代辦自免衝突驚擾之弊

元年八月十四號

李議長紹林宣示公所副設官車處章程

董代表祥周謂現在官車制度已經消滅官車二字似宜酌改

鄧會員宇安謂宜改爲軍用備車處(衆皆贊成)

李議長紹林謂今日應當場舉定備車處管理員

劉代表少谷謂管理此事以地面官署人爲宜擬舉高會員侍楓爲備車處管理員諸君

以爲如何(衆均贊成)

元年十一月二十七號

李議長紹林宣示李代表鳳山提議

日前公所組織備車處原爲軍隊自行挪雇車輛最易驚擾地面故有此項規定惟組織未備每至呼應不靈如前日爲第一師代雇大車頗費周折嗣後若再有軍隊用車應請何部分之機關担任代雇以免忙亂

鄧會員宇安謂對於此事有二個要點一宜注重車價取信于車夫二宜聯合車頭以期一呼而立集若不先將此兩層辦妥斷難集事

錢代表澤農謂此事宜我出舊日車頭令與本公所接洽方可辦理

振會員敬軒謂敝衙門原有包雇車輛之頭目我可找出飭赴公所商辦一切
錢代表澤農謂取信車頭實爲重要嗣後雇定之車若已經到場而軍隊不用者非由公所擔任代索車價不以昭信用卽請敬軒先生覓出車頭以便籌議進行之法

第五十六類預防觸電案

元年八月十四號

崇會員蔭軒提議

電氣爲利最廣害亦極大在稍知電能殺人者尙不至有所觸犯而一般愚民往往致傷生命應請內務部或兩警廳函商電局及電燈公司請將電氣傷人及電氣救護法廣爲刷印遍貼街衢使人週知以免枉斃生命

黃會員憲廷謂電氣傷人告白及觸電救護法前已各處粘貼應再請電燈公司多印分貼使人皆知

二年七月十六號

李議長紹林宣示李代表鳳山提議

天乾物燥電燈綫常有折斷之時行人觸之卽殞生命而救護之人亦屬異常危險若無預防方法似與尊人道之旨大相違背卽前內務通告所載觸電救護方法亦不免複雜煩難應請警廳與該公司交涉速籌救護便利方法以重人民生命爲要

英會員煥然謂此事已有人到警廳遞呈請求設法救護現警廳正與電燈公司等商救

第五十六類預防觸電案

護方法俟議妥後自當通諭人民

軍警兩界員名表

民政部

前國務總理內務總長直隸都督 趙秉鈞 智菴
已故民政部次長署步軍統領 烏 珍 恪 謹

禁衛軍

禁衛軍軍統江蘇都督	馮國璋	華甫
禁衛軍統制甯鎮守使	王廷楨	子銘
禁衛軍留守司令	田猷章	愷廷
稽查營務處	李飛鵬	紹林
步兵第二團團長	索崇仁	蔭軒
步兵第二團團附	白汝光	潤之
第一營營長	徐福蔭	召棠
第二營營長	鄭士魁	子元
第三營營長	羅宗岱	巖浦

馬

一

營

管

帶

馬

一

營

副

官

副

官

長

參

謀

官

董濟川

楊志澄

富勒恒

尙勳

榮壽

楊翼

郭玉樹

趙俊卿

法寶

何紹賢

吳中英

崇歡

黃善齡

岑紹英

拱衛軍

前拱衛軍總司令現署湖北都督

曹培基
朱葆義

拱衛軍司令

段芝貫
香岩

中路統領

張士鈺
捷三

第一營管帶

李鴻舉
提賢

第四營幫帶

傅玉璞

高國棟

曾其嚴

田早立
溪泉

左路統領

洪自成
和卿

郭以廉
銘卿

呂長順
文卿

後路統領領劉金標紫坡

第二營幫統統王汝儉小甫

第三營管管帶帶宮文彩協臣

第四營管管帶帶陳玉堂崑山

一等副官官許鍾榮源溥

張鵬超紆青

田友望望益三

胡鼎銘

閻永全

高文祿

張鳳翰

趙國忠

楊振江

孫振凱

總統府稽查官

陸軍第八師

師長	王汝賢	少甫	總司令	曹樹桐	鳳池	司令部	總參謀	盧金山	貢亭	參謀	周錚	硯農	總司令	衛隊管帶	張紹棧	周之屏	齊振德	李振龍	沈慶
第三營長	王朝舉	廷選	參謀官	曹樹桐	鳳池	第二十九團團長	梁得勝	厚山	第一營長	王全勝	凱臣	第三十團團長	敖盛周	相武					

軍警兩界員名表

參 謀 官 傅 紹 武 子 揚

毅 軍

毅 軍 軍 統 現 熱 河 都 統 姜 桂 題

統 領 殷 貴

營 務 處 張 殷 如

全 營 劉 朝 仰

後 路 統 領 方 有 田

管 帶 鄭 明 山

左 管 帶 馬 鴻 恩

許 得 勝

管 帶 姚 祥

陳 應 傑

李 得 勝

後 路 管 帶 田 興 魁

步 左 右 統 統 幫 管 管 幫 幫 五 幫

步軍統領衙門

軍 統 領

翼 總 兵

翼 總 兵

帶 帶

帶 帶

帶 帶

帶 帶

帶 帶

帶 帶

帶 帶

帶 帶

營 統

統 帶

江朝宗 宇澄

鶴春 松亭

袁得亮 俊亭

申振林 靜軒

安吉陞 嵐亭

雷恒成 岳峯

富連瑞 芝軒

年德壽 厚臣

王慶祥 瑞山

吳隆福 星五

龔德瀚 麟廡

王漢池 含英

金如鑑 子良

軍警兩界員名表

科科科科前管管管管管幫幫幫幫

右
翼
總

員	員	員	長	兵	帶	帶	帶	帶	帶	統	統	統	統
曾	常	奚	景	毓	于	劉	龍	張	王	趙	劉	胡	鮑
崇		以				殿	嘉	得	雲	春	鳳	煥	維
蔭	緒	莊	煦	秀	清	元	驥	海	龍	霖	藻	文	翰
	少	子			潤	臚	子	春	兩	潤	竹	鑑	墨
	甫	畚			泉	卿	清	泉	亭	甫	溪	堂	林

科

順天府

員

關文惠

煥章

前

府

尹

丁乃揚

少蘭

府

尹

王治馨

琴齋

前

治

中

駱育焜

午堂

前

大

興

縣

知事

王宗祐

前

宛

平

縣

知事

劉炳堃

前

偵

緝

隊

管帶

高履宸

巡

防

營

務

處

處

長

姚捷勳

繼枝

總

稽

查

王德芳

副

官

張亦鷺

芷帆

順

天

巡

防

第

二

路

統

帶

寇

宗

華

壽

山

前

丁治良

前

馬

巡

隊

統

帶

張

和遜

讓齋

軍警兩界員名表

前右路統帶 王鴻年 月濤

陸軍第一師

前步兵第二團團長 定勳 建元

砲團教練官 崑福 少甫

前步兵三團第二營長 季朝棟 良臣

二等參謀官 穆山 靜如

陸軍第六師馬隊

督隊官 潘玉田

全 張春雨

軍政執法處京衛軍

執法總長 陸建章 朗齋

京衛軍幫統 于秉良

蔡繼鐸

王 涵

右一團第二營營長 龔廣益 友三

右二團第二營營長 王智懷 慎齋

一等副官 陳正義

總理稽查營務處

前稽查營務處 徐占鳳

副官長 顧鴻恩 雲坡

副官 熊有元 仲瑜

王鳳翼 瑞亭

洪占奎 梅卿

吳鵬嶽 筱初

高等副官處

高等副官長 吳鼎元 子鏞

副官長 衛興武 燕平

副官 董書春 玉齋

第二局 官 張俊宸 麟閣

第三局 官 吳中英 鎮武

第四局 官 滕朝來 岐山

京師一帶稽查查處

稽查查長 王天縱 旭九

主任稽查查員 龔邦彥 子彬

稽查查員 林鵬飛 鳳翔

稽查查員 劉毓林

京師憲兵營

營長 陳興亞 介卿

第一連連長 林奎福

吳都文

京畿憲兵營

營

長

張輔漢

軍事處

張堃

吳金亭
朱玉軫
耀朝

總

長

蔭昌

張祖佑
養田
午樓

陸軍部

劉玉琦
張祖佑
養田

劉玉琦
荆山
召齋

軍學司司長陸軍少將

魏宗瀚

魏宗瀚
海樓

步兵上校

龔維疆

龔維疆
治初

步兵上校

唐之道

唐之道
潤甫

海軍部

軍警兩界員名表

少

少

校

劉

秉

鏞

雅

南

俊

鳳

瑞

鳴

閣

閣

沈

奎

奎

張

哲

訓

齊

兆

霖

林

振

華

姚

葵

常

參謀部

三

局

局

長

張

聯

棻

馥

卿

長

崔

承

熾

昌

周

員

繆

安

臣

稚

農

附

楊

承

溥

華

軍

學生隊

陳

調

元

全	勤	衛	司	行	總	現	全	前	前	前	山東統領前高等副官處	將校研究所所長	齊世傑
	務	生	法	政	務	任		外	內	京師警察廳及各區	馬龍標	劉元和	
	督	處	處	處	處	總		城	城				
	察	長	長	長	長	監		廳	廳				
	長	長	長	長	長			丞	丞				
李	楊	高	李	王	董	吳	治	吳	王				
壽	紹	祖	升	文	玉	炳	格	錢	善				
金	寅	佑	培	豹	塵	湘	孫	孫	荃				
	欽	保	子	少	翊	靜	鵬	鵬	仲				
達	三	卿	裁	荃	周	潭	秋	秋	翊				
三													

全 全 全 全 全 全 警 內 前 消 全 前 全 全

防 勤 察 長
內 城 總 廳 科 長
務 部 技 正

秘 書

蒲	丁	全	張	劉	景	胡	馬	倪	春	郭	潘	汪	樂
志	永		允	長		宗		大		則	麟	鴻	達
中	鑄	順	臻	禮	林	沂	榮	年	壽	泌	桂	翰	義
子	九	子	翕	冠	春	詠	仁	康	小		燕	仲	印
雅	皋	豫	亭	亭	泉	春	甫	甫	山		生	高	孫

外	外	內	內	內	內	內	內	內	內	中	中	全	全
左	左	右	右	右	右	左	左	左	左	二	一		
二	一	四	三	二	一	四	三	二	一	區	區		
區	區	區	區	區	區	區	區	區	區	署	署		
		署							署	署	署		
		長							長	長	長		
文	吳	張	陳	查	鄭	陳	黃	孫	鄧	焦	劉	陳	鄭
	文	樹	寵		際	自	姚	秉	宇	彥	恩	德	淑
華	炳	荃	錫	裕	平	珍	芝	璋	安	炳	濂	萃	綸
竹	少	薊	建	富	厚		紫	輯		麟	潤	笙	季
風	南	閣	侯	華	堂		珊	五		卿	泉	友	經

軍警兩界員名表

消	全	全	警	前	前	外	外	外	外	外	外	外	外
防				外	中	右	右	右	右	右	左	左	左
隊				右	二	五	四	三	二	一	五	四	三
長				一	區	區	區	區	區	區	區	區	區
			正	署	署								
祥	佟	黃	張	何	穆	黃	惠	張	英	年	湯	黃	盛
	佩	敦	炳	緒	酉	振	恩	厚		德		承	慶
勝	勛	薰	炎	振	辛	中	濟	田	熙	濬	綸	璋	琳
瑞	玉	梅	夔	少		運	經	潤	子	澤	仲	憲	紫
豐	甫	岑	皆	卿		興	士	澤	敬	川	言	廷	馨

全全全全全全全全前前前保保

安安
第第
隊隊
隊隊
長長

金	何	文	陸	張	張	章	愛	朱	祺	王	石	丁	祝
	鐵			清			洪	約	克	振		惟	瑞
奎	珊	崑	震	澄	春	翰	阿	之	坦	聲	英	良	霖
月			天	仲	子	月	子	幼				善	雨
川			秋	芬	陽	樵	良	航				丞	人

軍警兩界員名表

全

平國恩

全

富英霖

全

劉世雄

全

段世澄

全

陳淑

全

關振鐸

全

佟聯貴

全

楊立德

全

廖運炎

全

甯全如

全

湯銘燾

前在外左一區區長
前在軍警聯合公所辦事人員

辦事長禁衛軍參謀官
李玉麟 鳳山

副辦事長毅軍營務處
劉朝仰 少谷

文牘員

辦事員內務部技正

辦事員內總廳科長

辦事員京師警察廳警佐

辦事員步軍統領衙門科員

張 夔 健 迥

馬 榮 仁 甫

倪 大 年 康 甫

恩 實 顯 臣

劉 兆 麟 星 若

張 瑞 麟 雲 書

袁 清 泉 少 亭

榮 康 建 侯

馬 春 壽 星 南

韓 文 川 郁 如

清 旭 小 峯

隆 文 玉 舟

春 元 文 舟

龔 宇

軍警聯合公所

聯合總長軍事處總長 蔣 昌 午樓 北京

會議長陸軍少將衛憲兵上校 李 飛 鵬 少林 直隸天津

副議長陸軍少將軍警稽查長 錢 錫 霖 澤 農 浙江嘉興

代理副議長陸軍少將順天營務處長 姚 捷 勳 繼 枝 安徽

總務處長陸軍中將總統府諮議 黃 漢 湘 俠 山 湖南

評議處長京師憲兵營營長 陳 興 亞 介 卿 奉天

調查處長左翼游緝隊統帶 申 振 林 靜 軒 北京

文牘主任京師警察廳警佐 李 白 民 四川

機 要 科 員 警 佐 殷 煥 然 北京

機 要 科 員 順天府稽查員 陳 國 霖 樹 藩

支應科員步軍統領衙門科員 常 緒 少 甫

交際科員步軍統領衙門科員 奚 以 莊 子 畚

全 關 文 惠 煥 章

7041

